

দুশান্তজয়

(পৌরাণিক নাটক)

[দি নিউ স্বরাজ অপেরায় অভিনীত]

শ্রীবিনয়কৃষ্ণ মুখোপাধ্যায়
সাহিত্য-রত্ন প্রণীত

তৃতীয় মুদ্রণ

ভার্মাচাঁদ দাস এণ্ড সন্স

৮২ নং আহিরীটোলা স্ট্রীট, কলিকাতা

১৩৫৯।২

প্রকাশক—শ্রী অমরেন্দ্রনাথ দাস

৮২, আহিরীটোলা ষ্ট্রীট,

কলিকাতা

আনন্দ সংবাদ !

আনন্দ সংবাদ !!

নূতন প্রকাশিত হইতেছে—

যাঁহার লিখিত নাটকাবলী নাট্যজগতে যুগান্তর
আনিয়াছে—

সেই লক্ষপ্রতিষ্ঠ নাট্যকার শ্রী ব্রজেন্দ্রকুমার দে এম-এ, বি-টির
অমর লেখনীপ্রসূত ঐতিহাসিক পঞ্চাঙ্ক নাটক

দাসী পুত্র

কোথায় অভিনীত হইতেছে জানেন তো ?

সেই বঙ্গের অপ্রতিদ্বন্দী যাত্রাসম্প্রদায়

“আর্য্য অপেরায়”

চাণক্য-পণ্ডিতের কূটবুদ্ধিতে দাসীর পুত্র চন্দ্রগুপ্তের
মৌর্য্য-সাম্রাজ্য লাভ, মুরার চরিত্রে মেঘ ও রৌদ্দের
খেলা, অপরিণামদর্শী নন্দের ধ্বংস প্রভৃতি সহজ ও সুন্দর
ভাষায় রূপায়িত হইয়াছে। মূল্য ২/- দুই টাকা।

ভারতীন্দ্র দাস এণ্ড সন্স

৮২, আহিরীটোলা ষ্ট্রীট, কলিকাতা

উৎসর্গ

কলিকাতার সুপ্রসিদ্ধ পুস্তক-ব্যবসায়ী
তারাচাঁদ দাস মহাশয়ের জ্যেষ্ঠপুত্র
শ্রীযুক্ত বিশ্বনাথ দাস মহাশয়কে
আশীর্বাদস্বরূপ দশভুজা নাটকখানি
অর্পণ করিলাম ।

মায়ের আশিস্ বারিরা পড়ুক
ধন্য করুক প্রাণ ।
উন্নত হোক বাণীর দেউল
লভিয়া মায়ের দান ॥

তেহাট্টা
বর্দ্ধমান

}

ইতি—
আশীর্বাদক—
শ্রীবিনয়কৃষ্ণ মুখোপাধ্যায়

ভূমিকা

দুর্ভাগ্য-পীড়িত মহারাজ সুরথের মৃগয়ী দশভুজার অর্চনা—অভয়্যার অভয়বারি বর্ষণে দুর্ভাগ্যের পরাজয়—সৌভাগ্যের অরুণোদয় ; ইহা লইয়াই দশভুজা নাটকখানি রচিত হইয়াছে। আশা করি উক্ত নাটকখানি জনসাধারণের নিকট সমাদৃত হইবে।

আমি অতি তুচ্ছ—হীন ; আমার কোনই ক্ষমতা নাই সেই জগন্মাতা মায়ের রূপকে লেখনী-অস্ত্রে ফুটাইয়া তুলি ; তবে যতটুকু ফুটিয়াছে সবই সেই মহিগময়ী মায়ের রূপায়।

কষ্ট কল্পনায় নাটক রচনা করা এবং অপর নাট্যকারের ভাব ছায়া গ্রহণ ও ভাষা চুরি করা আমার স্বভাববিরুদ্ধ। আমি পণ্ডিত নই, অতএব আমার নাটকে পাণ্ডিত্য থাকিবে কোথায় ? লোকশিক্ষাই নাটকের মূল উদ্দেশ্য—আমি উহারই পক্ষপাতী। যাহাতে দেশ ও দেশের কল্যাণ সাধিত হয়, রচনার দ্বারা আমি তাহাই প্রকাশ করি, আর কিছুই চাই না। ইতি—

তেহাট্টা

বর্দ্ধমান

}

বিনীত—

শ্রীবিনয়কৃষ্ণ মুখোপাধ্যায়

নাট্যোল্লিখিত ব্যক্তিগণ

পুরুষগণ

মদনমোহন, মার্কণ্ড, মেধস

সুরথ	কোলাপুররাজ
মহীরথ	ঐ ভ্রাতৃপুত্র
অনিলাক্ষ্য	ঐ সেনাপতি
শান্তশীল	জৈনক ব্রাহ্মণ
গিরিধারী	কোলাপুরের পুরোহিত
প্রদীপ	ঐ পুত্র
অগ্নিমিত্র	চৈত্রয়-সেনাপতি
উত্ক	ঐ ভ্রাতা
মাধবসর্দার	ভীলসর্দার
উমানন্দ	সাধক

কন্যাকর্তা, মালী, শিষ্যগণ, চৈত্রয়-সৈন্যগণ, কোলাপুরের
সৈন্যগণ ও শবরগণ ইত্যাদি।

স্ত্রীগণ

চামুণ্ডা	
সিন্ধেশ্বরী	ছদ্মবেশী ভগবতী
সুনন্দা	মহীরথের মাতা
মাধবিকা	কোলাপুরের রাণী
মঞ্জুলা	সুরথের পালিতা কন্যা
অনিমা	উত্কের ভগ্নী
যশোদারী	গিরিধারীর পত্নী

মালিনী, নর্ভকীগণ, রমণীগণ ও ভীলরমণীগণ ইত্যাদি

মুক্তি যজ্ঞ

শ্রীবিনয়কৃষ্ণ মুখোপাধ্যায় সাহিত্যরত্ন প্রণীত—শিবহর্গা অপেরায় মহাযশের সহিত অভিনীত। সম্পূর্ণ নূতন ছাঁদে রামায়ণের এক অপূর্ব চিরস্মরণীয় ঘটনা। লক্ষেশ্বর রাবণপুত্র মেঘনাদের জয়, মেঘনাদের দিগ্বিজয় পূর্বক ইন্দ্রজিৎ নাম গ্রহণ। নিকুন্তিলা যজ্ঞ সম্পাদন। রাম লক্ষ্মণের সহিত রক্ষকুলের সংঘর্ষণ। মারুতির সহিত চামুণ্ডার যুদ্ধ, মায়াসীতা বধ, রাম লক্ষ্মণের নাগপাশে বন্ধন। ইন্দ্র ও শচীর অলৌকিক আতিথেয়তা, নিকুন্তিলা যজ্ঞাগারে লক্ষ্মণ কর্তৃক মেঘনাদ বধের করুণ কাহিনী। তরণী-সেনের মুক্তি ইত্যাদি—মূল্য ২ টাকা।

মায়া শক্তি

শ্রীবিনয়কৃষ্ণ মুখোপাধ্যায় সাহিত্যরত্ন প্রণীত। ভূটুয়া অপেরার জয়-নিশান। দশানন-পুত্র মর্গীরাবণ কর্তৃক মায়াশক্তির দ্বারা রাম লক্ষ্মণকে হরণ। ভদ্রাকালী দেবীর নিকট রাম লক্ষ্মণকে বলিদানে উত্তম। পবনপুত্র মারুতির অলৌকিক শক্তির দ্বারা ভদ্রাকালীর মন্দিরে মর্গীরাবণের শিরশ্ছেদ ও রাম লক্ষ্মণের উদ্ধার। বীরত্বের ও কারুণ্যের সন্নিবেশ। মূল্য ২ টাকা।

স্বপ্নের দান

শ্রীবিনয়কৃষ্ণ মুখোপাধ্যায় সাহিত্যরত্ন প্রণীত—লোহিত অপেরায় অভিনীত। ইহাতে দেবদেবীর সংঘর্ষণে মর্ত্যের মানবের প্রতি ভীষণ অত্যাচার। গ্রহরাজ শনৈশ্চরের শ্রীবৎসরাজের প্রতি ভীষণ প্রতিশোধ গ্রহণ, দেবী কমলার আশীর্ব্বাদে বিপর্যায়ের মাঝখানে সৌভাগ্যের প্রাণ প্রতিষ্ঠা, গ্রহরাজের পরাজয়। মূল্য ২ টুই টাকা।

চন্দ্রভূজা

প্রস্তাবনা ।

মার্কণ্ড-আশ্রম ।

যজ্ঞানল জ্বলিতেছিল, মার্কণ্ড উপবিষ্ট,

শিষ্যবালকগণ গাহিতেছিল ।

গীত ।

ওঁ জয়ত্বং দেবী চামুণ্ডে জয় ভূতাপহারিণী ।

জয় সৰ্ব্বগতে দেবী কালরাত্রি নমোহস্তুতে ॥

জয়ন্তী মঙ্গলা কালী ভদ্রাকালী কপালিকে ।

দুর্গা শিবাক্ষমাধাত্রী স্বাহা স্বধা নমোহস্তুতে ॥

মধু-কৈটভ বিধ্বংসি বিধাতৃ বরদে নমঃ ।

রূপং দেহি জয়ং দেহি, যশো দেহি দ্বিষো দেহি,

মহিষাসুর নির্গাশি ভক্তানাং সুখদে নমঃ,

রূপং দেহি জয়ং দেহি যশো দেহি দ্বিষো দেহি ॥

[প্রণাম ।

মার্কণ্ড ।

ওঁ যদক্ষরং পরিব্রষ্টং মাত্ৰাহীনাঞ্চ যদ্ভবেৎ ।

পূৰ্ণং ভবতু তৎ সৰ্বং তৎ প্রসাদান্মহেশ্বরী ॥

ওঁ সৰ্ব মঙ্গলমঙ্গল্যে শিবে সৰ্বার্থ সাধিকে ।

শরণ্যে ত্র্যম্বকে গৌরী নারায়ণী নমোহস্তুতে ॥

[প্রণাম ।

বালকগণ । যথা আজ্ঞা গুরুদেব !

[প্রস্থান ।

মার্কণ্ড । মা ! মা ! মা !
সৃষ্টির প্রারম্ভ হ'তে
একাক্ষরে মধুময় নাম
ধ্বনিত বিশ্বের বুকে প্রণব নিনাদে ।
মা ! মা ! মা !
যুগান্তের সাধনায়
তবু নাই অভয়ার অভয় ঝঞ্ঝার ।
কতকাল শিরে ধরি
প্রকৃতির দুর্নিবার অত্যাচার শত
বল মাগো সুরেশ্বর !
লভিব দর্শন তোর ?
দিনে দিনে দিন গত হয়,
না হইল কামনা পূরণ ।
তোরই রূপায় মার্কণ্ড
রচিল এক মহাগ্রন্থ,
সেই গ্রন্থ চণ্ডী নামে
অমর হইয়া রবে ভারতের বুকে—
যাহাতে মহিমা তব
রাহিবে মণ্ডিত ।
কিন্তু হায় ! কাল ব'য়ে যায়,
কালভয় নিবারিণি
তবু তো এলি না ?

গীতকণ্ঠে সিদ্ধেশ্বরীর প্রবেশ ।

গীত ।

ফুল প্রকৃতি আজ, পরি অভিনব সাজ,
মায়ের আসার পথে ওই চেয়ে আছে গো ।
কুসুমিত তরু হ'তে, মায়ের আসার পথে,
স্বরভি ছড়িয়ে পড়ে গ্লামলার বৃকে গো ॥
ওই আসে দুঃখহরা, মোছ রে নয়নধারা,
সাজা রে বোধন-সাজ উল্লাসে মাতি গো ॥

[প্রস্থান ।

মার্কণ্ড । মা ! মা ! মা ।

ভগবতীর প্রবেশ ।

ভগবতী । মার্কণ্ড ! আমি এসেছি ।

মার্কণ্ড । কে—কে তুই বিরাট নৈরাশ্বঘেরা মরুর বৃকে শান্তির
বারিধারা নিয়ে ধীরে ধীরে নেমে এলি ? কে—কে তুই ?

ভগবতী । বাক্যে তুমি ডাকছ—বার জন্ম উন্মাদ—আত্মগারা—
সর্বত্যাগী ।

মার্কণ্ড । তাহ'লে তুমি মা ?

ভগবতী তোমার কি মনে হয় মার্কণ্ড ?

মার্কণ্ড । আমার মনে হয়, তুমি পাষণী ।

ভগবতী । পাষণের বৃকেই যে ক্ষীরধারা সঞ্চিত ।

মার্কণ্ড । সে ক্ষীরধারা এখন শুষ্ক ।

ভগবতী । অভিমান ত্যাগ কর মার্কণ্ড !

দশভুজ।

[প্রস্তাবনা।

মার্কণ্ড। কেন অভিমান ত্যাগ করবো? পুত্রের জন্ম যে মায়ের
প্রাণ কাঁদে না, সেই মায়ের উপর পুত্র কি অভিমান করে না?

ভগবতী। আর অভিমান ক'রো না পুত্র! এই আমি এসেছি।
বল কি চাও?

মার্কণ্ড। এই নে মা; তোর মহিমামণ্ডিত শ্রীশ্রীচণ্ডী! মার্কণ্ডের
সহস্র সাধনার পুষ্পাঞ্জলি। বৃথা পরিশ্রম হ'ল মা শঙ্করি, এই গ্রন্থ
রচনা ক'রে। রচনার সার্থকতা কোথায়?

ভগবতী। আমার আশীর্ব্বাদে এই অমূল্য গ্রন্থ আবহমান কাল
জগতে পুঞ্জিত হবে। এই অমূল্য গ্রন্থ পাঠ কিংবা শ্রবণে ধনে পুত্রে
লক্ষ্মীলাভ—সর্বকার্যে সিদ্ধিলাভ। আরও শোন মার্কণ্ড! তোমার এই
গ্রন্থ যুগান্তরে মহর্ষি মেধস কর্তৃক জগতের বৃকে প্রচারিত হবে।

মার্কণ্ড। মহর্ষি মেধস কর্তৃক?

ভগবতী। হাঁ বৎস! চৈতবংশ-সন্তৃত মহারাজ সুরথ শত্রুগণ
কর্তৃক বিতাড়িত হ'য়ে মহামুনি মেধসের আশ্রমে উপস্থিত হবে, সেই
স্থানে সেই মেধসের মুখে চণ্ডী-মাহাত্ম্য শ্রবণ ক'রে তারই পুণ্যফলে
হৃতরাজ্য উদ্ধার করবে। যাও বৎস! তোমার সাধনায় সিদ্ধিলাভ।

[অন্তর্দ্বান।

মার্কণ্ড। ধন্য—ধন্য তুমি মার্কণ্ড! এতদিনে তোমার শ্রম সার্থক।
মাতৃ-মহিমা-মণ্ডিত শ্রীশ্রীচণ্ডী—তোমার মহিমা-উৎস বিশ্বের বৃকে সহস্র
ধারায় ছড়িয়ে পড়ুক।

[চণ্ডী মস্তকে করতঃ প্রস্থান।

প্রথম অঙ্ক ।

প্রথম দৃশ্য ।

নদীতীর ।

ভীলবালকগণ গাহিতেছিল ।

গীত ।

আজ হামাদের সইয়ের সাদি
রোশনী আলায় মিঠি হাওয়াতে
সই মিঠি হাওয়াতে ॥

বাজায় ভেঁপু মরদগুলো
নিদ্ নেহি লো আগিত্তে ॥

দিদ্ হামাদের বেজায় খুসী,
দরিয়ায় যাই লো ভাসি,
বাজ্বে মাদল আস্বে নাগর লো,
হামারা তখন নাচ্‌বো কেতো লো,
জাল্‌বো রঙীন হাজার আলো
হামাদের মরদগুলোর সাথে ॥

[প্রস্থান ।

দ্রুত উত্কের প্রবেশ ।

উত্ক । একটু জল ! একটু জল দাও ! ওগো, কে কোথায় আছ,
একটু জল দাও । উঃ ! আর যে পার্‌ছিনে । [পতন]

সৈন্তগণসহ অগ্নিমিত্রের প্রবেশ ।

অগ্নিমিত্র । সৈন্তগণ ! সৈন্তগণ ! বধ কর—বধ কর ওই পলাতক রাজদ্রোহী উত্ককে ।

উত্ক । উঃ ! দাদা ! দাদা !

অগ্নিমিত্র । চূপ্ ! কে দাদা ? কাকে তুই আজ কাতরকণ্ঠে দাদা ব'লে ডাকছিস্ ? দাদা নেই । সৈন্তগণ !

উত্ক । একটু জল দাও দাদা—একটু জল দাও ! আমি যে আর কথা কইতে পারছি না ।

অগ্নিমিত্র । জল ? হাঃ-হাঃ-হাঃ ! মুখ, জল চাচ্ছিস্ ? জল কোথায় পাবি ? উত্তপ্ত মরুর বুকে এসে জল জল ক'রে চীৎকার করলেও এক ফোঁটাও জল তুই পাবি নে । সৈন্তগণ ! অপেক্ষা ক'রো না—একযোগে আক্রমণ কর ।

উত্ক । দাদা ! উঃ—ভগবান্ ! দাদা ! আমি তোমার কনিষ্ঠ সহোদর । মধুর সঙ্গন্ধ যে তোমাতে আমাতে । ভুল করছ কেন দাদা ? তুচ্ছ স্বার্থের জন্ত আজ তুমি ভাইয়ের জীবন নিতে এসেছ ? বড় পিপাসা—আগে একটু জল দাও—তারপর—

অগ্নিমিত্র । না—না, জল নেই !

উত্ক । কেন, আমি কি করেছি দাদা ? কিছুই তো করিনি তোমার । শৈশব হ'তে আজও পর্যন্ত তোমারই পদতলে আমার শির নত ক'রে রেখেছি । যে উত্ক একদিন তোমার স্নেহের দ্বারে আত্মবন্দী ছিল, কেন, কি জন্ত সে আজ তোমার স্নেহ হ'তে বঞ্চিত হয়েছে ? এস দাদা, কাছে এস—আমি তোমার ওই শতবাহিত চরণতলে শত শ্রদ্ধা সম্পূর্ণ অস্তরে শির নত ক'রে দিয়ে তোমার দাদা

প্রথম দৃশ্য । ।

দশভুজা

দাদা ব'লে ডাকি ; আর তুমিও শ্রাবণের বারিধারার মত নেমে এসে আমার সর্ব্বাঙ্গে আশীর্বাদ ঢেলে দিয়ে ভাই ব'লে আদরে বুকে টেনে নাও ।

অগ্নিমিত্র । আবার সেই এক কথা ? ভ্রাতৃদ্রোহী তুই । আমার আদেশ অমান্য ক'রে মগ্ধরাজের আদেশ পালন না ক'রে পালিয়ে যাচ্ছি ; কিন্তু আজ যাবি কোথায় ? শোন মুখ ! অনিমাকে বন্দিনী ক'রে রেখেছি, আর আজ তোকেও হত্যা করবো ।

উত্ক । চমৎকার—চমৎকার ! নিজ ভগ্নীকে বন্দী ক'রে রেখেছ, তাকে একটা লম্পটের হাতে তুলে দিয়ে অগাধ ঐশ্বর্যা লাভ ক'রবে ব'লে—আর আমায় এসেছ হত্যা ক'রে নিষ্কণ্টক হ'তে ? বাঃ, সুন্দর তোমার আত্মসুখের পূজা-আয়োজন ! পিতৃকুলের মর্যাদা চিরতরে ডুবে যাক—বুকের বল, বাহুর শক্তি ভাই—সেও মরুক ; তবু চাই তোমার আত্মসুখ । উঃ, দাদা ! তুমি কি মানুষ ? না—না, তুমি মানুষ নও, —তুমি পিশাচ—তুমি দানব—তুমি শয়তান । পালাও—পালাও, তোমার পাপভার পৃথিবী আর সহ্য ক'রতে পারছে না । ওই দেখ, থন্ থন্ ক'রে কাঁপছে । ওই আকাশ হ'তে এগুনি বাজ এসে তোমার ছরস্তু লালসার অবসান ক'রে দেবে । পালাও—পালাও ।

অগ্নিমিত্র । বটে রে দর্পিত ! আবার আমার অপমান ? সৈন্তগণ ।

উত্ক । উঃ—উঃ—দাদা । আমি যে তোমার ভাই । ভাইয়ের রক্তের জন্ত তুমি এত লালায়িত ? কিন্তু এই ভারতের বুকে যে ভ্রাতৃপ্রেমের মধুর তরঙ্গ কত রঙ্গে ভঙ্গে খেলে বেড়াচ্ছে । ওই শোন দাদা, প্রকৃতি তার বেতার বীণায় ভ্রাতৃপ্রেমের বেহাগ সুর কেমন আত্মহারা হ'য়ে আলাপ ক'রছে ! ওই দেখ, ভারতের শ্যাম দুর্বার বুকে বুকে ভ্রাতৃপ্রেমের জীবন্ত ছবি ফুটে উঠেছে । এ বড় সুন্দর দেশ । এ দেশের

ভাই ভাইয়ের জন্ত প্রাণ দেয়—ভাইয়ের জন্ত ভিখারী সাজে, আবার
ভাইয়ের জন্ত আনন্দে নেচে ওঠে। তুমিও যে সেই পুণ্য দেশের
সন্তান। তারই পবিত্রতায় যে তোমারও জীবন গঠিত হয়েছে দাদা !
ওঃ। আর পারছিনে। সারাদিন পথপর্যটনে পিপাসায় কণ্ঠরোধ
হ'য়ে আসছে ; একটু জল—একটু জল। দাদা ! দাদা !

অগ্নিমিত্র। বধ কর—বধ কর সৈন্যগণ !

উত্ক। একটু জল। কে আছে একটু জল দাও।

জলপাত্রহস্তে শাস্ত্রশীলের প্রবেশ ।

শাস্ত্রশীল। দাঁড়াও—একটু দাঁড়াও তৃষ্ণার্ত ! আমি জল নিয়ে যাচ্ছি।
এয়া, একি !

অগ্নিমিত্র। সাবধান ! দাঁড়াও ব্রাহ্মণ ওইখানে—আর এক পাও
এগিও না।

শাস্ত্রশীল। কেন বাপু। তৃষ্ণার্ত জল চাইছে—আমি জল দেবো
না ? পথ ছাড়।

অগ্নিমিত্র। না, দিতে পারবে না ব্রাহ্মণ ! আমি আজ ওকে
হত্যা ক'রবো।

উত্ক। একটু জল দাও।

শাস্ত্রশীল। কেন, ওকে কি জন্ত হত্যা ক'রবে ?

অগ্নিমিত্র। তার কৈফিয়ৎ তোমায় দিতে হৈহয়-সেনাপতি অগ্নিমিত্র
অক্ষম। যাও—নচেৎ ব্রাহ্মণ হ'লেও নিস্তার পাবে না।

শাস্ত্রশীল। বেশ। কিন্তু আমায় কৈফিয়ৎ না দিলেও ওই উপরে
গিয়ে তোমায় তো একটা কৈফিয়ৎ দিতে হবে বাপু। যাক, এখন

প্রথম দৃশ্য ।]

দশভূজা

পথ দাও—আগে আমি ওকে একটু জল দিই, তারপর মারতে হয় মার
—রাখতে হয় রাখ ।

অগ্নিমিত্র । না—না, হবে না । বাচালতা ত্যাগ কর—স'রে যাও ।

শাস্তুশীল । তা কি হয় ? ব্রাহ্মণের ধর্মই যে আর্ন্তের সেবা করা
—বিপন্নের জীবন রক্ষা করা—আর দুষ্টির দমন করা ।

অগ্নিমিত্র । কি স্পর্কার কথা ! সৈন্যগণ ! ব্রাহ্মণকে গলাধাক্কা
দিয়ে এখান হ'তে তাড়িয়ে দে । কি সাহস ওই ভিক্ষাজীবীর । তৈহয়-
সেনাপতির নিকট এসেছে ব্রাহ্মণত্ব দেখাতে ।

শাস্তুশীল । আরে আরে দুরাচার । ব্রাহ্মণকে অবজ্ঞা ? জান না
ব্রাহ্মণের কত ক্ষমতা ? শীর্ণকায় দীনদরিদ্র দুর্বল হ'লেও—জেনে রেখো
দুরন্ত, এর এই ক্ষুদ্র বক্ষে বিশ্বধ্বংসী বাড়বানল আছে—এর নিঃশ্বাসে
প্রলয়ের ঝঙ্কার আছে । এই আমি জল দিচ্ছি, দেখি ব্রাহ্মণের
কার্যের প্রতিকূলে দাঁড়াতে তোমার কতখানি শক্তি । [অগ্রসর]

অগ্নিমিত্র । [বাধা দিয়া] আর এক পা অগ্রসর হ'য়ো না । কি,
শুন্বে না ? আরে—আরে—ভিক্ষাজীবি ! সৈন্যগণ ! বধ কর—বধ কর
অগ্রে ওই উন্মাদ ব্রাহ্মণকে—দেখি ওকে কে আজ রক্ষা করে ।

অনুচরগণসহ মাধব সর্দারের প্রবেশ ।

মাধব । আমি রক্ষা করবে রে বেইমান—হামি রক্ষা করবে । এ
ভাই সব । ওই দুষমনটাকে হামাদের পুণ্যর রাজি হ'তে ভাগিয়ে দে ।

অগ্নিমিত্র । বধ কর সৈন্যগণ ! ওই বন্য শূকরদের ।

মাধব । মার—মার বেইমানকো ।

[যুদ্ধ ও অগ্নিমিত্রের পলায়ন]

শাস্তুশীল । [উত্থকে জল দিল] মাধব—মাধব । আশীর্বাদ করি

দশভূজা

[প্রথম অঙ্ক ।

বন্ধু ! তুমি আদর্শ মানুষ হও । আমি আজ হ'তে তোমার মহিমার
দ্বারে আত্ম-বিক্রয় করলাম । তুমি না এলে আজ হয়তো একটা
অমূল্য জীবন নষ্ট হ'য়ে যেতো । এই দেখ, একজন নিরীহের প্রতি
কি নির্যাতন !

মাধব । কে ? ও—ঠাকুর বাবা ?

শান্তশীল । জানি না, তবে এ হৈহয়-বাসী । হৈহয়-রাজ-নিগৃহীত
কোন প্রজা । এস বৎস ! আর তোমার ভয় নেই, ধান্মিককে রক্ষা
করতে পরমেশ্বরের তীক্ষ্ণ দৃষ্টি যে সর্বত্রই বিরাজিত ।

উত্ক । ব্রাহ্মণ ! আমার পরিচয় জান্বে না ?

শান্তশীল । জান্বেও পরে । তুমি শত্রু হও—মিত্র হও—তবু আজ
হ'তে তুমি আমার আশ্রিত । আমি তোমার রক্ষক । চল মাধবদাস !
অন্যকার মত তোমার আলায়ে অবস্থান ক'রে কল্যাণ প্রত্যাশে রাজধানীতে
ফিরিবো । তীর্থ-পর্যটন ক'রে ফেরবার পথেই আজ আমার তীর্থফল
লাভ হ'ল । চল ।

মাধব । হামি যে ছোট্টা জাত আছে । তুতি হামার ঘরে থাক্‌বি
ঠাকুর বাবা ? কৈ ভদ্রর আদমি হামার ঘরে আসে না—থাকে না
—আমাদের পরশ করতে ঘৃণা বোধ করে ।

শান্তশীল । না—না, মস্ত ভুল তাদের মাধবদাস ! জন্ম আর কর্ম
আকাশ-পাতাল ব্যবধান । বন্ধু ! তোমার মহাপ্রাণতা সুসভ্যতার বহু
উচ্ছে । বাদের অন্তর এত উদার—কর্ম এত গরীবান্—পূজা এত ভক্তি-
শ্রদ্ধার ; তারা কখনো সমাজের নিম্নস্তরে থাকতে পারে না । চল
মাধবদাস ! আজ আমি আভিজাত্যের অহঙ্কার ভুলে গিয়ে, তোমার
সেই সারলত্যাগমণ্ডিত পর্ণকুটীরে বাস ক'রবো । তোমার শ্রদ্ধার পুষ্পাঞ্জলি
সাদরে গ্রহণ ক'রবো । তার জন্ম যদি সমাজচ্যুত হই—ক্ষতি নেই,

তবু আমি তোমায় ভাই ব'লে বুকে টেনে নিতে কুণ্ঠিত হবো না । এস, এস অম্পৃশ্য ! তোমার অম্পৃশ্যতার পুণ্য স্পর্শনে আমার বুকে মানবশ্বের দীপ্তি আজ ফুটে উঠুক । [মাধবকে বক্ষে গ্রহণ]

মাধব । চল্—চল্—ঠাকুর বাবা ! তবে তুহি হামার ঘরে চল্ । আজ হামার লেড়কীর সাদি আছে । তুহাদের পালে হামার কেত্তো আনন্দ হোবে । হো হো হো ! হামার ঘরে আজ ঠাকুর বাবা যাচ্ছে । কৈ হামায় আর ছোটা জাত বোলবে না । কৈ—কৈ তুহারা আয়, তুরন্ত আয়, ঠাকুর বাবাকে হামাদের কুঁড়িয়ামে লিয়ে যাবি আয় ।

গীতকণ্ঠে ভীলরমণীগণের প্রবেশ ।

পূর্ব গীতাংশ ।

চল্ তুহারা চল্ ।
ছোটা জাতের ছোটা ঘরে
চল্ তুহারা চল্ ॥
আন্বো মেরে বরা হরিণ,
তুহাদের দিবে খাতে,
বিছিয়ে দিবে পাতার আসন
তুহাদের শুতে
মিঠি হাওয়াতে ॥

[সকলের প্রস্থান ।

দ্বিতীয় দৃশ্য ।

গিরিধারীর বহির্বাটা ।

গিরিধারী ।

গিরিধারী । গিন্নি—গিন্নি ! ও গিন্নি ! বলি শুন্ছ ? এখনো কি তোমার মজলবার করা হয় নি ?

ষণ্ডেশ্বরীর প্রবেশ ।

ষণ্ডেশ্বরী । কেন গা, ষাঁড়ের মত অমন চোঁচাচ্ছ !

গিরিধারী । ষণ্ডেশ্বরীর প্রাণবল্লভ ষণ্ডেশ্বর না হ'য়ে কি আর ছাগলেশ্বর হবে, না ভেড়াশ্বর হবে ? বলি শুন্ছ ?

ষণ্ডেশ্বরী । বাবা, পরাণটা গেলেই বাঁচি ! মিল্কের জন্তে আর ধন্য কন্য কিছুই হবে না । মাত্র আড়াই পোয়া চিঁড়ের সঙ্গে গণ্ডা চাঁর-পাঁচ আম মেখে ফলার খেয়ে—ওমা, ভুলে যাচ্ছি, সেরখানেক মুড়কিও ছিল ; যেমনি কুটী ক'খানা খেতে যাবো, অমনি পেছু ডাকা—খাওয়া হ'ল না । না খেয়ে আমায় মরতে হবে গা । আমার এমন পোড়া অদৃষ্ট ।

গিরিধারী । আ-হা-হা ! তাইতো বিধুমুখীর আজ মোটেই আহাৰ হ'ল না গা ! ছি-ছি-ছি—করুনাম কি ? অমন সাধের মজলবারটা মাঠের মাঝখানে মারা গেল । যাক্, আসছে মজলবারে এখন সূদ সমেত সব মিটিয়ে নিও । আমি আজই দশ সের চিঁড়ে আর পাঁচ সের মুড়কির বায়না দেবো ; বলি শুন্ছ ? ব্যাটার ছেলে যে মদ ধরেছে ।

ষণ্ডেশ্বরী । আহা, ঘটা ঘটা থাক ।

গিরিধারী । এঁয়া, সে কি ? তুমি কি বলছ গিন্নি ? আমার কথা শুনে যে আমার গর্ভপাত হবার উপক্রম হ'চ্ছে । ঘটা ঘটা মদ খাবে কি ?

ষণ্ডেশ্বরী । তুমি যেমন কলকে কলকে গাঁজা খাও, ছেলেও তেমনি ঘটা ঘটা মদ খাবে ।

গিরিধারী । এঁয়া, ওইটুকু ছেলে মদ খাবে কি ?

ষণ্ডেশ্বরী । তারপর তোমার মাথাও খাবে ।

গিরিধারী । কি, আমার কথার উপর কথা ?

ষণ্ডেশ্বরী । চূপ কর—চূপ কর—যেমন বাপ তেমনি ব্যাটা । মেলা বাড়াবাড়ি ক'রো না —ঝাঁটার চোটে কুঁজ ফাটিয়ে দেবো ।

গিরিধারী । কি বললে গিন্নি—এটা আমার কুঁজ ? খুড়ি খুড়ি—কি বলছ তুমি—এটা আমার কুঁজ ? উহ, না—না, এটা কুঁজ নয় । এটা বিষয় বুদ্ধির ফোঁড় বেরিয়েছে ।

ষণ্ডেশ্বরী । এইবার আকাশ পানে ঠেলে উঠবে ।

গিরিধারী । শ্রীকৃষ্ণ গিরি-গোবর্দ্ধন ধারণ করেছিলেন, আমিও স্বয়ং সেই শ্রীকৃষ্ণের পিঠে এই গিরিরূপ কুঁজ ধারণ করেছি ব'লে আমার নাম গিরিধারী । আমার সঙ্গে মুখ সামলে কথা বলবে গিন্নি ! বিষয়-বুদ্ধি আমার অত্যন্ত ব'লে একটু আধটু গাঁজা খেতে হয় গিন্নি !

ষণ্ডেশ্বরী । বেশ—খুব খাও । যাই পঞ্চগব্যি ক'রে মঙ্গলবারটা সেরে নিই গে । ছি-ছি, আধখানা ক'রে কি রাখতে আছে ?

[প্রস্থান ।

গিরিধারী । সামলে রে—মঙ্গলবার আর বণ্টী সংক্রান্তি ক'রে গিন্নি আমার মাথাটা খাবে দেখছি ।

প্রদীপের প্রবেশ ।

প্রদীপ । বাবা ! বাবা ! ' এই দেখ এক জোড়া গৌফ লাগিয়েছি । সকলেই বলে খোকা খোকা, এইবার আর কোন শালাও খোকা বলবে না । বল তো বাবা, কেমন মানিয়েছে ?

গিরিধারী । আ-হা-হা, চমৎকার মানিয়েছে । ছি-ছি-ছি—তোমার লোকে বলে কি না খোকা ? হরি হরি হরি ! দেখ ধন, তোমার গৌফ না উঠলেও তুমি সব বিত্তেই শিখেছ । জ্যাঠামি—ইয়ারকি—ফোচ্কেমি—আরও কত কি । আবার নাকি মদও ধরেছ ?

প্রদীপ । তুমি গাঁজা খাও কেন ? তুমি ডাক্তার পথে যাও, আমি না হয় জল পথে যাহ । দেখ বাবা, মদ খেতে ভারি চমৎকার ।

গিরিধারী । কুলান্দার—কুলান্দার ! এই বয়সে অধঃপাতে গেল দেখছি । লেখাপড়া ত শিকের উঠেছে । বায়ুনের ছেলে দশকন্ম শেখা, তাও নেই । ওরে অকালকুস্মাণ্ড, তুহ খাবি কি ক'রে ?

প্রদীপ । যেমন তুমি হাত দিয়ে খাও ।

গিরিধারী । ওঃ ! বাছার আমার কি টন্টনে বুদ্ধি । ছেলে বটে একথানা । বেঁচে থাক বাবা—বেঁচে থাক ! সার্থক তোমার প্রদীপ নাম । আহা, আমার কুলের প্রদীপ—ঝাড় লঠন । যাও—যাও বাবা, বাড়ীর ভেতর যাও—আহা, ক্ষিদে পেয়েছে দেখছি ।

প্রদীপ । দেখ বাবা !

গিরিধারী । বল বাবা !

প্রদীপ । তোমার পিঠে ওটা কি ?

গিরিধারী । তোমার গর্ভধারিণীকে জিজ্ঞাসা করগে বাবা !

প্রদীপ । আমার তো এখন বিয়ে হয়নি গর্ভধারিণী কি ক'রে হবে ?

গিরিধারী । বেরো—বেরো হারামজাদা, গো-মুখ্য ।

[প্রহারোত্তত]

প্রদীপ । সাবধান ! সাবধান ! এখনি এক কিলে তোমার কুঁজ বোঁস্ট ক'রে দেবো । মেরে তোমায় আমি খারাপ ক'রে দেবো । জানো—আমি গৌফ লাগিয়েছি ।

গিরিধারী । দূর হ—দূর হ—তোমার মুখদর্শন করতে চাই না ।

প্রদীপ । তবে আমার পিঠ দেখ ।

গিরিধারী । হারামজাদা ! আবার ইয়ারকি হ'চ্ছে । [প্রহার]

প্রদীপ । কি, চড় মারলে ? দাঁড়াও কুঁজোরাম—এই এক ঘুসি ।

[কুঁজে ঘুসি মারিয়া প্রস্থান ।

গিরিধারী । উ-হ-হ, গেছিরে বাবা ! ব্যাটা সজোরে ঠিক বুদ্ধির ফোড়ের উপর কিল মেরে গেল । দাঁড়াও—দাঁড়াও, ব্যাটাকে আজই তেজ্য-পুতুর ক'রে ছাড়বো । মাথা খেলে—মাথা খেলে ওই হারামজাদী মাগি ! ষণ্ডেশ্বরী—অণ্ডেশ্বরী—খণ্ডেশ্বরী ওর মাথাটা খেলে । যাই দেখি এখন রাজবাড়ী পানে, যদি কিছু দাঁও-টাও মারতে পারি । শিব শব্দু—শিব শব্দু ! তাইতো, ভুলে যাচ্ছি যে, মহারানী স্বস্তায়ন করবেন—এইবার মোটা রকম পাওনা হবে । গিন্নি—গিন্নি ! বলি শুনছ ?

ষণ্ডেশ্বরীর প্রবেশ ।

ষণ্ডেশ্বরী । ওমা, আবার কেন ডাকাডাকি গা ? এইমাত্র এই ছ'খানা রুটী মুখে তুলেছি । মিসে আমার মঙ্গলবারটা করতে দিলে না গা ? ধন্দ-কন্দ আমায় সব গেল । [বগিয়া ক্রন্দন] আমার একি হ'লো গো—আমার সব গেল গো—ও মা গো তুমি কোথায় গেলে গো ?

গিরিধারী । আ-হা-হা-হা চুপ কর—গিন্নি ! বলি শুনেছ—একটা

ভয়ানক দাঁও এসেছে । মহারানী স্বস্তায়ন কন্বেন—তোমার বলতে ভুলে গিয়েছিলুম !

যশোবর্তী । আমি তাহ'লে নাচি ?

গিরিধারী । নাচ-নাচ যশোবর্তি—চার পা ভুলে লাজটা খাড়া ক'রে—তাই তাই নাচ ।

যশোবর্তী । কি, আমি নাচ'বো ? মেয়েমানুষ হ'য়ে নাচ'বো ?

গিরিধারী । কি, আমি—আমি মেয়ে মানুষ হ'য়ে নাচ'বো ? ব'লে যে অবাক হ'য়ে গেলে ? কেন, আজকাল কত মেয়ে নাচ'ছে—আর নাচ'বে না ? যদি বেশ ভাল ক'রে নাচ শিখতে পার, তাহ'লে তোমার নাচের জন্য একটা প্রদর্শনী খুল'বো । দেখ'বে—দেখ'বে তুমি লোকারণ্য হ'য়ে যাবে । কত পয়সাও রোজগার হবে ।

যশোবর্তী । মুখে আগুন তোমার পয়সায় । মেয়েমানুষ আবার নাচ'বে কি ?

[প্রস্থান ।

গিরিধারী । হবে—হবে, তোমায় নাচ'তে হবে—নাচ'তে হবে—আবার গানও গাইতে হবে । আজকাল মেয়েমানুষে নাচগান না শিখলে তার বিয়েই হবে না ।

[প্রস্থান ।

তৃতীয় দৃশ্য।

উদ্যান।

গীতকণ্ঠে মঞ্জুলার প্রবেশ।

গীত।

তুষিত হিয়ায় তুনি এস হে প্রিয়,

এস হে যৌবন সুন্দর ভঙ্গ।

উছলিত তটিনী, কুলভাঙ্গা টান তার,

কিবা সে অপরাপ তরঙ্গভঙ্গ ॥

বসন্ত বাতাসে মূর্ছিত চারু তনু,

প্রভাতীর আলাপনে বিকশিত হয় ভানু,

ঘুচুক মরম জ্বালা, পরহে সাধের মালা,

চরণে দলিত কেন কর হে নটবর—

কেন হে ছলনা, কেন হে রঙ্গ ॥

অনিলাক্ষ্যের প্রবেশ।

অনিলাক্ষ্য। বড় সুন্দর! বড় মধুর তোমার ওই গান মঞ্জুলা।
ইচ্ছা হয় আহার নিজা ত্যাগ ক'রে 'সারাজীবন তোমার ওই সঙ্গীতসুধা
পান করি।

মঞ্জুলা। একি! অনিলাক্ষ্য, তুমি এখানে কেন? কি চাও?

অনিলাক্ষ্য। চাওয়ার কথা আর কতদিন বলবো মঞ্জুলা? বহুদিন
পূর্বেই তো তুমি চাওয়ার কথা শুনেছ।

মঞ্জুলা । কিন্তু তা হয় না । তুমি অন্য কিছু চাও—নিশ্চয়ই পাবে ।

অনিলাক্ষ্য । না, অন্য কিছুই চাই না ! চাই তোমায়—চাই তোমার রূপের সেবা—চাট তোমার প্রেম-সুখা পান !

মঞ্জুলা । বড় ভুল করছ অনিলাক্ষ্য । কেন একটা ভুলের বশবর্তীতে অমন সুন্দর জীবনটাকে ব্যর্থময় ক'রে তুলবে ? মনে রেখো, তুমি ভাই—আমি ভগ্নী ।

অনিলাক্ষ্য । বটে ? তুমি আমার হবে না ? আমার এত আয়োজন সব তুমি ব্যর্থ ক'রবে ? আর সুখের স্বপ্ন তুমি অর্ধপথে ভেঙ্গে দেবে মঞ্জুলা ?

মঞ্জুলা । সব যাবে অনিলাক্ষ্য । পাপের দুশ্চিন্তায়—একে একে তুমি সব হারাবে । মনুষ্যত্ব ধর্ম্মাধর্ম্ম মহত্ব সব হারিয়ে তুমি পথের ভিখারী সাজবে । অন্ততাপের অশ্রুজলে পৃথিবীর বুকখানা ভেঙ্গে যাবে, তখন কেউ আর তোমার দিকে ফিরেও চাইবে না । ভাল চাওতো এখান হ'তে এই মুহূর্ত্তে চ'লে যাও—নতুবা তোমার এই গর্হিত কর্ম্মের পুরস্কার—

অনিলাক্ষ্য । কি পুরস্কার ?

মঞ্জুলা । অপমান—অপমান !

অনিলাক্ষ্য । তুমি আমায় অপমান করবে ? এখন সব ভুলে গেলে মঞ্জুলা ?

মঞ্জুলা । না ভুলিনি অনিলাক্ষ্য ! শৈশবের স্মৃতি হ'তে আজও পর্য্যন্ত মনে পড়ে তোমার স্নেহভালবাসা—অনুরাগ, কিন্তু—কিন্তু, আজ মনে পড়লেও আমি যে কৃতজ্ঞতা দিয়ে তোমায় সুখী করতে পারবো না । হ্যাঁ পারি, তোমায় সুখী করতে মায়ের মত স্নেহের পরশ দিয়ে ।

অনিলাক্ষ্য । আমি তো সে ভাবে তোমায় কোনদিন চাইনি—আর আজও তা চাইতে পারবো না । আমি তোমায় চাই । তার জন্ত যদি

আমায় সৃষ্টির অবজ্ঞা মাথায় তুলে নিতে হয়—তাই নেবো—তবু তোমায় ভুলতে পারবো না ।

মঞ্জুলা । পারবে না ?

অনিলাক্ষ্য । না—না মঞ্জুলা ! আজ আমি কালের কঠোর ত্রায়—
দানের নিশ্চয়তায়—পিশাচের নির্লজ্জতায় তোমার কাছে ছুটে এসেছি—
আজ একটা শেষ মীমাংসা করতে চাই । হয় তোমায় পাবো—না তবু
চিরদিনের জন্য ভুলে যাব ।

মঞ্জুলা । কি ব্রাস্ত তুমি অনিল ! তুচ্ছ একটা নারীর জন্য আজ তুমি
দুরন্ত পিশাচ সাজতে চাও ? ক্ষণিক পরিতৃপ্তির জন্য একি তোমার
লালসার উন্মাদনা ? হায় অনিল ! আমি জান্তুম তুমি মানুষ—তোমার
অন্তর আছে ; কিন্তু এখন দেখছি তুমি ঘৃণ্য পশুর চেয়েও অধম ।

অনিলাক্ষ্য । [উত্তেজিত ভাবে] মঞ্জুলা !

মঞ্জুলা । সাবধান ! তুমি দাস—আমি তোমার প্রভুকণা ।

[সরোষে প্রস্থান ।

অনিলাক্ষ্য । উঃ—উঃ ! মঞ্জুলা তুমি আমায় অপমান ক'রে চ'লে
গেলে ? আচ্ছা—আচ্ছা, আমিও তোমায় দেখবো—সংসারে তুমি কাকে
বিবাহ ক'রে সুখিনী হও । দেখবো, কে হয় আমার প্রণয়পথের
অন্তরায় । আমি তোমায় চাই ।

গীতকণ্ঠে উমানন্দের প্রবেশ ।

গীত ।

উমানন্দ ।—

যে চায় না তোমায় কেন তুমি তাকে চাও ?

বৃকের মাঝে চিতা ঘেলে কেন সদা দুখ পাও ॥ ৫

নেশার ঘোরে মত্ত হ'য়ে
 কেন কুপথ্য পানে খাও,
 সব খোরাবি ওরে পাগল
 বিষকে কেন খাও,
 পাপের স্মৃতি মুছে কেলে
 আলোক তুলে নাও ।

[প্রস্থান

অনিলাক্ষ্য । উমানন্দ—উমানন্দ ! তোমার সঙ্গীতে আমার নেশার
 উন্মত্ততা—পাপের রেখা মন হ'তে দূর ক'রে দিলে । সত্যই তো, যে আমায়
 চায় না—আমিই বা তাকে চাইবো কেন ? না—না, অহঙ্কার, অনিলাক্ষ্যের
 অপমান ?

সুনন্দার প্রবেশ ।

সুনন্দা । আর তুমি সেই অপমান মর্মে মর্মে অনুভব ক'রে নীরব
 নিশ্চেষ্ট থাকো ? কেমন অনিলাক্ষ্য ?

অনিলাক্ষ্য । একি ! আপনি এখানে ?

সুনন্দা । হ্যাঁ, আমি সব শুনেছি অনিলাক্ষ্য । যাক্—আমার কাছে
 কিছু গোপন ক'রো না । একদিন মঞ্জুলা তোমার হবেই—তবে কিনা
 অনিলাক্ষ্য—

অনিলাক্ষ্য । বলুন ।

সুনন্দা । আমার আদেশমত তোমায় চলতে হবে । শোন
 অনিলাক্ষ্য ! ভবিষ্যৎদর্পণে আমার পুত্রের ভবিষ্যৎ দেখে আমি বড় চঞ্চল
 হ'য়ে পড়েছি । এতদিন হয়নি—তার কারণও অশ্রু ছিল । কিন্তু আজ
 সপ্তাহকাল মহারাজের এক নব কুমার ভূমিষ্ঠ হয়েছে । কোলাপুর রাজ্যের
 সিংহাসন ভবিষ্যতে তারই হবে ।

অনিলাক্ষ্য । কিন্তু আমার কি করতে হবে দেবি ?

সুনন্দা । তোমায় আমার পক্ষে যোগদান করতে হবে । আমি জাল্বো এক বিরাট ধ্বংসের চিতা এই শাস্তিময় কোলাপুর রাজ্যে—তুমি শুধু নীরবে যুগিয়ে যাবে ইন্ধন, দেখবে তোমারও আশা পূর্ণ হবে । আমিও তখন স্বস্তির নিশ্বাস ত্যাগ ক'রবো ।

অনিলাক্ষ্য । আপনার চরণ স্পর্শ ক'রে বলছি, আজ হ'তে অনিলাক্ষ্য আপনার আদেশেই চালিত হবে । ভবিষ্যতের আশা পূর্ণতার অপমানের প্রতিশোধ গ্রহণ করতে অনিলাক্ষ্য তার ধর্ম কর্ম পুণ্য সবই বিসর্জন দেবে—পিশাচ সাজবে—পৃথিবীর বুকে বীভৎসতাব সৃষ্টি করবে ।

সুনন্দা । মনে রেখো—আমাদের এ অভিযানের পথে বহু অন্তরায় কাঁড়াবে । কিন্তু তার জন্ত তুমি বিচলিত হবে না—ভীত হবে না—, আমি তোমার পশ্চাতে অনন্ত শক্তির নিশান তুলে ধ'রবো ।

অনিলাক্ষ্য । যথা আজ্ঞা ।

সুনন্দা । একটা কথা অনিলাক্ষ্য, মহীরথকে আমার করতলগত করতে পারছিনে । যদিও সে আমারি পুত্র—যদিও তারই জন্ত আমি পাপের রক্তমঞ্চে নামতে চাইছি, তবু সে এত কাপুরুষ, এত হীনচেতা যে নিজের ভবিষ্যৎ বুঝে না দিবারাত্র বিলাসের স্রোতে ভেসে যাচ্ছে । যাক—তুমি কিন্তু আমার সত্য থেকো, আমি এখন চল্লুম । সাবধান যেন, আমার সঙ্গে প্রবঞ্চনা ক'রো না । সুরথ—সুরথ ! তোমার নব পুত্র ভূমিষ্ঠ হবার আনন্দেব মহোৎসব চুরমার হ'য়ে যাবে ।

[প্রস্থান ।

অনিলাক্ষ্য । হাঃ-হাঃ-হাঃ ! সূবর্ণ সূযোগ—সূবর্ণ সূযোগ ! মঞ্জুলা ! কর্ণিতা ! তোমার ও রূপ-যৌবনের দর্প চূর্ণ-বিচূর্ণ হবে ।

[প্রস্থান ।

গীতকণ্ঠে মালী-মালিনীর প্রবেশ ।

গীত ।

মালী ।—

ও মালিনি, তাড়াতাড়ি ফুল তুলে

ঘরে ফিরে চল ।

গহীন কালো আকাশখানা

সেঁ। সেঁ। সেঁ। করছে লো,

নাম্বে বুঝি জল ॥

মালিনী ।—

ও মাগো কি হবে গো, জল এলোতো ব'য়েই গেল,

কেমন ক'রে গাঁথবো আমি টাটকা

•ফুলের মালা বল ॥

মালী ।—

মালা আর পববে কে ?

আমার যে বয়েস গেছে,

মালিনী ।—

যা—যা—যা, বলিস্ কি,

তোর গেছে তো আমার কি,

আমার যে ভরা নদী কানায় কানায়

কব্ছে সদা টলমল ।

[উভয়ের প্রস্থান ।

চতুর্থ দৃশ্য ।

কক্ষ ।

মহীরথের প্রবেশ ।

মহীরথ । জীবনের উপর দিয়ে অবিরাম একটা মহা ঝড় ব'য়ে যাচ্ছে, সে ঝড়ে আমার হৃদপিণ্ডটা যেন ছিন্ন ক'রে দিচ্ছে । হৃদয়ের, সমস্ত উচ্চম উৎসাহ কর্তব্য বিবেককে যেন আমার অন্তরে আঘাত দিয়ে ব'লছে, ওঠ—ওঠ, নিজের ভবিষ্যৎপানে ফিরে চাও । উঃ ! কি জটিল রহস্যময় সংসার ! এর অন্তস্থলে প্রবেশ করা ক্ষুদ্র মানুষের পক্ষে বড়ই অসম্ভব । এখানে বিশ্বাস নেই—সরলতা নেই—রাশি রাশি অবিশ্বাস—রাশি রাশি সংশয়—রাশি রাশি স্বার্থের তরঙ্গ । কই—কই, তোরা আমার দুশ্চিন্তার মাঝখানে শান্তির পরশ দিয়ে যা—

গীতকণ্ঠে নর্তকীগণের প্রবেশ ।

গীত ।

ফুটন্ত যৌবন কুম্বিত উপবন

বস হে স্নন্দর, অভিমান কেন আর ।

দোলায়ে সূচার অঙ্গ অনিবার

করিব কত হে রঙ্গ ভোলাবার ॥

কাজল আধিতে গোপন ঠারে,

বহাবো উৎস মধিরা তোমারে,

মিলন বাঁশীর তানে, ললিত গানে গানে,

প্রেমেরি নয়নে প্রেমেরি বাঁধনে

তোমারে বাঁধিব হে প্রিয় আমার ॥

[প্রস্থান ।

মহীরথ । এমন মুক্ত জীবনের স্রোত, তুমি আবার কোন্ পথে কিরিয়ে নিয়ে যেতে চাও মা ? পুত্রের এমন আনন্দের প্রতিষ্ঠানে কেন তুলতে চাইছো মা একটা প্রবল ঝড় ? কেন তুমি শত শকার অন্তর হ'তে বিতৃষ্ণায় অন্ধকারে নেমে যেতে চাইছো ? ক'দিনের জন্ত ? উঃ—মায়ুষের কি মহাভ্রম ! একটা নখর আসক্তির তাড়নার মনুষ্যত্ব হারিয়ে ফেলে ; কিন্তু জানে না কোন্ অজানা মুহূর্তে মরণ এসে তার চুলের মুঠি ধ'রে টেনে নিয়ে যাবে । তখন সবই প'ড়ে থাকবে । হাঃ-হাঃ-হাঃ !

সুনন্দার প্রবেশ ।

সুনন্দা । মহীরথ ! মহীরথ !

মহীরথ । কেন মা ?

সুনন্দা । কি ভেবে-চিন্তে স্থির করলে ?

মহীরথ । কি আর স্থির ক'র্বো মা ?

সুনন্দা । তাহ'লে মায়ের কথা শুন্বে না ।

মহীরথ । কেন শুন্বে না ? ঠিক মায়ের মত কথা বল, পুত্র নিশ্চয়ই শুন্বে ।

সুনন্দা । রাজ্য চাও না ?

মহীরথ । রাজ্য ! রাজ্যে কি প্রয়োজন আছে মা ? আমাদের ত, কোন অভাব নেই ; অতুল ঐশ্বর্য—অসংখ্য দাসদাসী—অনাবিল আনন্দ । অভাব কি ? কিসের জন্ত এমন শাস্তিময় বৃকের ভেতর একটা হাহাকারের চিতাকুণ্ড জালবো ? ভুলে যাও রাজ্যের কথা—তোমার ওই চরণ—তাই যে মা আমার শত রাজ্য, আমি যেন যুগ-যুগান্তকাল ঐ রাজ্যের অধিকারী হ'য়ে থাকতে পারি ।

সুনন্দা । এত তুমি দুর্বল মহীরথ ! জান্তুম সিংহের সন্তান সিংহই হয়—কখন শৃগালশাবক হয় না । ওরে মহি ! তুমি জান না—রাজ্য

কাজিরের নিকট কতখানি সাধনার সম্পদ ! এই ভারতের ইতিহাসখানা পর পর উল্টে ঘাও মহি, দেখবে রাজ্যের জন্য কতদিন কতবার ভারতের বুকখানা—রক্তে রক্তে রক্তময় হ'য়ে উঠেছিল। দিকে দিকে—নগরে নগরে—পল্লীতে পল্লীতে—কত কান্নার সুর বেজে উঠেছিল, কিন্তু তবুও রণদামামা বন্ধ হয়নি। অস্ত্রের বন্দননা থামেনি—রাজ্যপিপাসারও শেষ হয়নি। যখনই যে কোন জাতি—যে কোন লোক বীরত্ব নিয়ে ফুটেছিল—তখনই সে অস্ত্র ধ'রেছিল, গায় অন্টার পাপ পুণ্য কিছুই বিচার না ক'রে রাজ্যলাভের জন্য নেচে উঠেছিল।

মহীরথ । রাজ্যলাভ ক'রে ক'দিন ভোগ ক'রেছিল ? দুদিনের ভোগের জন্য আমি পারবো না মা ইহজীবনের পরজীবনের অভিশাপ মাথাধ তুলে নিতে। যদি পার—যদি তোমার সে ক্ষমতা থাকে, পুত্রকে অমব কর ; দেখবে পুত্র তখন তোমার আদেশ বর্ণে বর্ণে পালন ক'রবে। কিন্তু একটা অসার স্বপ্নে আত্মবিভোর হ'য়ে তার মনুষ্যত্ব হারাবে না।

[প্রস্থানোগত]

সুনন্দা । মহীরথ !

মহীরথ । পারবো না মা—তুচ্ছ রাজ্যের জন্য পিশাচ সাজতে। এস, এস মা—পুত্রের হাত ধর, চল এই লোভ-লালসাঘেরা সংসার হ'তে—সম্মুখের ওই মহানন্দের পুণ্য তপোবনে, সেখানকার বিহগীর সুললিত আলাপনে—মুক্ত বাতাসের অমিয় হিল্লোলে—উচ্ছ্বসিত তটিনীর কুলু-কুলু স্বরে—তুমি ভুলে যাবে এই স্বার্থের মূর্তি—টুটে যাবে তোমার মনের সঙ্কীর্ণতা ; দেখবে এই বিশ্ব কত সুন্দর—কত মনোহর—কত মতিমার। তখন জগতের শত সহস্র সম্ভান আবেগকল্পিতকণ্ঠে তোমায় মা মা ব'লে ডাকবে। কিন্তু এমনভাবে মায়ের মাতৃত্ব হারালে—তোমার স্থান ওই দুর্গন্ধ নরককুণ্ডেও হবে না।

সুনন্দা । কি, তুমি মায়ের অপমান করতে চাও মহি ! জান না কার অনুকম্পার পুতধারায় এত বড়টা হ'রে উঠেছ—কার অনুগ্রহে তুমি বিচারশক্তি দেখাতে চাইছো ? অক্লতজ্ঞ !

মহীরথ । আমি জানি—আমার মজলময়ী মায়ের অনুগ্রহে আমি মানুষ হ'য়েছি । মায়ের সেই অপাধির দান—মায়ের সেই করুণার অসংখ্য চুষন পুত্র আজও ভোলেনি—ভুলবেও না । কিন্তু—

সুনন্দা । কিন্তু ?

মহীরথ । কিন্তু আছে ।

সুনন্দা । আছে ।

মহীরথ । হ্যাঁ—আছে । যে মহত্ব তোমার মতিময়ী দেবীর আসন দিতে পারতো, সেই মাতৃত্ব আজ তোমার বিষাক্ত হ'তে চলেছে । সাবধান ! সাবধান ! মাতৃহীনা নারী কখনো পুত্রের নিকট দানের দাবী করতে পারে না । যাও ! যাও ! আমি মায়ের মর্যাদা অপেক্ষা—আমার পিতৃকুলের মর্যাদাকেই অধিকতর মূল্যবান্ ব'লেই মনে করি ।

সুনন্দা । বটে ! এতদূর বিচার জ্ঞান ! মায়ের আদেশ পালনে বিমুখতা ! মহি—মহি ! মায়ের প্রাণে ব্যথা দিয়ে তুমি সারাজীবন এমনিভাবে একজনের অনুগ্রহের পাত্র হ'য়ে থাকবে ? ধিক্ ! শতধিক্ তোমায় পুত্র !

মহীরথ । হ্যাঁ—হ্যাঁ, আমি চিরজীবন—জন্ম-জন্মান্তর এইভাবে—এই প্রবৃত্তি নিয়েই একজনের অনুগ্রহের পাত্র হ'য়ে থাকবো মা ! তবু তোমার ওই হিংসা-যজ্ঞের ইন্ধন যুগিয়ে দিতে মহীরথ তার অমূল্য মানব জনমটুকুকে ব্যর্থ ক'রে ভুলতে পারবে না । যাও—যাও মা ! অবিরত পুত্রের কর্ণকুহরে বিষের ধারা চলে দিয়ে পুত্রকে দেবতার মন্দির হ'তে অন্ধকার নরকের পথে টেনে নিয়ে যেও না । তোমায় গর্ভে

আমার জন্ম হ'লেও কর্ম আমার তোমার প্রবৃত্তি নিয়ে ফুটে উঠতে পারে না ।

গীতকণ্ঠে উমানন্দের প্রবেশ

গীত ।

উমানন্দ—

তবে ছুটে আর ভাই আলোকে ।
সন্মুখে ওই কালো আধার আসছে ছুটে পুলকে ॥
মায়াবিনীর মায়ার ছলায়,
মন যেন তোর না হারায়,
শক্ত ক'রে বাঁধন দিয়ে আলোক-ধারে রাখ্ না তাকে ॥

[প্রস্থান ।

মহীরথ । উমানন্দ ! উমানন্দ ! দাঁড়াও—দাঁড়াও ।

[প্রস্থানোত্তত]

সুনন্দা । কোথায় যাস্ —মায়ের কথা শুন্বি কি না ?

মহীরথ । মায়ের পরিবর্তে মাতৃ-হৃদয়ে যদি পিশাচিনীর আবির্ভাব হয়,
তাহ'লে তার কথা শুন্বে কে ?

[প্রস্থান ।

সুনন্দা । বাঃ ! উঃ ! আমার ছেলেটাকে ওরা পর ক'রে দিতে
চায় । মহি—মহি ! এখনো তোর ভবিষ্যৎ চিন্তা কর ; যতই তুই ভ্যাগের
মন্ত্র নিয়ে চলিস্ না কেন, আমি কিন্তু তোর সে মন্ত্র ব্যর্থ করতে ছাড়বো না ।
দেখি, কার শক্তি কতখানি ।

মঞ্জুলার প্রবেশ ।

মঞ্জুলা । কুমার ! কুমার ! একি, কোথায় গেল ? উঃ ! আমার কি প্রাণের যন্ত্রণা, কাকে বলি ? নারীর এই অব্যক্ত যন্ত্রণা কে বুঝবে ? জানি না কোন্ কল্পিত দিবসে মঞ্জুলার এ জ্বালার উপশম হবে ।

মহীরথের পুনঃ প্রবেশ ।

মহীরথ । কোন্ পথে যাই—কোন্ পথে যাই ।
 চতুর্দিকে স্বার্থের ঝঞ্ঝার
 লালসার ক্রকুটী-কটাক্ষ !
 নাহি সুখ—নাহি শান্তি—
 নাহি হয় ত্যাগের কামনা ।
 অপূর্ব এ বিশাল ব্রহ্মাণ্ডে
 মা শেখায় সন্তানে তাহার
 স্বার্থের অর্চনা ।
 দেবতার পুণ্যপীঠে স্বার্থের আরতি ।
 স্বার্থময়—স্বার্থময় সব ।
 একি ! কে, মঞ্জুলা !

মঞ্জুলা । কুমার—কুমার !

মহীরথ । বারবার কেন তুমি
 মুক্ত এ জীবন-পথে
 ঢেলে দিতে চাও বালা গরলের ধারা ?
 ব'লেছি তো কতবার—
 করিব না জীবনে বিবাহ ।

ক্রনিক দৈহিক স্মৃতে
 আত্মহারা হ'তে
 নাহি সাধ জানিও মঞ্জুলা ।
 মঞ্জুলা । কেন—কেন—
 বিবাহ কি মূল্যহীন মহী ?
 মন্ত্রীরথ । অমূল্য বিবাহ তন্ত্র
 সৃষ্টির বিকাশ যাহে
 প্রধান সোপান !
 সে বিবাহ নহে মূল্যহীন ।
 ঐশিক বন্ধন—সুপবিত্র
 পুণ্যময় অতি ;
 কিন্তু সে বিবাহে আজি বিষময় ফল ।
 পিতামাতা কতই আনন্দে
 পুত্রের বিবাহ দিল শান্তির আশায়,
 কিন্তু হয় !
 দু'দিনেই ভেঙ্গে গেল শান্তির দেউল,
 এসে এক অজানা সেখানে
 কাড়ি নিল তাহাদের বাহিত রতনে ।
 ক্রমে ক্রমে পিতামাতা হইল যে পর,
 পুত্র কিন্তু হেরে না নয়নে ।
 তারপর—এক মুষ্টি অন্ন তরে
 পিতামাতা করে হাহাকার ,
 আর সেই পুত্র দিবারাত্র
 পত্নীর সম্ভাষ তরে

সাধে কত কুকার্য্য ধরায় ।
 সেই হেতু বিবাহে বিরাগ—
 প্রতিজ্ঞা আমার—
 বিবাহ না করিব জীবনে ।

মঞ্জুলা ।
 কিন্তু হে কুমার !
 তব হেতু মরিবে কি আর একজন ?
 যে জন তোমার তরে
 উন্মাদিনী কঁাদে অবিরল,
 যে জন তোমার পায়ে
 সঁপেছিল যা কিছু তাহার,
 যে জন করিল তোমা
 জীবনের যাত্রাপথে চির-সহচর—
 কি গতি হইবে তাহার
 তুমি যদি চল আজ বিবাগীর পথে ?

মহীরথ ।
 বড় ভুল করেছ মঞ্জুলা !
 না ভাবিয়া—না বুঝিয়া—
 অপরে আপন ভাবি
 আপনার মনে । এখন সময়
 আছে, এখন ফিরাও তব
 যৌবনের তটিনী-প্রবাহ
 কঁাদিবে পশ্চাতে—ব্যর্থ হবে তব
 সুখের জীবন ।
 ভুলে যাও মায়ী-কায়ী মোর
 স্বাধীন বিহগ সম মলয় বাতাসে

বনে বনে বেড়াব ভাসিয়া—
সোনার পিঞ্জরে বসি
কাঁদাবো না আত্ম-পরিজনে ।

[প্রস্থানোত্ত]

মঞ্জলা । সে কি ! সে কি মহীরথ !
কাঁদায়ো না মোরে ;
আমি যে তোমার হই
চরণ-সেবিকা দাসী ।

মহীরথ । কিন্তু বিবাহের পর
আমারে সাজাবে তুমি
চরণের দাস !

[প্রস্থান ।

মঞ্জলা । চ'লে গেলে—চ'লে গেলে ?
বাও—যাও মহীরথ !
কিন্তু আর ফিরিবে না জীবনের স্রোত ।
এ জনমে যদি আমি না পাই তোমারে,
পরজন্মে পাইবার করিব সাধনা ।

[প্রস্থান ।

পঞ্চম দৃশ্য ।

অন্তঃপুর প্রাঙ্গণ ।

সুরথ ও মাধবিকা ।

সুরথ । মাধবিকা ! মাধবিকা !

মাধবিকা । কেন রাজা !

সুরথ । প্রকৃতির সুনির্মল আকাশ সহসা মেঘাচ্ছন্ন ক'রে ফেলেছে কেন ? বোধ হয় প্রবল বারিবর্ষণ হবে ।

মাধবিকা । তুমি আজ অমন কম্বুছ কেন রাজা ?

সুরথ । আমি একটা দুঃস্বপ্ন দেখেছি রাণি ! নবকুমার জন্মগ্রহণ করতে আনন্দে কোলাপুর রাজ্য মেতে উঠেছিল, কিন্তু রাণি ! আমি দেখতে পেলাম, যেন সে আনন্দের ভেতর একটা প্রলয়ের আগুন লুকিয়ে রয়েছে । তারপর প্রতিদিন দুঃস্বপ্ন ! জানি না, মহামায়ার কি ইচ্ছা !

মাধবিকা । তুমি ভেবো না রাজা ! মা মহামায়ার আশীর্ব্বাদে সমস্ত অমঙ্গল দূর হবে । মিথ্যা একটা স্বপ্নের স্মৃতি নিয়ে মন ধারণা ক'রো না । অদৃষ্টে যাহা আছে তাই হবে, তোমার আমার তো কোন হাত নেই ।

সুরথ । অগ্রজ-পত্নীর ভাবান্তর লক্ষ্য ক'রে আমার মনে হ'চ্ছে, আমাদের এ সুখ-শান্তি বোধ হয় আর বেণীদিন নয় । যেন একটা মূর্ত্তিমান রাহু আমাদের সুখ-শান্তি গ্রাস করতে ছুটে আসছে ।

মাধবিকা । ওকি ! দেখ—দেখ মহারাজ ! কেমন একটি বালিকা,
গান করতে করতে এইদিকেই আসছে না ?

গীতকণ্ঠে সিদ্ধেশ্বরীর প্রবেশ ।

গীত ।

সিদ্ধেশ্বরী ।—

কাঁদিয়া কাঁদিয়া নয়নের জলে ভাসিয়া
বেড়াই ঘুরিয়া পথে পথে ।
কে আছ আমার আপনার ভবে
কে আর দেবে গো খেতে ॥
যার দ্বারে যাই, বলে নাই নাই,
ফিরি গো তখন ধীরে
নয়নের নীরে
পারি না চলিতে কোনমতে ॥

মাধবিকা । বালিকা ! বালিকা ! তোমার কি কেউ নেই ? যাক,
কেউ থাকুক বা না থাকুক—আজ হ'তে আমরা তোমাকে আমাদের
এই রাজপ্রাসাদে স্থান দেবো, আর তোমায় এত কষ্ট ক'রে ভিক্ষা
ক'রে বেড়াতে হবে না । মহারাজ ! তোমার কি মত ?

সুরধ । আমার অমত কিছুই নাই রাণি ! হুঃখীর হুঃখমোচন না
করতে পারলে মানব-জন্মের সার্থকতা কোথায় ? যাও—বালিকাকে
অন্তঃপুরে নিয়ে যাও, সারাদিন বোধ হয় কিছু খায় নি ।

মাধবিকা । এস বালিকা !

সিদ্ধেশ্বরী । আমার নাম খাম না জেনে আমাকে তোমরা স্থান দেবে ?

গীতকণ্ঠে একতারাহস্তে নৃত্যসহকারে

দিগম্বরের প্রবেশ ।

গীত ।

দিগম্বর ।—

তোর নাম ধাম জানে সেই ক্ষেপা দিগম্বর ।

বলবো নাকি সত্যি কথা

হয় সে প্রাণের ভর ॥

তুই রক্ত থাকী নেংটা মেয়ে,

নাচিস্ ধেই ধেই রক্ত খেয়ে,

আবার ভূত-পেত্নী সঙ্গে নিয়ে

শ্মশানেতে করিস্ ঘর ॥

রাগ করিস্ নে বলছি বলে,

ঘুমিয়ে গেলে নিস্ মা কোলে,

যেন হাতে দিয়ে মাটি

করিস্ নে তুই পর ॥

[প্রস্থান ।

মাধবিকা । কে তুই পাগল ?

সিদ্ধেশ্বরী । ওর নাম পাগ্‌লা দিগম্বর, সবাই ওকে পাগ্‌লা ব'লে ডাকে । আমাকে দেখলেই পাগ্‌লা ওই রকম জ্বালাতন করে । জানি না বাপু, আমি ওর কি ক'রেছি ।

সুরথ । নিয়ে যাও রাগি, এই বালিকাকে অস্তঃপুরে । সাবধান ! যেন আর কোথাও চ'লে যেতে পারে না ।

সিদ্ধেশ্বরী । সে কি গো—তোমরা আমায় বেঁধে রাখবে নাকি ? তবে আমি যাব না ।

সুরথ । না বালিকা ! সেভাবে তোমার বেঁধে রাখব না—বেঁধে রাখব অন্তরের ভক্তির শৃঙ্খল দিয়ে ।

সিদ্ধেশ্বরী । ওমা ! ভক্তির শৃঙ্খল কি ? হ্যাঁগা, তোমরা ওসব কথা বলছ কেন ?

সুরথ । নিয়ে যাও রাণি ! দেখছো না—এই বালিকার আগমনে সঙ্গে সঙ্গে যেন অন্তঃপুরে ধূপ ধূনার পবিত্র গন্ধ ফুটে উঠলো । ওই শোন—কোলাপুরের বুকে যেন এক অক্ষুট ঝঙ্কার ! আমার মনে হয় মাধবি ! এ বালিকা কোন সামান্য বালিকা নয় । মনে হয়, সেই জগৎমাতা জগদ্ধাত্রী এসেছে কোলাপুরের কোন কীর্তির উৎসব ফুটিয়ে তুলতে দীনহীনা বালিকার বেশে ! যাক, এখন নিয়ে যাও ।

মাধবিকা । তাই মনে হয় । এস মা ! আহা, কচি মুখখানি খে শুকিয়ে গেছে ।

[সিদ্ধেশ্বরীকে লইয়া মাধবিকার প্রস্থান ।

সুরথ । কে ওই বালিকা ? আবার একটা দুশ্চিন্তা এসে আমার অন্তর-আকাশ জুড়ে বসলো । সে সৌভাগ্য কি আমার হবে—যে জগন্মাতাকে সাকারে দর্শন করবো ।

অনিলাক্ষ্যের প্রবেশ ।

অনিলাক্ষ্য । মহারাজ ! মহারাজ !

সুরথ । কে—সেনাপতি, কি চাও ?

অনিলাক্ষ্য । মহারাজ ! শাস্ত্রশীল ঠাকুর কোলাপুরের চিরশত্রু একজন হৈহয়-বাসীকে আপনার গৃহে আশ্রয় দিয়েছে ।

সুরথ । সে কি, শাস্ত্রশীল ঠাকুরের এত দুঃসাহস যে, কোলাপুরের চিরশত্রু হৈহয়-বাসীকে তার গৃহে স্থান দিয়েছে ? যাও—যাও অনিলাক্ষ্য,

বশভূজা

[প্রথম অঙ্ক

শীত্র শাস্ত্রীল ঠাকুরকে আমার নিকট ডেকে আন, তার দুঃসাহসের কারণ কি ?

অনিলাক্ষ্য । যথা আজ্ঞা ।

[প্রস্থান ।

সুরথ । কোলাপুরের চিরশত্রু হৈহয় । তাদের উপর্যুপরি আক্রমণে আমার রাজ্য শক্তিহীন হ'য়ে পড়েছে । কতবার রক্তের তরঙ্গ ছুটে গেছে ; জানি না আবার কি ঘটে ।

দ্রুত মহীরথের প্রবেশ ।

মহীরথ । কাকা ! [পদতলে পতন]

সুরথ । কে—মহী ? এস, এস পুত্র ! বৃক এস । [বক্ষে ধারণ]
একি ! একি মহি, তোমার সর্বাঙ্গ কাঁপছে কেন ? ঘুন ঘন শ্বাস নির্গত হ'চ্ছে, চোখ দু'টা ছলছল ক'রছে, মুখখানি পাংশুবর্ণ । বল—বল পুত্র, তোমার কি হয়েছে ?

মহীরথ । মহীরথের সর্বাঙ্গে আগুন জ'লে গেছে । বৃশ্চিকের দারুণ দংশন ! উঃ—উঃ—কাকা ! আমি বৃষি আর বাঁচবো না । গেল—গেল, আমার সর্বাঙ্গ পুড়ে গেল । এখন আমি কি করি ? কোথায় যাই ?

সুরথ । কি হ'লো—কি হ'লো পুত্র ? বল—কি চাও ?

মহীরথ । কিছু নয়—কিছু নয় । কিছু হয়নি আমার । চাই শুধু বিদায়—চির বিদায় ।

সুরথ । বিদায় ? কেন ? কি দুঃখে তুমি বিদায় নিতে চাও মহি ? তুমি যে কোলাপুরের ভাবী-অধীশ্বর ।

সুনন্দার প্রবেশ ।

সুনন্দা । কে বললে ? তার প্রমাণ কি ? সত্যতা কোথায় ?

মহীরথ । ওই—ওই অগ্নিকুণ্ড ! ছেড়ে দাও—ছেড়ে দাও, আমি পালাই, আমার খাসকর হ'য়ে আসুছে । হয়তো এখনি অনন্ত নরকে ডুব্বো । ছেড়ে দাও ।

সুরথ । সে কি দেবি ! আমি তো তোমার কথা কিছুই বুঝে উঠতে পারছি না ।

সুনন্দা । তা এখন পারবে কেন ? এখন আর সেদিন নেই । এখন যে নবকুমারের মুখদর্শন ক'রেছ ; আর কি সে কথা মনে আছে ? এখন-নিজ পুত্র ভবিষ্যতে যাতে কোলাপুরের সিংহাসন লাভ ক'রবে, সেই চিন্তায় বিভোর ।

সুরথ । উঃ—ভগবান্ !

মহীরথ । কাকা ! কাকা ! আর না—আর না, একথানা অস্ত্র আমায় দাও—আমি ওই রাক্ষসীকে শেষ ক'রে ফেলি । শোন—শোন কাকা ! ওই রাক্ষসী দিবারাত্র রাজ্যের জন্ত আমায় পাগল ক'রে তুলছে ; কিন্তু মহীরথ যে তোমার স্নেহের দ্বারে আত্ম-বিক্রীত । তাই বিদায় নিতে এসেছি, কি জানি যদি কোনদিন রাক্ষসীর মায়ায় মুগ্ধ হ'য়ে আমার যথাসর্বস্ব হারিয়ে ফেলি ।

সুনন্দা । মহি ! এখনো তুই চৈতন্যলাভ কর ।

মহীরথ । না—না, চৈতন্য হারায়নি মা ! তুমিই আজ চৈতন্য হারিয়ে ব'সেছ । ফেরো—ফেরো—এখনো ফেরো । যার কত স্নেহ—কত ভাল-বাসা—কত ভক্তি তুমি হু'হাতে তুলে নিয়েছ, আজ তারই বুক লক্ষ্য ক'রে শাণিত ছুরিকা তুলে ধ'রেছ । আমি চাই না মা ! আমি রাজা হবো না—রাজা হবো না ।

সুরথ । শোন দেবি ! উর্ধ্বে চন্দ্রাতপ—নিম্নে পবিত্র বসুন্ধরা, সাক্ষী চন্দ্র সূর্য্য—সাক্ষী ভগবান্, কোলাপুরের ভাবী অধীশ্বর এই মহীরথ ।

দশভূজা

[প্রথম অঙ্ক ৮]

মুছে ফেল হিংসার স্মৃতি—ভুলে যাও নবপুত্রের কথা—দূর কর ভ্রান্ত ধারণা। সুরথ কখনো কোনদিন তোমার পুত্রকে বঞ্চিত ক'রে নিজ পুত্রকে সিংহাসন দেবে না।

মহীরথ। আমিও সে সিংহাসন চাই না। মহীরথ এসেছে এই ধরার বুকে স্মৃতি করতে—আনন্দ করতে। সে আসেনি নিরানন্দের বুকে দাঁড়িয়ে পিশাচ সাজতে।

[প্রস্থানোত্ত]

সুনন্দা। মহীরথ! কাপুরুষ!

মহীরথ। সাবধান! বারবার আমার উত্কলিত কন্ঠে গর্ভে স্থান দেবার দাবী আমি আর রাখতে পারবো না।

[প্রস্থান।]

সুনন্দা। অভিশাপ—অভিশাপ দেবো মহি! তুই জ'লে পুড়ে মরবি কুলাঙ্গার! [প্রস্থানোত্ত]

সুরথ। দাঁড়াও দেবি! তোমার অন্তর-আকাশে যে ঝড় উঠেছে, আমি তা এখনি নির্বাণ করছি। তুমি একটু দাঁড়াও।

[প্রস্থান।]

সুনন্দা। তাইতো, মনের মতলব কি? আমার অপমান করবে নাকি? বিশ্বাস কি? না, কুলাঙ্গার পুত্রের জন্ত আমার মান-সম্মত সব গেল দেখছি! আচ্ছা দেখি, সুরথের কি ছুরভিসন্ধি!

শিশুপুত্রকোড় সুরথ ও পশ্চাতে বাধা দিতে দিতে

মাধবিকার প্রবেশ।

সুরথ। ছাড়ো—ছাড়ো রানি!

মাধবিকা। ওগো—করুছ কি? ও যে আমার পুত্র।

সুরথ । দেবি ! দেবি ! এই এনেছি তোমার হৃদয়স্থিত প্রতিমূর্তিকে ।
এইবার একে হত্যা কর—না হয় বল, আমিই একে আজ হত্যা
ক'রে ফেলছি ।

মাধবিকা । ওগো রাজা, একি তোমার কন্ঠের বিকাশ ! উঃ !
তুমি কি করতে যাচ্ছ ?

সুরথ । চূপ্ কর রাণি ! চূপ্ কর—ধৈর্য্য ধর—প্রাণটা পাষণ
ক'রে গড়ে তোল । যদি না পার, এখান হ'তে চ'লে যাও—নির্জনে
ব'সে ব'সে অশ্রুধারার বৈতরণী সৃষ্টি করগে । তুমি জান না মাধবিকা !
এ শিশু তোমার আমার জীবনরঞ্জন হ'লেও এ যে কোলাপুরের কাল-
রাছ । এরই জন্মের সঙ্গে সঙ্গে যে কোলাপুরে ধ্বংসের যজ্ঞানল
জ্বলে উঠেছে । এরই জন্ম যে আজ আমার মহী পর হ'তে বসেছে ।
আমি এই একটা ক্ষুদ্র শিশুর জন্ম আমার মলীকে হারাতে পারবো
না । ধর—ধর দেবি ! যার জন্ম তুমি আমাদের দূরের পথে ফেলে
দিতে চাও, আজ আমি তাকেই এনেছি, যেন কোনদিন তোমার
স্নেহ হ'তে বঞ্চিত না হই ।

মাধবিকা । না—না, আমি তা পারবো না । আমি যে এর মা ।
কত অসহ্য যন্ত্রণার এ যে শাস্তির প্রসবণ । ওগো—মায়ের সম্মুখে
পুত্রহত্যা ! মা কি কখনও তা সহ্য করতে পারে ? দাও—দাও রাজা !
আমার বুকে দাও । আমি ওকে বুকে ক'রে তোমার রাজ্য হ'তে
চির-বিদায় নিচ্ছি । আমি সেই হৃভাগ্যের অন্ধকার পথে শত স্বর্গের
আনন্দ উপভোগ করবো এর ক্ষুদ্র মুখে প্রীতির চূষন এঁকে দিয়ে ।

সুরথ । তুচ্ছ এই শিশুপুত্রের জন্ম কোলাপুরের সহস্র সহস্র সন্তান-
সন্ততি যে মরবে মাধবিকা ! স্থির হও । শাস্তি-স্বস্তায়ন কর, রাজ্য
রক্ষা কর । এক পুত্রের বিনিময়ে সহস্র পুত্রের জননী সাজো । ৫

সুনন্দা । সুরথ ! এঁকি ? এ আমার অপমান না মানের পূজা ? নিজের পুত্রকে হত্যা করবে ? ভেবেছ একটা মিথ্যা হত্যার অভিনয় দেখিয়ে সুনন্দার উদ্দাম আকাজ্জক গতিরোধ ক'রে নিজ পুত্রের ভবিষ্যতের পথ পরিষ্কার ক'রবে ?

সুরথ । বজ্র ! বজ্র ! কই—কই—এখনো কেন বজ্রপাত হ'চ্ছে না ? এখনো কেন পৃথিবী ধ্বংস হ'চ্ছে না ? রাণি ! রাণি ! ছেড়ে দাও—ছেড়ে দাও ।

মাধবিকা । দিদি ! দিদি ! তুমি আমার বাঁচাও দিদি ! নারীর যে কি যন্ত্রণা, তাতো তুমি জানো দিদি ! [পদধারণ] ভিক্ষা—ভিক্ষা—দাও, আমি তোমার ছোট বোন, আমি আর কিছুই চাই না—আমার পুত্রটিকে ভিক্ষা দাও ।

সুনন্দা । স'রে যাও—আর নাকে কাঁদতে হ'বে না ।

সুরথ । তবে—তবে এইবার পূর্ণ হোক নরমেধ-যজ্ঞ । আর একটু অপেক্ষা কর দেবি ! আমি এখনি এর মাথাটা কেটে এনে তোমায় দেখাচ্ছি [প্রস্থানোচ্চত]

মহীরথের প্রবেশ ।

মহীরথ । । কোলাপুরের ভাবী-অধীশ্বরের জীবন অত মূল্যহীন নয় কাকা ! ছাড়—ছাড়—ছেড়ে দাও এ শিশুকে, তোমার বুকে রাখবার ক্ষমতা না থাকলেও সে ক্ষমতা আমার আছে এই শিশুকে চিরজীবন বুকের মাঝখানে রাখতে । [শিশুকে গ্রহণ]

সুনন্দা । মহীরথ ! করছিস্ কি ? ওই শিশু যে তো'র শত্রু !

মহীরথ । তবুও আমার ভাই ।

[শিশুকে লইয়া প্রস্থান ।

সুরথ । মহীরথ ! আমি যে তোমার আশীর্বাদ কল্পবার মত মন্ত্র
খুঁজে পাচ্ছি নে । চল রাণি ! এই উত্তপ্ত মরুভূমি হ'তে শান্তির
তপোবনে । চিন্তা ক'রো না মহারানি ! আমি মহীরথকে কোলাপুরের
সিংহাসনে অভিষিক্ত ক'রবই ক'রবো । মহীরথ ! এতখানি তোমার রক্তের
আকর্ষণ ; ভারতের প্রাণে প্রাণে যদি ওরকম রক্তের আকর্ষণ হুটে
উঠে, তাহ'লে এই আর্ষ্য-সেবিত ভারত কখনও—কোনদিন তার মর্যাদা
হারাবে না ।

[মাধবিকাসহ প্রস্থান ।

সুনন্দা । চমৎকার অভিনয় ! কিন্তু সুরথ, আমি এ অভিনয়ে
গল্ব না—টল্ব না—ভুল্ব না । ফল-ধারণার মত অবিশ্রান্ত ব'য়ে যাবো
—কোলাপুর ধ্বংস ক'রবো , তবু আমি তোমার উপেক্ষার পদতলে প'ড়ে
তোমাকে বড় ক'রে গ'ড়ে তুলতে পারবো না ।

[সরোষে প্রস্থান ।

দ্বিতীয় অঙ্ক

প্রথম দৃশ্য ।

উগ্গান ।

গীতকণ্ঠে মালী-মালিনীর প্রবেশ ।

গীত ।

মালিনী ।—

আমার সাধের মালা দিই গো কাকে,
পাই না খুঁজে মনের মানুষ আর ।

মালী ।—

উথলে ওঠে রসের হিয়া প্রাণ করে ছারখার ॥
আমি যে তোর মানুষ—আমি যে তোর তাই,
আমার গলে দে না মালা, এমন মানুষ কোথায় নাই,

মালিনী ।—

এমন মানুষ চাই নারে—তোর কি আর প্রাণে ধরে,

মালী ।—

আমি তো নইকো বুড়ো আছে জোর,
খাটতে পারি দিন রাত্তির জোর,

মালিনী ।—

না না না—ও খাটুণী বৃথাই তোর ;

মালী ।—

ও বাবারে, বলিস্ কিরে—
ধন্নি মাগি, ধন্নি তুই—
আসি তবে নমস্কার ।

[উভয়ের প্রস্থান ।

দ্বিতীয় দৃশ্য ।

শান্তনীর বাটী ।

শান্তনীর প্রবেশ ।

শান্তনী । চতুর্দিকে অশান্তি নিপ্রব,
চতুর্দিকে কালানল উঠিয়াছে জলি ।
গৈহয় রাজ্যের প্রজা উত্কের লাগি
স্পষ্টভাবে কহিতেছে সবে—
ধ্বংস হবে কোলাপুর উত্কের হেতু !
কিন্তু এ শান্তনীর দিয়াছে আশ্রয় তারে,
রাখিয়াছে সযতনে
সান্তনার অভয় মন্দিবে ।
কত যে আশায় সে আছে মোর পাশে,
কেমনে তাহারে আজি দস্যাসম
করিব বিদায় ? না—না, নহে ইহা
যুগধর্ম অথবা নিয়ম !

উত্কের প্রবেশ ।

উত্ক । আশ্রিতকে আশ্রয়চ্যুত করা যুগধর্ম অথবা নিয়ম না হ'লেও
আমি বলছি তুমি আমার বিদায় দাও ব্রাহ্মণ । কেন তুমি আমার জ্ঞ
রাজকোপানলে প'ড়ে এমন শান্তিময় জীবনেব মাঝখানে অশান্তির অনল
প্রজ্বলিত করবে ? তুমি জান না ব্রাহ্মণ, তোমার এই আশ্রিতরক্ষার
পরিণামফল যে সহস্র অশ্রু বিসর্জন ।

(৪৯)

শাস্ত্রীল । জানি উতক—তা জানি ; কিন্তু আরও জানি যে আশ্রিতকে রক্ষা করাই আৰ্য্যঋষির গরিষ্ঠ ধর্ম । দুর্ভাগ্য এসে আমার শাস্ত্রির কুটীরখানা দ'লে যাক্, প্রবল ঘূর্ণিবায়ু এসে আমার সর্বস্ব উড়িয়ে নিয়ে যাক্—বর্ষার বারিধারা এসে আমার সর্বস্ব ভাসিয়ে নিয়ে যাক্, তবু তবু বাকে বকে তুলেছি—তাকে আর বুক হ'তে নামাতে পারবো না ।

উতক । ওগো দয়ার হিমাঙ্গি পরদুঃখকাতর নিঃস্বার্থময় ব্রাহ্মণ, ছরদৃষ্ট উতকের জন্ত বার্ককোর সোপানে এসে কাঁদবার এত সাধ কেন ? আমায় বিদায় দাও—আমি চ'লে যাই এই কোলাপুর রাজ্য ত্যাগ ক'রে, যদি ভগবানের কোনদিন করুণা পাই, তখন এসে তোমার এই অফুরন্ত ঋণের কথঞ্চিৎ পরিশোধ ক'রে যাব । তোমার মহিমার দ্বারে লুটিয়ে প'ড়া কৃতজ্ঞতার শুভ্র নিশান তখন তুলে ধ'রবো । আমি কে ? কেন আমার জন্ত তোমার দুর্ভাগ্যের তন্ময় সাধনা ! কোলাপুরবাসীর চিরশত্রু হৈহয়রাজ, আমি তারই প্রজা—আমিও যে কোলাপুরের শত্রু—শত্রুকে আশ্রয় দিয়ে—

শাস্ত্রীল । শত্রুকে আশ্রয় দিয়ে আমি মহারাজ সুরথের চক্ষে আজ রাজবিদ্রোহী হ'য়েছি ; কিন্তু আমি যে ব্রাহ্মণ ! ব্রাহ্মণের কাছে স্বার্থপরতা নেই—পক্ষপাত নেই—ব্রাহ্মণ যে কর্মগরিমায় জগতের শ্রেষ্ঠাসন গ্রহণ ক'রেছে । ভয় নেই উতক ! অভিমান ক'রে না বৎস ! শাস্ত্রীলের অর্থবল—লোকবল না থাকলেও তার ধর্মবল আছে ।

অনিলাক্ষ্যের প্রবেশ ।

অনিলাক্ষ্য । তবে দেখাও শাস্ত্রীল তোমার এই ধর্মবলের শক্তি কতখানি । আমি মহারাজের আদেশে তোমাদের বন্দী করতে এসেছি ।

শাস্ত্রীল । শুন্তে চাই অনিলাক্ষ্য শাস্ত্রীলের অপরাধ । শাস্ত্রীল এমন কি অপরাধ করেছে, যার জন্ত সে আজ রাজদ্রোহিতার অপরাধে অপরাধী ?

অনিলাক্ষ্য । কোলাপুরের চিরশত্রু হৈহয়বাসীকে আশ্রয় দান— শাস্ত্রীল, তোমার এ অপরাধ কি রাজবিদ্রোহিতা নয় ? যাই হোক, আমি তোমার সঙ্গে তর্ক বিতর্ক করতে চাই না । তুমি নতশিরে রাজ-আজ্ঞা পালন কর ।

উত্ক । ব্রাহ্মণ—ব্রাহ্মণ ! এখনো আমায় বিদায় দাও । এখনো সময় আছে ! এখনো তুমি রাজকোপানল হ'তে অব্যাহতি পেতে পার ।

শাস্ত্রীল । না—না, আর তা হবে না, ভারতের ব্রাহ্মণ সে ধর্ম—সে আচার শেখেনি ! , যেদিন তারা ধর্ম আচার কর্ম সদাচার প্রবলের ভয়ে ত্যাগ করতে উদ্বৃত্ত হবে, জানবে সেদিন হ'তেই এই চির গৌরবময় ভারতের দা সমাগত । যাও—যাও অনিল, বল গিয়ে মহারাজ সুরথকে ব্রাহ্মণ এখনো ব্রাহ্মণ ! রাজার মর্যাদার চেয়ে ধর্মের মর্যাদা তার নিকট চির আকাঙ্ক্ষার—চির আদরের ।

অনিলাক্ষ্য । ভেবে দেখ শাস্ত্রীল, তোমার এই অপরিণামদর্শিতার কি বিষময় ফল । এখনো এ সঙ্কল্প ত্যাগ কর ।

শাস্ত্রীল । চিরজীবন কঠোর দুর্ভাগ্যের দ্বারে আত্মবিক্রয় ক'রে কাঁদবো অনিল—তবু এ শাস্ত্রীল আশ্রিতকে আশ্রয়চ্যুত ক'রে তার ধর্ম-মার্গের পথ রুদ্ধ করবে না, যাও ।

অনিলাক্ষ্য । [উত্তেজিতভাবে] শাস্ত্রীল ! শাস্ত্রীল !

শাস্ত্রীল । ও রক্তচক্ষু এই ব্রাহ্মণকে দেখিও না রাজভক্ত ! ব্রাহ্মণ ও রক্তচক্ষুর বহু দূরে ।

উত্ক । ব্রাহ্মণ ! বিদায় দাও আমায় । আমি তোমার দুঃখ

দেখতে পারবো না । আমি ফিরে যাই আমার সেই চির সাধনার মন্দিরে ।
কাঁদতে হয় সেখানে গিয়ে কাঁদবো । তবু আমার জন্ম আর একজনকে
কাঁদতে দেবো না । আর না হয় এই সেনাপতির সঙ্গে আমি নিজেই
মহারাজের কাছে যাচ্ছি । আনন্দে রাজদণ্ড গ্রহণ করবো ; কিন্তু আমার
জন্ম যে আজ—

শাস্তশীল । এতে যে একটা চির-উন্নত জাতির মুখে কলঙ্কের ছাপ
পড়বে উত্ক ! যে জাতির ধর্মের বিকাশে এ ভারতের অস্থি—মেদ—
মজ্জা—সুগঠিত, সে জাতি যদি অধর্মের ঝড়ে টলে ওঠে, তাহলে এই
ভারতেরও অধঃপতন অনিবার্য । না—না, আমি তা পারবো না, নিজেকে
নিরাপদের কূলে তুলতে, নিজেকে সুখী করতে আমি এতখানি নিশ্চয়তার
ধর্মের পথ মরুভূমি করতে পারবো না ।

অনিলাক্ষ্য । তাহলে বন্দিত্ব স্বীকার করবে না শাস্তশীল ! রাজার
বিরুদ্ধে দাঁড়াবে ! ভেবেছ বোধ হয়, ব্রাহ্মণ বলে অব্যাহতি পাবে দণ্ড
নিতে ? না—না, তা পাবে না ; তোমায় কঠোর দণ্ড গ্রহণ করতে হবে
ব্রাহ্মণ !

শাস্তশীল । হ্যাঁ—হ্যাঁ, আমি সেই দণ্ড গ্রহণ করবো রাজভক্ত ! তবু
এই আশ্রিতকে বুক হ'তে নামাতে পারবো না । আর বন্দিত্বও স্বীকার
করবো না ।

অনিলাক্ষ্য । স্বেচ্ছায় রাজ-আজ্ঞা পালন না করলে আমি বল প্রয়োগেও
কুণ্ঠিত হব না ।

উত্ক । ব্রাহ্মণ ! ব্রাহ্মণ !

শাস্তশীল । কি—কি বললে নরাধম ? বল প্রয়োগে তুমি কুণ্ঠিত
হবে না ? তবে দেখাও তোমার স্বেচ্ছাচারিতার ক্ষমতা, রাজশক্তির
মহিমা—আমিও দাঁড়ালুম আমার এই আশ্রিতকে বুক নিয়ে অচল

হিমাঙ্গির মত—দ্বাদশ সূর্যের প্রথরতা নিয়ে। দেখি, জরী হয় কে? রাজশক্তি না ব্রাহ্মশক্তি?

অনিলাক্ষ্য। আরে আরে দুর্বল ব্রাহ্মণ! তোমার এতখানি সাহস? শাস্তশীল। না—না অনিল, ব্রাহ্মণ দুর্বল নয়—ব্রাহ্মণ নির্জীব নয়—ব্রাহ্মণ নিশ্চরণ নয়! আছে অনন্ত শক্তির ভীষণতা তার এই জরাজীর্ণ বক্ষে—আছে বিশ্বনাথের প্রলয়-অগ্নি তার এই নয়নে পুঞ্জীভূত হ'য়ে—আছে মহাত্মকের ভূকম্পন তার ক্ষীণ নিঃশ্বাসে। আর এ সাহস ব্রাহ্মণের চতুর্ঘূর্ণের—সৃষ্টির প্রারম্ভের সঙ্গে সঙ্গে।

অনিলাক্ষ্য। আচ্ছা—আচ্ছা, এই আমি হৈহয়বাসীকে বন্দী করছি, দেখি আজ 'ওকে কে রক্ষা করে?

উতক। ব্রাহ্মণ—ব্রাহ্মণ! আর যে তোমার অপমান সহ হয় না। আর যে আমি মানুষ হ'য়ে এ অনাচার দেখতে পারছি না। আদেশ দাও—আদেশ—আমি নিরস্ত হ'লেও পারি—পারি দেব, এখনি এই মুহূর্তে ওই অধমের টুঁটিটা ছিঁড়ে ফেলতে, আদেশ দাও।

শাস্তশীল। না উতক, শত্রুকে ক্ষমা করাই ব্রাহ্মণের মজ্জাগত অভ্যাস। যাও অনিল, এখনো তোমায় ক্ষমা ক'রে যাচ্ছি। নতুবা জেনে রেখো—

অনিলাক্ষ্য। না—না, আমি তার জন্তু ভয় করি না। আজ তোমাদের বন্দী ক'রে নিয়ে যাবোই যাবো।

শাস্তশীল। হাঃ-হাঃ-হাঃ, মুখ! জানো যে সিংহকে বন্দী করা কতখানি দুঃসাধ্যের? যাও—যাও, বল গিয়ে মহারাজ সুরথক। শাস্তশীল ব্রাহ্মণ, সে তার ব্রাহ্মণত্বই দেখাবে—কখনো কোনদিন সে প্রবলের ভয়ে লক্ষ্যভ্রষ্ট হবে না। তার কাছে তুচ্ছ—অতি তুচ্ছ রাজশক্তি। এস উতক।

[উতককে লইয়া প্রস্থানোত্ত]

দশভূজা

[দ্বিতীয় অঙ্ক ।

অনিলাক্ষ্য । [বাধা দিয়া] শান্তশীল ! শান্তশীল ! কোথা যাও ?
দাঁড়াও ।

শান্তশীল । সাবধান ! আগুনে হাত দিতে এস না—পুড়ে যাবে ।

[উত্ৰসহ প্রস্থান ।

অনিলাক্ষ্য । কি—কি, এতদূর স্পর্ধা—এতদূর দুঃসাহস ! আচ্ছা—
দেখবো শান্তশীল, তোমার কর্তব্যের মহাপূজা তুমি কেমন ক'রে সুসম্পন্ন
কর । আমি আজই তোমার কুঁড়েখানায় আগুন লাগিয়ে দেবো । ওরে
—ওরে কে আছি—শান্তশীলের কুঁড়েঘরে আগুন লাগিয়ে দে ।

[প্রস্থান ।

[নেপথ্যে—আগুন আগুন ! পুড়ে গেল—দেবমন্দির পুড়ে গেল ।]

গীতকণ্ঠে শিষ্যগণের প্রবেশ ।

গীত ।

শিষ্যগণ ।—

জেগে ওঠো তুমি মন্দির হ'তে
এলয়ের মত গর্জনে ।
ছকার ছাড়ো পাষণ দেবতা
সৃষ্টির পাপ ধ্বংসে ॥

গীতকণ্ঠে উমানন্দের প্রবেশ ।

গীত ।

উমানন্দ ।—

মাতৈঃ—মাতৈঃ—মাতৈঃ—
নাইক শঙ্কা—নাইক শঙ্কা—শঙ্কানাশন অদূরে ই
পাষণ ফুঁড়িয়া উঠেছে এবার তাইধ তাইধ নর্ভনে ॥

[প্রস্থান ।

পূর্ব গীতাংশ ।

শিষ্যগণ ।—

কোথা তুমি ওগো বিপদনাশন,
অনাথের নাথ মদনমোহন ;
কর গো রক্ষা মন্দির তব অভয় বৃষ্টি বর্ষণে ।

[প্রস্থান ।

দ্রুত শাস্ত্রশীলের প্রবেশ ।

শাস্ত্রশীল । গেল—গেল আমার সর্বস্ব পুড়ে ছারখার হ'য়ে গেল ।
ওই—ওই গগনস্পর্শী অগ্নিশিখা, হায় মা কুটীররাণি ! একি মা তোমার
দুর্দশা ! ওকি—ওকি, আমার মদনমোহনের মন্দিরেও যে আগুন ধ'রে
গেছে । কি করি ? ওরে কে আছিস্, আমার মদনমোহনের বিগ্রহকে
রক্ষা কর । উঃ—উঃ ! একি অত্যাচার এই দুর্বল দীন ব্রাহ্মণের উপর ?
ভগবান্ ! মদনমোহন ! কই—কই, কোথায় তুমি ? এখনো তোমার
সাড়া নেই—এখনো তোমার মহিমার বিকাশ নেই—এখনো তোমার
অধর্মনাশের প্রলয়-ছকার নেই ? ওঠ—ওঠ, শতযুগের নিদ্রা হ'তে ভূকম্পনের
মত জেগে ওঠ । তোমার পুণ্য প্রতিষ্ঠানের উপর দানব এসে তার সেই
স্বৈচ্ছাচার দেখাচ্ছে—আর তুমি এখনো নীরব নিম্পন্দ অচল ? ওঠ—ওঠ !
ওকি—ওকি ! গেল—গেল, না—না, যাই—যাই আমিও ওই আগুনে
ঝাঁপিয়ে পড়িগে ।

[প্রস্থানোত্তত]

দ্রুত উত্কের প্রবেশ ।

উত্ক । না—না—যেও না ব্রাহ্মণ, আগুনে ঝাঁপ দিতে । ওই দেখ
প্রচণ্ড অনল দাউ দাউ ক'রে জ্বলছে । ওগো—ওগো স্নেহময় দ্বিজ, তুমি
কি সর্বনাশ করলে একজন পরের জন্ত ।

শান্তশীল । পরের জ্ঞান ব্রাহ্মণ একদিন এই বুকের হাড় উপড়ে দিয়েছিল উতক ! ছাড়—ছাড়, ছেড়ে মাও—আমার কুলদেবতাকে বাঁচাই, তারপর—

উতক । পারবে না—পারবে না ব্রাহ্মণ ! কুলদেবতাকে বাঁচাতে পারবে না । সমস্ত মন্দির যে ওই দাউ দাউ ক'রে জলছে । ওখানে গেলে তুমিও পুড়ে যাবে ।

শান্তশীল । না—না উতক ! আমার কুলদেবতার দুর্দশা স্বচক্ষে দেখতে পারবো না । আমার সর্বস্ব পুড়ে গেছে—তা যাক, কিন্তু আমার মদনমোহন যে—

উতক । আর তার নাম ক'রো না ব্রাহ্মণ ! তোমার মদনমোহনের আর সে মহিমা নেই । তা যদি থাকতো—মদনমোহনের যদি সে ক্ষমতা থাকতো, তাহ'লে কি আজ এত অনাচার তার চোখের সামনে হয় ? মদনমোহনের আর সে মহিমা নেই—সে ক্ষমতা নেই ।

শান্তশীল । আমার মদনমোহনের সে মহিমা—সে ক্ষমতা নেই ?

অনিলাক্ষ্যকে ধরিয়া মাধবের প্রবেশ ।

মাধব । আছে—আছে রে ঠাকুর বাবা ! তুহার মদনমোহনজীর সেই মহিমা—সেই ক্ষমতা জরুর আছে । এই দেখ্ তার নজির দেখ্ ।

শান্তশীল । এঁা, একি ! মাধব—মাধব !

মাধব । দুঃখময় তুহার ঘরে আগ লাগিয়ে আড়ালে দাঁড়িয়ে মজা দেখছিল । আউর হামিও ঠিক সেই সময়ে তুহার চরণ দর্শন কোরবে বলিয়ে এখানে আছিল, হামি বুঝলে যে এটা জরুর দুঃখময় ! তাই ইহারে ধরিয়ে আনিয়েছে ।

শান্তশীল । অনিলাক্ষ্য ! অনিলাক্ষ্য ! তুমিই কি রাজশক্তি দেখাতে আজ আমার সর্বস্ব পুড়িয়ে দিলে ?

অনিলাক্ষ্য । হ্যাঁ—হ্যাঁ, দিয়েছি ।

মাধব । বেইমান ! ফিন্ এত্তা বাত্ কেমন কোরিয়ে বল্ছিচ্ছিস্ ? তুহার একটু সরম লাগ্ছে না ? গরীব ঠাকুরবাবাকে কেনো তুহি দুখ্য দিতে চাস্ বোলতো ? ও কি করিয়েছে ? ছো ছো ছো, তুগর একি ধরম ? লে—লে, ঠাকুরবাবার পাশে মাপ চাহিয়ে লে ।

অনিলাক্ষ্য । কি ? ব্রাহ্মণের কাছে মার্জ্জনা চাইব আমি, রাজার সেনাপতি হ'য়ে ? ছেড়ে দাও সর্দার ! এর জন্ত তোমাকেও কঠোর দণ্ড গ্রহণ করতে হবে ।

মাধব । আরে ছো ছো ছো ! দণ্ডের ভয় এই মাধব সর্দার কোব্বি করে না । ছুনিয়ায় সে কৈকো ভয় করে না ; ভয় করে কেবল ওই ভগবানজীকো । ঠাকুরবাবার পাশে তুহি মাপ চাইতে পার্বি নে ? লেকেন একদিন তুহার রেজাকেও ঠাকুরবাবার পাশে মাপ চাইতে হোবে ।

শান্তশীল । ছেড়ে দাও মাধবদাস ! ওকে ক্ষমা কর । যখন নিজের ভুল বুঝবে, তখন নিজেই এসে ক্ষমা চাইবে ।

উতক । ছুদপিণ্ডচর্কণকারী শাদ্দুলকে তুমি ক্ষমা করবে বাবা ?

মাধব । নেহি—নেহি, ইহারে ক্ষমা করা হোবে না । এ যে বেইমান—দুষমন—শয়তান ! ইহারে ক্ষমা করলে ছুনিয়াটা পাপে ছাইয়ে ফেলবে । তু বোল্ ঠাকুরবাবা ! তামি ইহাকে লিয়ে যাই ! তামার কালী মায়া আছে, তাহার পাশে ইহাকে বলি দিবে ।

অনিলাক্ষ্য । কি, এতদূর স্পর্ধা একটা অসভ্য বন্ত পশুর ?

মাধব । বেইমান !

দশভূজ।

[দ্বিতীয় অঙ্ক।

শান্তশীল। ক্ষান্ত হও মাধবদাস! না—না অনিলাক্ষা! এ অম্পৃশ্য বস্তু পশু নয়; এ যে স্বর্গের দেবতা। এমন উদারতা—এমন মহানুভবতা—এমন পরদুঃখকাতরতা সুরমা প্রাসাদে নেই—দেবতার মন্দিরে নেই—সাধুর যজ্ঞাগারেও নেই। ওর ওই ঘৃণ্য অম্পৃশ্যতার মাঝখানে আছে স্বর্গীয় পবিত্রতা—অপূর্ব সুরভি-নির্ঘাস—সৃষ্টির সবটুকু কমনীয়তা। এ অম্পৃশ্য বস্তুপশু হ'লেও ওই দেখ, ওরই পূজা গ্রহণ করতে দেবতার ব্যাকুল হস্ত প্রসারিত। আমি এমন অম্পৃশ্য দেখিনি অনিল! যেদিন দেখেছি, সেদিন হ'তে মনে মনে সঙ্কল্প ক'রে রেখেছি—যেন পরজন্মে এরই মত অম্পৃশ্য বস্তুপশু হ'য়ে জন্মগ্রহণ করতে পারি।

[নেপথ্যে। বিগ্রহ রক্ষা কর—বিগ্রহ রক্ষা কর।]

উতক। ওই—ওই বিগ্রহ পুড়ে গেল! বাই—বাই, আমি তোমার মদনমোহনকে বাঁচিয়ে আনছি।

মাধব। নেহি—নেহি, কাউকে যেতে হোবে না—হামি যাচ্ছে। হামিই মদনমোহনজীকো বাঁচিয়ে আনবে। ডরু করিস্ নে ঠাকুরবাবা! ওই আগুনে হামার কুচ্ছু হোবে না।

[দ্রুত প্রস্থান।

শান্তশীল। যেও না—যেও না মাধবদাস! পারবে না—পারবে না—ওই বিশ্বধ্বংসী আগুন হ'তে মদনমোহনকে রক্ষা করতে পারবে না বন্ধু! হায় হায়! জানি না, তুমি আজ কি ভাবে আমার কাঁদাবে? ওরে, কে আছিস্? মাধবদাসকে ধরু—মাধবদাসকে ধরু; আগুনে কাঁপ দিতে দিস্নে। উঃ, অনিল! করলে কি? তুমি অন্নদাস ভৃত্য হ'লেও তোমার সঙ্গে কি আমার এই মাটির বাতাসের সংস্ক নেই? প্রাণ একটুও কাঁদলো না? ওঃ! তুমি কি নির্দম অনিল?

দক্ষকলেবরে বিগ্রহহস্ত মাধব সর্দারের প্রবেশ ।

মাধব । এই লে—এই লে ঠাকুরবাবা তুহার মদনমোহনজীকো ।
[প্রদান] ওঃ—ওঃ, ঠাকুরবাবা ! [পতন]

শান্তশীল । এঁয়া, একি—একি ! মাধবদাস ! মাধবদাস ! তোমার সর্বাঙ্গ যে পুড়ে গেছে । ও-গো-হো, তুমি করলে কি বন্ধু ? [মাধবকে ধরিল]

উত্ক । সত্যই তো । মাধবদাস যে পুড়ে গেছে বাবা !

শান্তশীল । মাধবদাস ! একি তোমার আত্মত্যাগ ? উঃ ভগবান্ !
মাধবদাস ! তোমার এই আত্মত্যাগ দেখে আমারও মনে হ'চ্ছে আমিও তোমারই মত আত্মত্যাগ করি ।

মাধব । চূপ কর—চূপ কর ঠাকুরবাবা ! আমার কুচ্ছু হোয় নি ।
তামি তো তুহার মদনমোহনজীকো বাঁচিয়েছে ।

শান্তশীল । কাজ নেই—কাজ নেই আমার এই নিশ্চিণ পাষণ
নিষ্ঠুর মদনমোহনকে । ধর—ধর উত্ক ! . যাও—যাও, এক ওই নদীর
জলে ফেলে দিয়ে এস । [বিগ্রহ উত্ককে দিল] ওকে আর প্রয়োজন
নেই । আজ আমি গুরই পরিবর্তে এই সজীব মন্দিময়র দয়াল মদন-
মোহন পেয়েছি । [মাধবকে বক্ষে ধরিল] অনিল ! অনিল ! দেখছ
—দেখছ ? দেখ—দেখ, দাও—দাও ভাহ, তোমার ওই দর্পিত শির
এরই পদতলে মুইয়ে দাও—জীবন তোমার সার্থক হোক ।

অনিলাক্ষ্য । বটে—বটে ! শান্তশীল ! এখনো বহু অত্যাচার হবে
তোমার উপর—মাত্র এই সূচনাঙ্ক ।

[প্রস্থান ।

উত্ক । ব্রাহ্মণ ! ব্রাহ্মণ !

শাস্ত্রশীল । আমি ওকে ক্ষমা ক'রে এসেছি—এখনো ক্ষমা করবো ।
ও যে আমার ভাই, কোলাপুরেই যে ওর জন্ম । দেখি, যদি ওর কখনো
চোখ ফোটে—যদি কখনো মানুষ হয় । যাও—যাও উতর, বিগ্রহ জলে
ফেলে দিয়ে এস । আর আমিও নয়নের সহস্র জলধারার আলিপনা
দিয়ে এই সজীব মদনমোহনকে আমার ওই দক্ষ কুটীরে প্রতিষ্ঠা করতে
নিয়ে যাই ।

উত্তর । এই দেখ বাবা ! তোমার মদনমোহন যে কাঁদছে—এই
দেখ, এর পাষণ-চক্ষু ছল্‌ছল্‌ করছে ; বলছে—আমি যাব না—যাব না ।

শাস্ত্রশীল । না—না, কাঁদেনি কাঁদেনি । এসব ওর চাতুরী—কপটতা ;
যাও—যাও, নিয়ে যাও ।

গীতকণ্ঠে ছন্দবেশী মদনমোহনের প্রবেশ ।

গীত ।

ওগো, আমি যে বন্দী তোমার ঘরে ।
কোথায় যাইব কাঁদিয়া গো ভাসিয়া আঁখির ধারে ॥
নিদয় হ'য়ে না, যেতে গো বল না,
আমি যাব না যাব না আজি
কতদিন যে গো তোমারি এখানে
আদরেতে বাঁধা আছি,
ভাবিও না তুমি পাপের প্রতাপে ব্যথার বেদনাতে গো
আঁধারের পথে যেতে টলো না
আমি যে আছি আলোক ভারে ॥

[প্রস্থান ।

শাস্ত্রশীল । তুমি কেঁদে কেঁদে চ'লে যাও—তবু তোমার ও নির্মমতা
আমার বুকে আর সহ্য হবে না । যাও—যাও উতর, নিয়ে যাও ।

মাধব। ওঃ ঠাকুর বাবা! তু মদনমোহনজীকো জলে ফেলিয়ে
দিস্নে। গামি উহাকে যে বহুত কষ্ট কোরিয়ে বাঁচিয়েছে।

শান্তশীল। কিন্তু তুমি যে আজ মরতে বসেছ বন্ধু! একটা পাষণকে
রক্ষা করতে গিয়ে নিজে যে জন্মের মত চ'লে যাচ্ছ। যাও উতর,
দাড়িও না।

উতর। যাই; চল—চল মদনমোহন! কাঁদলে কি হবে?
তুমি যে পরকে কাঁদাও! আজ আব নিজে কাঁদবে না?

[মদনমোহন লইয়া প্রস্থান।

শান্তশীল। ওকি—ওকি! প্রকৃতির বীণায় কেন করুণ রাগিনীর
আলাপন! তবে কি আমার মদনমোহনের জন্ত তুমি কেঁদে উঠলে
প্রকৃতি সুন্দরি? কাঁদ—কাঁদ, কিন্তু শান্তশীল আর কাঁদবে না। সে
আজ শত কান্নার সাক্ষ্য এই সজীব মদনমোহনকে পেয়েছে।

[মাধবকে বন্ধে করতঃ প্রস্থান।

তৃতীয় দৃশ্য

বহির্কাটা ।

প্রদীপের প্রবেশ ।

প্রদীপ । কেমন গৌঁফ ! কেমন গৌঁফ লাগিয়েছি বাবা ! এইবার আমায় যে খোকা বলবে—তাকে মজা দেখিয়ে দেবো । খোকা ? গাঁজা খাই—চণ্ডু খাই—চরম খাই—মদ খাই—সব খাই !

গিরিধারীর প্রবেশ ।

গিরিধারী । হাতী খাই—ঘোড়া খাই—পাহাড় খাই—পর্বত খাই—
বাপ মায়ের মাথা খাই । বল বল বাপধন—ব'লে যাও ব'লে যাও—

প্রদীপ । চোপরাও কুঁজরাম ! এখনি ধাঁই ক'রে তোমার কুঁজে এক ঘুঁসি লাগাবো । মেরে তোমায় খারাপ ক'রে দেবো জানো না ? গৌঁফ গৌঁফ, এই দেখ বাবা, কেমন গৌঁফ বেরিয়েছে আমার !

গিরিধারী । দেখেছি বাবা, দেখেছি ; তোমার সব বেরিয়েছে । তুমি এখন বুনো নারিকেল । ওহো-হো, ধন্য-ধন্য আমি, ধন্য সেই ষণ্ডেশ্বরী পুচ্ছধারিণী—তোমার মত এমন গুণবন্ত হনুমন্ত পুত্র লাভ ক'রে । বলি ধন মাণিক ! দিবাতে খাচ্ছে, স্মৃতি মেরে পরকাল টন্টনে কয়ছ—
বলি লেখাপড়া কি আর কয়তে হবে না ?

প্রদীপ । লেখাপড়া কেন ক'রবো ? ভদ্রলোকে লেখাপড়া করে ?

গিরিধারী । সে কথা একশো বার । ভদ্রলোকে আবার লেখাপড়া করে ? কোষ্ঠসাক্ষর বুদ্ধি আমার বংশদণ্ডের । বেঁচে থাক বাবা—বেঁচে থাক । যাক, পড়া না শিখলে কিন্তু—লেখাটা তো পাকাতে হবে । আজ বাদে কাল যখন তোমায় দেখতে আসবে, তখন কি হবে ? বলবে—খোকা, হাতের লেখা দেখাও তো ।

প্রদীপ । আবার খোকা ? এমন গৌফ ?

গিরিধারী । তাই তো, খোকা কি ? না, খোকা বলবো না । তখন কি করবে মাণিক ?—বিয়ে হবে কি ক'রে ?

প্রদীপ । আচ্ছা—এইবার হাতের লেখা পাকাবো । মাইরি বাবা আমার বিয়ে হবে ? সতি ? না আমার সঙ্গে ইয়ারকি বরুছ ?

গিরিধারী । তাই তো, তোমার সঙ্গে কি ইয়ারকি করতে পারি ? তুমি শ্রীমান্ বংশদণ্ড মহাশয় ! তোমার সঙ্গে ইয়ারকি ?

প্রদীপ । চোপরাও ! আমার সঙ্গে ইয়ারকি করবে ? এই দেখ আমার গৌফ বেরিয়েছে । দেখ বাবা, তোমায় এখন থেকে ব'লে দিচ্ছি, আমি কিন্তু ঘোমটা দেওয়া বউ নেবো না—আর ছোট বউ নেবো না ।

গিরিধারী । তাতো বটেই । ভয় কি বাবা ! প্রকাণ্ড দেখে ঘোমটা খোলা বউই তোমার জন্তু আনবো—এমন কি সবৎসা কিম্বা গোপনে মৃতবৎসা অথবা বৎসসন্তবা বউ নিশ্চয়ই আনবো—তোমাকে কোলে ক'রে মাঝে মাঝে গঙ্গান্নান করিয়ে আনবে । আজকাল আর সে রকম মেয়ের অভাব হবে না বাবা । এইবার তোমারও গর্ভধারিণীকে ঘোমটা খুলে পুচ্ছ ভুলে নাচতে হবে ।

প্রদীপ । তুমি কি করবে ?

গিরিধারী । আমি ? আমি কেন ? সব ব্যাটাছেলেকে ঘোমটা দিয়ে তখন মেয়েমানুষ সাজতে হবে ।

প্রদীপ । ব্যাটাছেলেকে মেয়েমানুষ সাজালে কেমন মানাবে বাবা ?
আচ্ছা বাবা ! তুমি মেয়েমানুষ হ'লে তোমার কেমন মেয়েমানুষ মানাবে
—একটীবার দেখাও না বাবা । মাইরি—আমি তোমার সঙ্গে ইয়ারকি
করি নি ।

গিরিধারী । যা—যা, যখন হবো তখন দেখবি ।

প্রদীপ । না, তুমি এখনি মেয়েমানুষ সেজে দেখাওনা ! না—তোমার
দেখাইতেই হবে—কিছুতেই ছাড়বো না । না সাজলে এক ঘুঁসিতে
তোমায় কুঁজ ফাটিয়ে দেবো ।

গিরিধারী । না, এ ব্যাটার ছেলে বাড়াবাড়ি ক'রে তুললে । এঁা
মেয়েমানুষ সাজবো কি ?

প্রদীপ । তোমায় সাজতেই হবে ।

গিরিধারী । যা—যা এক চড়ে এখনি বদল বিগ্ড়ে দেবো । বাবার
সঙ্গে ঠাট্টা ?

প্রদীপ । সাজ সাজ বলছি—নইলে খেলে—খেলে, ঘুঁসি খেলে
দেখছি ।

গিরিধারী । না, পাষণ্ডের হাত হ'তে আর পরিত্রাণ নেই । এখনি
আমায় যাচ্ছেতাই ক'রে ছাড়বে ।

প্রদীপ । সাজো বলছি ।

গিরিধারী । এই সাজছি বাবা ! তোমায় বীররসটা খামাও একটু ।
কি বিপদ—মেয়েমানুষ সাজতে হবে । [মেয়েমানুষ সাজিল]

প্রদীপ । হে-হে-হে ! বাবা ! তোমার বেশ মানিয়েছে, ঠিক
আমার মায়ের মত হ'য়েছে । কিন্তু তোমার ওই কুঁজটা—

গিরিধারী । খালি কুঁজ কুঁজ করিস্নি রে হারামজাদা । এটা কুঁজ
নয়—বুদ্ধির ফোড় ।

তৃতীয় দৃশ্য ।]

দশভূজা

প্রদীপ । একটু তুমি দাঁড়াও বাবা ! আমি চট্ ক'রে আসছি ।

[প্রস্থান ।

গিরিধারী । হারামজাদার মতলবখানা কি ? মেয়েমানুষ সাজো—
মেয়েমানুষ সাজো । মেয়েমানুষ তো সাজলাম, কিন্তু এখন যদি কোন
দোবে পাঁড়ের পাল্লায় পড়ি, তাহ'লে তো গেছি আর কি ? কি ফকড়
ছেলে হ'য়েছে বাবা ! কিচ্ছুটা বন্বার উপায় নেই ; বললেই বিকট
চীৎকারকারিণী—পুচ্ছধারিণী—ষণ্ডেশ্বরী দেবীর আবির্ভাব, আর সঙ্গে সঙ্গে
সপাসপ ঝাঁটার শব্দ । বাপ !

পুরুষ-বেশিনী ষণ্ডেশ্বরীর হাত ধরিয়।

প্রদীপের প্রবেশ ।

প্রদীপ । তোকে বেশ ব্যাটাছেলে মানিয়েছে মা !

গিরিধারী । [স্বগত] অকালকুস্মাণ্ড ক'রেছে কি ? ষণ্ডেশ্বরীকে
ষণ্ডেশ্বর সাজিয়েছে ।

ষণ্ডেশ্বরী । [স্বগত] কি বাবা অদ্ভুত ছেলের বায়না । বলে, মা
তুই ব্যাটাছেলে সাজ—ব্যাটাছেলে সাজ, দেখবো তোকে কেমন মানায় ।
কি আদার ! কি করি, ছাড়বে না তো—তাতেই ব্যাটাছেলের মত
সাজতে হ'ল । মিসে দেখলেই বা বলবে কি ? আর পাড়া-পড়সীরা
যদি কেউ দেখে—ওমা, কি ঘেন্নার কথা ।

প্রদীপ । ওই দেখ মা, ওই দেখ কে একটা মাগী—ওই যে
দাঁড়িয়ে—

ষণ্ডেশ্বরী । সত্যি তো ! কে ও মাগী ? ছি-ছি-ছি ! আমার মেয়ে-
মানুষ ব'লে জানতে পারেনি তো ? যাই হোক, ধরা দেওয়া হবে না—
পাঁচজনের কানে উঠবে ।

(৬৫)

গিরিধারী । [স্বগত] দেখি, আমার পুরুষবেশধারিণী ষণ্ডেশ্বরী এইবার কি করেন ।

ষণ্ডেশ্বরী । [অগ্রসর হইয়া গম্ভীরভাবে] কে—কে তুমি ?

গিরিধারী । [বিকৃত সুরে] আমি অবলা বালা ।

ষণ্ডেশ্বরী । কি জন্তে এখানে এসেছ ?

গিরিধারী । তোমার সঙ্গে প্রেম করবো ব'লে ।

ষণ্ডেশ্বরী । [স্বগত] এঁা এঁা, ওমা ! বলে কি মাগী ? তবে কি মুখপোড়ার সঙ্গে এর ভালবাসা আছে না কি ? ওমা ! মিসের বুড়ো বয়সে একি কাণ্ড । দাঁড়াও ! [প্রকাশে] তুমি কি ফিরিধারী ঠাকুরকে—

প্রদীপ । [আশ্চর্যে আশ্চর্যে] ফিরিধারী ঠাকুর কি মা ?

ষণ্ডেশ্বরী । [জনান্তিকে বাধা দিয়া] চুপ কর, জানতে পারবে । কর্তার নাম কি করতে আছে ?

গিরিধারী । হ্যা গো—হ্যা, আমি গিরিধারী ঠাকুরকে বড় ভালবাসি । তার সঙ্গে আমার অনেকদিনের প্রেম । বলে ষণ্ডেশ্বরী মাগীকে আর ভাল লাগে না—মাগীর যে রকম চাঁচানী ।

ষণ্ডেশ্বরী । ওমা ! মিসের কি আশ্চর্য গো—দাঁড়া—দাঁড়া, এই-বার দেখতে পেলো হয় ।

সৈরভী মালিনীর প্রবেশ ।

গীত ।

আমার এ ফুল বাসরে বসো রসিক চাঁদ রে -

প্রদীপ । [বাধা দিয়া] চুপ ! চুপ !

[সৈরভী গান থামাইল]

সৈরভী । বলি দাদাবাবু ! তুমি যে বললে মায়ে গলার হার
গাছিটা চুরি ক'রে এনে আমায় দেবে ! না, তোমার ভালবাসা নেই ।

প্রদীপ । আঃ—চূপ কর সৈরভি !

গিরিধারী । [স্বগত] সর্বনাশ ! ও ব্যাটারও দেখছি রসবোধ
হ'য়েছে ।

ষণ্ডেশ্বরী । [স্বগত] ওমা ! আমার হার চুরি ক'রে নিয়ে যাবে
কি ? এঁয়া, ছেলেটাও দেখছি ব'য়ে গেছে ; তা যাবে বৈকি । যেমন
বাপ—তেমনি ব্যাটা । এঁয়া ! আমার যে দেখে শুনে কাঁদতে ইচ্ছে
করছে । [বসিয়া পড়িয়া হাত পা ছড়াইয়া চীৎকার করতঃ] ওমা
গো—আমার কি হ'লো গো—

প্রদীপ । পালিয়ে আয়—পালিয়ে আয় মালিনি !

[সৈরভীসহ প্রস্থান ।

ষণ্ডেশ্বরী । ওগো—আমার কি হ'লো গো । [ক্রন্দন]

গিরিধারী । কেন—কেন তুমি করিছ ক্রন্দন ?

অমন সোনার তনু ধূলাতে লোটার কেন ?

ওঠ—ওঠ শ্রিয়তম !

দাও মোরে প্রেম ! আমি অবলা রমণী,

মোর সাথে কেন তুমি করিছ চলনা ?

কাঁদিয়া কি কাঁদাবে আমারে ?

ওঠ—ওঠ প্রেম দাও মোরে ।

ষণ্ডেশ্বরী । ওগো মাগো—তুই দেখে যা গো । [ক্রন্দন]

গিরিধারী । প্রাণনাথ ! প্রাণনাথ ! কেন কাঁদ

ওঠরূপ ষণ্ডের মত ?

আমি কি হব না তব মনের মতন । [ধরিল]

দশভূজা

[দ্বিতীয় অঙ্ক ।

ষণ্ডেশ্বরী । ওমা ! কি খাণ্ডার মেয়েমানুষ গো ! আমার কি হ'ল
গো ! [ক্রন্দন]

গিরিধারী । হয় নাই—হয় নাই কিছু ।

খামাও রোদন ।

এস—এস—হাত ধর,

এই দেখ কি সুন্দর মুখখানি মোর ।

দেখিলে তুমিও করিবে চুম্বন ।

[মুখ দেখাইয়া প্রশ্নান ।

ষণ্ডেশ্বরী । [হাসিয়া] ওমা ! আমাদের সেই মুখপোড়া মিলে
যে ! তাই তো ভাবি, পিঠটা অত উঁচুপানা কেন ? ছি-ছি-ছি !

[প্রশ্নান ।

চতুর্থ দৃশ্য ।

নদীতীর

গীতকণ্ঠে রমণীগণের প্রবেশ ।

গীত ।

রমণীগণ ।—

আজ ডুব দেব লো .প্রেম-সায়রে

কাটবো সঁতার অঁধে জলে ।

আনবো তুলে সোনার কমল•

প্রাণ বঁধুয়ায় দেবো•ব'লে ॥

ওই যে বহে উতল-বাতাস ছড়িয়ে নখু গন্ধ লো,

মন-বিপিনে বাজছে বাঁশী আকুল করে লো,

দীঘল আঁখি সজল হ'ল

অবশ হিয়া পডছে ঢলে ॥

আর কেন সই চেয়ে থাকো,

তাহার আশে হৃদয় রাখো,

ডুব দিয়ে আজ এই সায়রে

ভুলবো আলা সকলে ॥

পুরুষবেশী একজন রমণীর প্রবেশ ।

গীত ।

কেন অভিমান—কেন অভিমান,

আমি যে এসেছি বিরহিনী সই

করিব আজি লো মধুদান ॥

(৬৯)

২য় রমণী ।—

তুমি যাও—তুমি যাও—

চাহি না তোমার ভালবাসা আর,

ফিরে নাও—ফিরে নাও

সকলে ।

যাও যাও যাও—ফিরে যাও—তুমি ফিরে যাও —

১ম রমণী ।—

আর তো দেবো না আলা

ওগো বালা,

এস এস এস হৃদয়ে, ধর ধর ধর গলে ॥

সকলে

চল্ তবে সেই ঘরে ফিরে —

চাঁদনী নিশি যাবে চ'লে ॥

[সকলের প্রস্থান ।

বিগ্রহহস্তে উত্কর প্রবেশ ।

উত্ক ।

ধীরে ধীরে সন্ধ্যা ওই আবারিছে ধরা,

স্নান হাসি হাসিয়া ভাস্কর

দিবসের কর্ম্ম অন্তে

ক্লান্ত তনু মাগিছে বিদায় ।

বিরাট নীলিমা পটে রূপসী তারার দল

একে একে খেলে লুকোচুরি ।

ফিরিছে গৃহেতে ওই

পল্লীবালাগণ । অদূরে বনের পথে

গোষ্ঠ হ'তে ফিরিছে রাখাল ।

পিতার আদেশে—মদনমোহনে আজি

নদীগর্ভে দিব বিসর্জন । উঃ ! উঃ !

একি বিড়ম্বনা ! মদনমোহন ! মদনমোহন !

বল তো—বল তো দেব !

বৃক হ'তে কেমন করিয়া আজি
 ফেলে দিব তোমারে দয়াল ?
 ওকি ! গাসি কেন স্নান ?
 অশ্রুভারে পূর্ণ আঁখি দুটী !
 যেন ব্যাকুল হইয়া তুমি
 ধরিছ জড়িয়ে মোরে
 বৃক হ'তে নামিবে না ব'লে ।
 কিন্তু কি করিব—
 পিতার আদেশ ।
 যাবে যদি, তবে এস দয়াময় !
 নীরব নিৰ্জ্জন এই নদীর পুলিনে বসি
 আমার নয়ন জলে করি তব শেষের অর্চনা ।
 [বিগ্রহের পূজা ।

অনিলাক্ষ্যের প্রবেশ ।

অনিলাক্ষ্য । ওই—ওই না সেই পলায়িত হৈহয়-রাজ্যবাসী উতক ?
 বহু অনুসন্ধানের পর সন্ধান পেয়েছি । আজ আর ওর অব্যাহতি নেই ।
 উতক ! উতক !

উতক । মদনমোহন ! মদনমোহন !
 ভক্ত প্রাণধন ! নিশ্চয় নিষ্ঠুর সম
 কেমনে তোমারে আজি দিব বিসর্জন ?
 একি ! একি দেব !
 এমন সাধনা-পথে প্রকৃতির নীরব আকাশে
 কে তুলিছে ঝড় ?

অনিলাক্ষ্য । আমি মূর্ত্তিমান প্রভঞ্জন !

উত্ক ! উত্ক ! আরে আরে পলায়িত শত্রু ।

[উত্ককে বন্ধন]

উত্ক । একি ! ছাড়ো—ছাড়ো ! এখনো যে আমার পূজা শেষ হয়নি ! এখনো যে আমার শেষ পুষ্পাঞ্জলি দেওয়া হয়নি । ছেড়ে দাও—ছেড়ে দাও দানব ! আমার ছেড়ে দাও ।

অনিলাক্ষ্য । না—না, আজ আর তোমার পরিভ্রাণ নেই—এস, আজ তোমায় প্রাণদণ্ডে দণ্ডিত হ'তে হবে ।

উত্ক । তার জন্ত আমি বিচলিত নই রাজকর্মচারি ! আমি মরতে ভয় পাবো না । কিন্তু এই দেখ, আমার মদনমোহনের পূজা শেষ করতে পারিনি । একটিবার ছেড়ে দাও—মদনমোহন !

অনিলাক্ষ্য । মদনমোহন ! চুপ কর,—মদনমোহনের আজ কোন ক্ষমতাই টিকবে না । এস ।

উত্ক । সে কি ? ভগবানের পূজা—তুমি তাও করতে দেবে না ? এতদূর তোমার দাস জীবনের কর্মের সার্থকতা দেখাচ্ছে ? এতদূর তোমার অর্থের লালসা ? ধিক্—ধিক্—তোমায় শতধিক্ ।

অনিলাক্ষ্য । স্তব্ধ হও ! তোমার উপদেশ কে শুনবে ? মানে মানে চ'লে এস ।

উত্ক । একটিবার ছেড়ে দাও—আমার শেষ পূজার পুষ্পাঞ্জলি—

অনিলাক্ষ্য । না—না—

মঞ্জুলার প্রবেশ ।

মঞ্জুলা । দুর্বলকে নির্গাতন করাই কি প্রবলের একটা ধর্ম ? ছাড়—ছাড় অনিল !

চতুর্থ দৃশ্য ।]

দশভুজা

অনিলাক্ষ্য । [স্বগত] ওঃ ! দর্পিতা ! [প্রকাশে] কোলাপুরের শত্রু এ, একে ছাড়তে পারবো না মঞ্জুলা ! মহারাজের আদেশ ।

মঞ্জুলা । মহারাজের আদেশ হ'লেও, রাজকন্য়ার আদেশ—একে ছেড়ে দাও ।

অনিলাক্ষ্য । না—না, হবে না রাজকুমারি !

মঞ্জুলা । কি—কি ! তোমার এতদূর অহঙ্কার ? সাবধান ! রাজকুমারীর সম্মান রক্ষা ক'রে নীরবে এখান হ'তে চ'লে যাও ।

অনিলাক্ষ্য । বাজকার্যে অন্তরায় ? আচ্ছা—আচ্ছা, এস উত্ক !

উত্ক । মদনমোহন ! মদনমোহন !

[অনিলাক্ষ্য উত্ককে লইয়া গেল ।

মঞ্জুলা । নিয়ে গেল—নিয়ে গেল—উঃ ! কি কঠোর সংসার ! তোমাব বৃকে কি একটুও দয়ামায়া নেই ? পারলুম না দুর্বলকে রক্ষা করতে । মদনমোহন ! মদনমোহন ! কে মদনমোহন ? জল-বিচারে এসে দূর হ'তে মদনমোহনের নামই শুনেছিলুম । মদনমোহন ওই হৈহয়-বাসীর কে ? এঁ্যা, একি ! ওই যে সত্যই তো একটা মদনমোহনের বিগ্রহ ! [তুলিয়া] বাঃ—বাঃ, কি সুন্দর মূর্তি ! কি ভুবনমোহন শ্রামায়িত তনু । থাক—থাক, অযাচিতভাবে আজ যখন তোমায় কুড়িয়ে পেলুম, তখন তুমি আমার বৃকের মাঝখানে যুগের অধিকার নিয়ে ব'সে থাক ।

গীত ।

মঞ্জুলা—

ধাকো ধাকো তুমি সুখে আমার বৃকে

ওগো মদনমোহন মনোরঞ্জনকামি !

(৭৩)

আমি অনুরাগ ভরে আবাহন দিয়ে

পূজিব তোমারে ঢালিয়া বারি ॥

পেয়েছি যখন পথের ধূলায়, দিব না ছাড়িয়া আর,

তুমি যত দুঃখ দাও, সহিব নীরবে, দিব না যাইতে আর,

তুমি দিও বা না দিও অভয় ঢালিয়া

তবু রাখিব তোমারে মুরারি ॥

[বিগ্রহকে লইয়া প্রস্থান ।

পঞ্চম দৃশ্য ।

রাজসভা ।

সুরথ ও অনিলাক্ষ্য ।

সুরথ । এতদূর স্পর্ধা সেই শান্তশীল ঠাকুরের ? রাজশক্তির অপমান করলে ? অনিলাক্ষ্য ! অনিলাক্ষ্য !

অনিলাক্ষ্য । কি করবো মহারাজ ? যথেষ্ট শক্তির প্রয়োগ করলাম ; কিন্তু সেই দুর্দ্ধর্ষ ভীলসর্দার মাধবদাস এসে আমার কার্যের অন্তরায় হ'য়ে দাঁড়ালো । তারা দলবদ্ধ হ'য়ে এসেছিল—আমি একা । যাই হোক, খুব কোশলে সেই হৈহয়বাসীকে বন্দী ক'রে এনেছি ।

সুরথ । হৈহয়বাসী বন্দী ?

অনিলাক্ষ্য । আজ্ঞে হ্যা মহারাজ ! কিন্তু বড়ই দুঃখের বিষয়—সেখানে আমার কার্যের অন্তরায় হ'য়েছিল রাজকণ্ঠা মঞ্জুলা ।

পঞ্চম দৃশ্য।]

দশভুজা

সুরথ। বটে? পিতার কার্যে কণ্ঠার বাধা দান? আচ্ছা অনিল, আমি তাকে নিষেধ ক'রে দেবো। যাও অনিল, বন্দীকে এখানে নিয়ে এস। আমার রাজ্যে অনধিকার প্রবেশের জন্য তাকে কঠোর দণ্ডে দণ্ডিত করবো। যাও, নিয়ে এস! শাস্ত্রশীলের বিচার পরে হবে।

অনিলাক্ষ্য। যথা আজ্ঞা।

[প্রস্থান।

সুরথ। জানি না, সেই হৈহয়বাসীর কি দুর্ভাগিনী। আর শাস্ত্রশীল ঠাকুরই বা কি জন্য তাকে আশ্রয় দিলে? মাধব সর্দার যে আমার রাজভক্ত প্রজা। তারই বা বিরুদ্ধাচরণ করবার কারণ কি?

সিন্ধেশ্বরীর প্রবেশ।

সিন্ধেশ্বরী। বাবা! বাবা! শুনেছ বাবা?

সুরথ। কি মা, সিদ্ধি?

সিন্ধেশ্বরী। দেখ বাবা, নদীর ধারে বেড়াতে গিয়ে দিদিমণি কেমন একটি মদনমোহন ঠাকুর কুড়িয়ে এনেছে—কি রূপ তার বাবা!

সুরথ। মদনমোহন ঠাকুর কুড়িয়ে এনেছে নদীর ধার ত'তে মঞ্জুলা? সে কি মা?

সিন্ধেশ্বরী। হ্যাঁ বাবা! সত্যি কথা। তুমি দেখবে? আমি দিদিমণিকে ডেকে আনবো এখানে?

সুরথ। এখন থাক! রাজকার্যের অবকাশের পর আমি সব দেখবো। আচ্ছা মা সিদ্ধি! বলতে পারিস্ তুই কে? কেবলই মনে হয়, তুই যেন আমার চিরারাধ্যা।

সিন্ধেশ্বরী। কি বাবা তুমি দিনরাতির আমায় ওই এক কথাই বলো। আমি কে? আমি কে? কি বিপদ বাবা?

স্বরথ । না—না, বল মা তুই কে ? তোর আচার-ব্যবহারে ভাবে-
ভঙ্গিতে মনে হয় যেন সস্তানের সস্তাপ দূর করতে সস্তাপবিনাশিনী
জগন্মাতা জগদ্ধাত্রীর শুভাগমন হ'য়েছে । বল তুই কে ?

গীত ।

সিদ্ধেশ্বরী ।—

সেই আমি ওগো সেই আমি ।
যে ভাবে যেভাবে, সেই ভাবের আমি
আলোকিত করি জগৎভূমি ॥

[প্রস্থান ।

স্বরথ । সিদ্ধি ! সিদ্ধি ! সত্যই তুই—সত্যই তুই—না—না, আমার
যে সব গুলিয়ে গেল । কে—কে রক্ষ-কেশ—দীন বেশ—অশ্রুতরা আঁখি—
বিশুদ্ধ মুখ, কে—কে তুমি ?

শান্তশীলের প্রবেশ ।

শান্তশীল । শান্তশীল ! হাঃ-হাঃ-হাঃ !

স্বরথ । একি ! তুমি কি সেই সৌম্য উদার শান্তশীল ? না কোন—
শান্তশীল । না—না, অশ্রু কেউ নয় রাজা—অশ্রু কেউ নয়—এ সেই
দীন-দরিদ্র ভিক্ষাজীবী ব্রাহ্মণ শান্তশীল ।

স্বরথ । এখন এ ভাব কেন ? বুঝি প্রতারণা করতে এসেছ ?

শান্তশীল । প্রতারণা ! এ প্রতারণার ভাব নয় রাজা—এ হ'চ্ছে
অপরের প্রতারণা জানাবার ভাব ।

স্বরথ । কে তোমার সঙ্গে প্রতারণা করলে ব্রাহ্মণ ?

শান্তশীল । তুমি—তুমি ।

স্বরথ । আমি ? আমি ?

শাস্ত্রীল । হ্যা—হ্যা—তুমি—তুমি । যে ব্রাহ্মণকে তুমি একদিন মার্থীর উপর রেখেছিলে—আজ আবার তাকে পায়ে দলতে চাইছো । এটা কি তোমার প্রতারণা নয় ? এই দেখ তোমার পদদলনে আমার কি রূপান্তর ।

সুরথ । তুমি রাজদ্রোহী । হৈহয়রাজ্যের একজন গুপ্তচরকে তুমি আশ্রয় দিয়েছ—তারপর রাজ-আজ্ঞার অবমাননা ক'রেছ ।

শাস্ত্রীল । আর—তারই বিনিময়ে তুমি আমার সর্বস্ব পুড়িয়ে দিলে । হাঃ-হাঃ-হাঃ ! চমৎকার বিচার ! কুলদেবতা মদনমোহনের মন্দিরটাও পুড়ে গেল । কিন্তু রাজা, তুমি জান না, আশ্রিতকে রক্ষা করাই যে জীবের প্রধান ধর্ম ! শোন—শোন, একদিন যখন তীর্থ হ'তে গৃহে ফিরছিলাম, তখন দেখলুম সেই হৈহয়বাসী উত্কের উপর তারই জ্যেষ্ঠ ভ্রাতার কি অমানুষিক অত্যাচার ! আমি থাকতে পারলুম না, কোলাপুরের চিরশত্রু হ'লেও আমি তার কাতরতায় শক্রতা ভুলে গিয়ে তাকে বুকের মাঝে আশ্রয় দিয়ে বাঁচালুম । তাতে আমার গৌরব বাড়ে নি রাজা ! গৌরব বেড়েছে তোমার—আর এই কোলাপুরের ।

সুরথ । কিন্তু তাকে আশ্রয় দিলে ভবিষ্যতে হৈহয়রাজ্যের আক্রমণে কোলাপুর যে বিধ্বস্ত হবে শাস্ত্রীল ! একের জন্ত সহস্র জনের হস্তারক আমি হ'তে পারবো না । কই—কই অনিল ! নিয়ে এস বন্দী হৈহয়বাসীকে ।

শাস্ত্রীল । উত্ক আমার বন্দী ? তাকে যে আমি মদনমোহনকে জলে ফেলে দিতে আদেশ দিয়েছিলাম । সে আজ বন্দী ? তবে আমার মদনমোহন কি হ'ল ? সুরথ ! সুরথ ! উত্ককে মুক্তি দাও ।

সুরথ । তাকে মুক্তি দেবো না । তাকে আজ কঠোর দণ্ডে দণ্ডিত করবো ।

অগ্নিমিত্রের প্রবেশ ।

অগ্নিমিত্র । কোলাপুর অধিপতির জয় হোক ।

সুরথ । কে ?

অগ্নিমিত্র । চিন্তে পারছেন না ? আমি ১০০০-সেনাপতি অগ্নিমিত্র । আমরা অনুসন্ধান ক'রে জেনেছি—উত্ক এখানে আশ্রয়লাভ করেছে । এই যে, হ্যাঁ, এই ব্রাহ্মণই যে তাকে আশ্রয় দিয়েছে । কই সে ? তাকে চাই—মহারাজের আদেশ । আরও গুণ্ডন রাজা ! যদি স্বেচ্ছায় তাকে না দেন—জান্বেন ভবিষ্যতে যুদ্ধ অনিবার্য্য ।

সুরথ । উত্ক আজ বন্দী ! তুমি একটু অপেক্ষা কর সেনাপতি , আমি এখনি তাকে তোমার করে অর্পণ করছি । অনর্থক আর রক্তপাতের আবশ্যক নাই ।

শান্তশীল ! চমৎকার ! সুন্দর—সুন্দর ! সুরথ ! সুরথ ! তুমি না কত্রিয় ? তুমি না রাজা ? তুমি না মানুষ ? আজ যদি উত্ককে শত্রুর করে অর্পণ কর, তাহ'লে জেনো, তোমার কলঙ্কে দেশ ছেয়ে ফেলবে । তোমার উন্নত ললাট চিরদিনের জগ্ন নত হবে—কোলাপুরের বশঃকীর্ত্তি মান-সম্মম একে একে চিরদিনের জগ্ন বিলুপ্ত হ'য়ে যাবে ।

সুরথ । তবে আমায় কি ক'রতে হবে শান্তশীল ?

গীতকণ্ঠে উমানন্দের প্রবেশ ।

গীত ।

উমানন্দ ।—

তোমায় ধরিতে হইবে অস্ত্র বীর ।

কত্রিয় তুমি কেন ভুলে যাও

কেন কর নতশির ।

গর্জন ছেড়ে জেগে উঠ আঙ্গ,
 পর হে বীরের সাজ,
 ললাটে ভাতিবে গরিমা-ইন্দু
 বহিবে কীর্তি-নীর ।

[প্রস্থান ।

অগ্নিমিত্র । শীঘ্র তাকে অর্পণ কর রাজা !

শাস্ত্রশীল । শুন্লে—শুন্লে সুরথ ! ওই উমানন্দের বীরত্বের গীতি ?
 এখন তোমার ধমনীর হিমালয়ী রক্ত গৈরিকশ্রাবের মত টগ্‌বগ্‌ ক'রে
 উঠছে না ? তুমি কি কোলাপুরের অধিপতি নও ? তুমি কি ওই অনন্ত
 শক্তিসম্পন্ন বিভাবসুর পুত্র নও ? না—না, তুমি নির্জীব—তুমি জড়—তুমি
 ভীক ! নেমে যাও—নেমে যাও—ওই পুণ্যাসন হ'তে । নেমে যাও ঐ
 দেবতার পবিত্র বেদীমূল হ'তে ; যাও—যাও—উঃ ! কি ব'লবো—
 সুরথ । কই—কই অনিলাক্ষ্য, বন্দী কই ?

বন্দী উত্ককে লইয়া অনিলাক্ষ্যের প্রবেশ ।

অনিলাক্ষ্য । এই যে বন্দী উত্ক ।

উত্ক । দাদা ! দাদা ! [অগ্নিমিত্রের পদতলে পতন]

অগ্নিমিত্র । দূর হ' হতভাগা । [পদাঘাত]

শাস্ত্রশীল । ওঃ—ওঃ ! এত অনাচারের মাঝখানেও সৃষ্টির নীরবতা !
 বাঃ ! ভগবান্ অপূর্ব তোমার নিয়মতন্ত্র । অপূর্ব তোমার লীলাচাতুর্য্য !
 শোন—শোন হৈহয়-সেনাপতি ! উত্ক জগতের শত্রু হ'লেও—অপরাধী
 হ'লেও—আমি ওকে আশ্রয় দিয়েছি, কারো সাধ্য নেই—আজ ওর
 কেশাগ্র স্পর্শ করে ।

সুরথ । শাস্ত্রশীল !

অগ্নিমিত্র । কি কোলাপুর-পতি ?

স্বরথ । অনিলাক্ষ্য—অনিলাক্ষ্য ! উতঙ্ককে হৈহয়-সেনাপতির হস্তে অর্পণ কর ।

অনিলাক্ষ্য । এস উতঙ্ক ! নিয়ে যাও সেনাপতি !

[উতঙ্ককে অগ্নিমিত্রের হস্তে অর্পণে উত্তত]

শাস্তশীল । একি ! একি ! সত্যই যে উতঙ্ক আজ ক্ষুণ্ণিত শার্দূলের গহ্বরে যাচ্ছে । না--না, আমি তা যেতে দেবো না । স্বরথ ! স্বরথ ! তোমার মনের অঙ্গি চূর্ণ ক'রো না । উঃ—উঃ ! এত অহুনে তুমি গুলে না ? এত বোঝানোতেও তুমি আত্ম-মর্যাদা বুঝলে না ? কি করি—কি করি ? না—না, আমি তো ব্রাহ্মণ—আমারও তো শক্তি আছে—আমারও তো তেজ আছে—আমারও তো বংশ-মর্যাদা জ্ঞান আছে । না—না, উতঙ্ককে নিয়ে যেতে পাবে না । [উতঙ্ককে কাড়িয়া লইল] থাক—থাক তুমি আমার বুকে থাক । [বক্ষে ধারণ]

অগ্নিমিত্র । রাজা ! রাজা !

স্বরথ । শাস্তশীল ! রাজদ্রোহী—রাজদ্রোহী তুমি ! দাও—দাও, শীঘ্র ওকে হৈহয়-সেনাপতির করে অর্পণ কর । বন্দী কর—বন্দী কর শাস্তশীলকে । [অনিলাক্ষ্য শাস্তশীলকে বন্দী করিল]

শাস্তশীল । ভগবান্ ! ভগবান্ ! একি তোমার মহিমা ! উঃ—উতঙ্ক । পুত্র ! আর বুঝি তোমায় রক্ষা ক'রতে পার্জলুম না ।

স্বরথ । নিয়ে যাও হৈহয়-সেনাপতি রাজদ্রোহীকে ।

অগ্নিমিত্র । হাঃ-হাঃ-হাঃ ! এইবার আয় উতঙ্ক !

উতঙ্ক । তবে চল্লুম দেব ! কেঁদো না তুমি ! আমার অদৃষ্ট যে ভগবান্ অক্ষকার ক'রে রেখেছেন । দূরে বা অদূরে কিম্বা পরপারে যেখানেই থাকি না কেন, আমি শ্রদ্ধা-পুলকিত অন্তরে তোমার উদ্দেশে

প্রণাম ক'রব—তুমিও অনন্ত আশীর্বাদ টেলে দিও ব্রাহ্মণ । চল -চল দাদা, তোমার বাসনা পরিতৃপ্ত করবার জন্য আজ ভায়ের রক্ত আকর্ষণ পান করবে চল ।

অগ্নিমিত্র । আয়—

শাস্তশীল । হাঃ-হাঃ-হাঃ ! চমৎকার ক্ষত্রিয়ের ক্ষাত্রধর্ম ! চমৎকার বাজার রাজনীতি—চমৎকার রাজ্যের গৌরব রক্ষা । শত্রু এসে গালে চূণকালি দিয়ে তোমার গর্ভের বুকখানা চুরমার ক'রে কলঙ্কের ডালি মাথায় তুলে দিয়ে যাচ্ছে—আর তুমি নীরব নিশ্চল হ'য়ে ব'সে আছ কোলাপুর ! তোমার অঙ্কে কি মানুষ নেই ? কই—কই ? যদি কেউ মানুষ থাক—ছুটে এস—ছুটে এস, তোমার আত্মমর্যাদা রক্ষা কর । কই—কই, মানুষ মানুষ ক'রে চীৎকার করছি, তবু মানুষের সাড়া কই ! মানুষের আবির্ভাব কই—মানুষের উত্থান কই ? নেই—নেই, কোলাপুরে মানুষ নেই ।

মহীরথের প্রবেশ ।

মগীরথ । আছে—আছে শাস্তশীল, কোলাপুরে মানুষ আছে । অতবড় একটা কলঙ্কের ভার কোলাপুরের মাথায় তুলে দিও না । এস—এস নিরাশ্রয় কোলাপুত্রের চিরশত্রু—কোলাপুর এখনো তার মনুষ্যত্ব হারায়নি । এস—আজ কোলাপুররাজ তোমায় আশ্রয় না দিলেও তোমায় আশ্রয় দেবে তার ভ্রাতৃম্পুত্র । [উত্ককে লইতে উত্তত]

অগ্নিমিত্র । [তরবারি দিয়া বাধা দান] সাবধান—সাবধান !

সুরথ । মহীরথ ! মহীরথ !

মগীরথ । মগীরথ—মানুষ—মানুষ ! হাঃ-হাঃ-হাঃ !

[তরবারি দ্বারা অগ্নিমিত্রের গতিরোধ করতঃ উত্ককে লইয়া ক্ষর্ত প্রস্থান ।

অগ্নিমিত্র । কোলাপুররাজ ! একি অগ্নায় আচরণ ? হৈহয়রাজের সঙ্গে বিদ্রোহিতা ক'রতে চাও ?

শান্তশীল । আশীর্বাদ—আশীর্বাদ আমি তোমায় কি দিয়ে ক'রবো কুমার ? আশীর্বাদ করি তোমার কীর্তি গৌরব অমর হোক । আর এই কোলাপুরের প্রতি গৃহে তোমার মত মানুষ জন্মগ্রহণ করুক । রাজা ! রাজা ! দেখ্ছ কি ? দেখ্ছ কি ? তুমিও মানুষ আর তোমার ভ্রাতৃপুত্রও মানুষ । ভেবে দেখ দুয়ের ব্যবধান কতখানি ! এক মানুষের শিরে জন্মভূমি অভিশাপ ঢেলে দিচ্ছে—আর এক মানুষকে বৃকে তুলে নিতে জন্মভূমি ব্যাকুলতায় ছুটে যাচ্ছে । তুমি এখনো মানুষ হও রাজা—এখনো মানুষ হও ।

সুরথ । সত্যই—সত্যই শান্তশীল, তোমার মধুর উপদেশবাণীতে মহীরথের মহাপ্রাণতায় আজ আমার হৃৎস্বপ্ন দূরে গেল । সত্যই আমার হারানো মনুষ্যত্ব এতদিনে ফিরে এল । যাক্—যাক্, রাজ্য যাক্—ঐশ্বর্য যাক্—মনুষ্যত্ব আমার চির অক্ষুণ্ণ থাক । শান্তশীল ! কোলাপুরের সুসন্তান ! নতশিরে আমি তোমার নিকট মার্জ্জনা চাইছি—আমায় মার্জ্জনা কর ।

[শৃঙ্খল মোচন করতঃ পদতলে উপবেশন]

শান্তশীল । ওঠ—ওঠ রাজা ! এইতো রাজার মত কথা । এইতো মানুষের মত চরিত্র বিকাশ । আশীর্বাদ করি যেন আর কখনো এমন অমূল্য ধন মনুষ্যজন্মের গৌরব গরিমা ভুলে যেওনা । বাজুক কোলাপুরের ব্যথাদীর্ণ বক্ষে কীর্তির জয়ভেরী । উড়ুক কোলাপুরের সোধে সোধে বিজয়-নিশান—কণ্ঠে কণ্ঠে নাদিত হোক, আমরা মানুষ—আমরা মানুষ—আমরা মানুষ ।

[প্রস্থান ।

অগ্নিমিত্র । কোলাপুরপতি ! আরে আরে অহকারী রাজা ! হৈহয়-
রাজের সম্মানরক্ষার এই কি যোগ্য প্রতিদান ।

সুরথ । না—না, হৈহয়রাজের সম্মানরক্ষার যোগ্য প্রতিদান এ নয়,
হৈহয়রাজের সম্মানরক্ষার যোগ্য প্রতিদান—

[অগ্নিমিত্রকে বন্দী করিবার জন্ত অনিলাক্ষ্যকে ইঙ্গিত করিয়া প্রস্থান ।

[অনিলাক্ষ্য অগ্নিমিত্রকে বন্দী করিল]

অগ্নিমিত্র । একি—একি ! বিশ্বাসঘাতক কোলাপুররাজ ! আচ্ছা—
আচ্ছা, যদি কখনো মুক্তি পাই, তাহ'লে তোমার ধ্বংস অনিবার্য্য ।
তোমার এই শাস্তিময় কোলাপুরের বৃকে ধ্বংস-যজ্ঞানল প্রজ্বলিত
ক'র্বো—আছতি দেবো আমি—ইকন যোগাবে অত্যাচার—তন্ত্রধারক
হবে ওই মৃত্যু ।

[অনিলাক্ষ্যসহ প্রস্থান ।

তৃতীয় অঙ্ক

প্রথম দৃশ্য ।

বনপথ ।

গীতকণ্ঠে পুরুষ ও রমণীর প্রবেশ ।

গীত ।

পুরুষ ।— ওহো-হো-হো ! রাগ ক'রে তুই কোথায় যাবি
ও বিধুমুখি ।

আমি যে তো'রি ভরে নব খোয়ানু
আর কিছু ত নাই বাকি ॥

রমণী ।— শুন্ব না তো'র কোন কথা, যাব আজ যেথা সেথা,
কাজ নেই তো'র ঘরকনায়
আমার বেলায় কেবল ফাঁকি ॥

পুরুষ ।— তো'র মন যোগাতে ফতুর হ'লাম,
তবু তো'র মন না পেলাম,

রমণী ।— মুখের কথা শুনবে কে,
নে না তুই পথ দেখে,
তোকে আর বল্ব কি ?

পুরুষ ।— দু'দিন বাদে বস্ব পথে,
বিকিয়ে গেছে বাস্তব ভিটে,
তবু তো'র মন পেলাম না হায়—হায়—হায়,

দুঃখের কথা বল্ব কি ?

[উভয়ের প্রস্থান ।

দ্রুত অনিমার প্রবেশ ।

অনিমা । ওগো, কোথায় যাই আমি—কোথায় আশ্রয় পাই আমি ? কোথায় গেলে আমার ধর্মরক্ষা হবে ? একটু আশ্রয়ের জন্তু যার কাছে যাই, হৈহয়-রাজের নাম শুনে আমায় তাড়িয়ে দেয় । এ জগতে আমার আপনার ব'লতে আর কেউ নেই । ছিল—ছিল, একজন ছিল—সে আমার মধ্যম দাদা ; কিন্তু সেও যে নিরুদ্দেশ । আমার জ্যেষ্ঠ ভ্রাতা—উঃ ! কি নিষ্ঠুর সে ! আমায় হৈহয়-রাজের হাতে অর্পণ ক'রে নিজে সোভাগ্যবান হবে ব'লে আমায় কারাগারে বন্দী ক'রে রেখেছিল, কিন্তু কোণলে কারারক্ষীকে উৎকোচ দিয়ে পালিয়ে এসেছি । কিন্তু এখন কোথায় যাব ? বিলম্ব হ'লে এখনি দুর্ভাগ্যের দল আমাব অন্তসন্ধানে ছুটে আসবে । তাইতো, কি করি ? ভগবান্ ! সতীর ধর্ম তুমিই রক্ষা কর । আমি দুর্বলা নারী, তুমি ভিন্ন যে আমার আর কেউ নেই ।

[নেপথ্যে সৈন্তগণ । খোঁজ—খোঁজ, এই পথে—এই পথে ছুঁড়িটা পালিয়ে এসেছে ।]

অনিমা । ওই—ওই বুঝি তারা এসে পড়ল, এতবার আমায় ধ'রে ফেলবে । কোথায় যাই—কোথায় পলাই ? হ'য়েছে—হ'য়েছে, ওই যে খদূরে এক স্রোতস্বিনী ব'য়ে যাচ্ছে, যাই—যাই, ওরই শীতল গর্ভে ঝাঁপিয়ে প'ড়ে ধর্মরক্ষা করিগে ।

[দ্রুত প্রস্থান ।

দ্রুত মাধবদাসের প্রবেশ ।

মাধব । ওকি—ওকি ! একটা ইস্তিরী লোক না নদীতে ঝাঁপিয়ে পড়ল । তাইতো, আজ আমার শিকার হ'ল না দেখছি । আগাড়ি

দশভুজা

[তৃতীয় অঙ্ক ।

উগর জান বাঁচাতে হবে—তারপর শিকারে যাবে । ঝণ্টু, মণ্টু ! ছুটিয়ে
চল্ তুহারা সব—ওই ইন্দিরী লোকটাকে বাঁচাতে হোবে রে বেটা !

[দ্রুত প্রস্থান ।

চিন্তামগ্ন শাস্ত্রশীলের প্রবেশ ।

শাস্ত্রশীল । আবার কতকগুলো দুশ্চিন্তা এসে আমার পাগল ক'রে
দিলে দেখছি । না, সংসারটা আমায় হাড়ে নাড়ে জ্বালালে । যত
বার ভুলতে যাই—যতবার মনে করি আর কিছু ভাবব না, ততহ
যেন ভাবনা এসে আমার সব অন্তরটা জুড়ে বসে । এঃ ! ভাবনা
বেটা আমায় জ্বালিয়ে মারলে । এত ক'রেও ভাবনা বেটার হাত হ'তে
নিষ্কৃতি পাচ্ছিনে ! না, আর কিছু ভাবব না—দেখি, আমায় কে
ভাবাতে পারে । এহ চুপ ক'রে বসলুম, দেখি ভাবনা বেটা আমার
কি করে । [উপবেশন ও কিছু পরে] আবার—আবার তুই এসেছিস্ ?
যা—যা, চলে যা,—আবার দেখি আসছে ।

উত্কের প্রবেশ ।

উত্ক । বাবা ! বাবা !

শাস্ত্রশীল । আঃ—সব মাটি ক'রে দিলে দেখছি ।

উত্ক । বাবা ! বাড়ী হ'তে তুমি চ'লে এসেছ, আর আমি তোমায়
কত খুঁজছি । বাড়ী চল ।

শাস্ত্রশীল । কেন ? না—না উত্ক ! আর আমি বাড়ী যাব না ।
আমি সেই হতশ্রীর দিকে চাইতে পারব না । আমার বাড়ী নেই—
ঘর নেই—আমার সব গেছে । আমার কুলদেবতা মদনমোহন যখন
গেছে, তখন আমার সব গেছে । বাও—বাও, আমায় এই বনের মাঝে
নীরবে একটু কাঁদতে দাও ।

উতক । বাবা !

শান্তশীল । আঃ আমার কাঁদতেও দেবে না ? আমার মদনমোহনের জন্য কি একটু কাঁদতেও পাব না ? যখনই তার জন্য কাঁদতে যাই, তখনই তোমরা সবাই মিলে এসে আমার কাঁদা বন্ধ ক'রে দাও কেন বল ত' ? আমি কাঁদবো—তোমাদের কি ? যাও, বিরক্ত ক'রো না উতক ! খাইয়েছি—দাইয়েছি—কত ভালবেসেছি—আশ্রয় দিয়েছি ; কিন্তু এমনভাবে আমার বিরক্ত ক'রলে আর চলবে না। হ্যাঁ, একটা কথা—আমার মদনমোহনকে সত্যিই তুমি জলে ফেলেছিলে, না কোথায় লুকিয়ে রেখেছ ? সত্যি কথা বল উতক !

উতক । আমি তোমার আদেশে মদনমোহনকে নদীগর্ভে বিসর্জন দিতে গেছলুম সত্য ; কিন্তু সেই সময় আমি অনিলাক্ষ্য কর্তৃক বন্দী হই, মদনমোহন নদীর তীরে প'ড়ে রইল ।

শান্তশীল । এঁা ! তাহ'লে কোথায় গেল আমার মদনমোহন ? চল—চল, নদীতীরটা ভাল ক'রে খুঁজে আসি ।

উতক । আমি অনেক খুঁজেছি—তঁাকে অনেক ডেকেছি । কেঁদে কেঁদে মর্শ্বের ব্যথা জানিয়ে ব'লেছি, ওগো মদনমোহন ! ওগো অনাথ বান্ধব ! ওগো কাকালের সখা ! তুমি কোথায় ? এস—এস—ফিরে এস—ফিরে এস তুমি । কিন্তু সে এল না দেব ! বিরাট নৈরাশ্রে হৃদয় জর্জরিত ক'রে চোখের জলে ভাসতে ভাসতে ফিরে এলুম ।

শান্তশীল । বেশ ক'রেছ—এখন ঘরে ফিরে যাও ।

উতক । আর তুমি ?

শান্তশীল । আঃ তুমি আমার পাগল না ক'রে ছাড়বে না দেখছি । আমার জন্য তোমায় ভাবতে হবে না, আগে নিজের ভাবনাটা ভাব গে ।

উত্ক। আমার আর ভাবনা কি? আমি যখন তোমার মত দেবতার চরণাশ্রিত।

শাস্তশীল। হাঃ-হাঃ-হাঃ। ছেলেমানুষ কিনা? ওরে বালক! ভাবতে সকলকেই হয়; কেউ ভাবে পরের ভাল—আবার কেউ ভাবে পরের সর্বনাশ। জগৎটা যে ভাবনা দিয়ে গড়া। উত্ক। মনে আছে তোমার ভগ্নীর কথা? সে কি ছরস্ত পিশাচ কর্তৃক অপবিত্রা হবে?

উত্ক। কিন্তু বাবা! আমি তাকে কেমন ক'রে রক্ষা করব? আমি যে দুর্বল।

শাস্তশীল। দুর্বল। কি দুর্বলের বল কে জান?

উত্ক। জানি।

শাস্তশীল। কে?

উত্ক। ভগবান্।

শাস্তশীল। তবে?

উত্ক। সব সময়ে যে তার পরিচয় পাঠি না দেব!

শাস্তশীল। থাক; এখন তোমার বা করবার হয় করগে, আমার আর বিরক্ত করতে এসো না। মদনমোহন! মদনমোহন! কুল-দেবতা আমার—না, তুমি নিষ্ঠুর; আর তোমায় আমি ডাকব না। না—না, তোমার তো কোন দোষ ছিল না, আমিই তোমাকে আমার কাছ হ'তে তাড়িয়েছি। ওকি—ওকি! কি মধুর সুর! শোন—শোন উত্ক, কাণ পেতে শোন। তবে কি আগার মদনমোহন আস্ছে?

গীতকণ্ঠে উমানন্দের প্রবেশ।

গীত।

ওই যে তাহার বাণী বাজে,

আবার রুণুৰুণু নুপুর বাজে।

ওই বুঝি সেই মদনমোহন

আসছে আবার মোহন সাজে ॥

বাঁশীর সুরে পাগল আমি,

যুরে বেড়াই কাননভূমি,

এবার দেখা পেলো দেখুব তুমি

কেমন ক'রে কাঁদাও সকাল সঁঝে ॥

[প্রস্থান ।

উতক । উমানন্দ ব'লে গেল দেব ! মদনমোহন আবার আসবে ।

শান্তশীল । আর সে আসবে ? ওরে—সে একবার চ'লে গেলে
সহজে আর ধরা দেয় না । অমন কপটী কি জগতে আছে ?

উতক । গৃহে চল দেব !

শান্তশীল । আবার গৃহ ? সেখানে কি কাঁদতে যাব ? না—না,
আমি সেই গরুভূমির উত্তাপ সহ্য করতে পারব না । সেখানে যে
আমার মদনমোহন নেই ।

উতক । চল দেব ! আমি যেমন ক'রেই হোক, তোমার মদন-
মোহনের সন্ধান এনে দেবো । তুমি এখন এস, আমার দাদা যে
বন্দী—কলা তার প্রাণদণ্ড হবে, তাকে যে বাঁচাতে হবে প্রভু ! সে
যে আমার দাদা !

শান্তশীল । হ্যাঁ—হ্যাঁ, তাও বটে । চল—চল, কিন্তু আমার মদন-
মোহনের সন্ধান দেওয়া চাই—দূর ছাই, সে বখন আমায় চায় না—
তখন আমিই বা তাকে চাই কেন ? না—না, সে যে আমার শত
যুগের অমৃত সাস্বনা—পিতা পিতামহের ভক্তির প্রতিষ্ঠিত কুলদেবতা ।
তাকে ভুলতে পারি ?

উতক । কিন্তু প্রভু ! চেয়ে দেখ—সেই কুলদেবতার আজ কি

দুর্দশা । পিতা পিতামহের সজ্জিত কীর্তি অনেক কুসন্তান নষ্ট ক'রতে বসেছে । কুলদেবতার মন্দিরে আজ সন্ধ্যার প্রদীপ পর্য্যন্ত জ্বলে না ; এমন কি, কুলদেবতার ভার বহনে অক্ষম হ'য়ে সেই শত-সোভাগোর জীবন্ত মূর্ত্তিকে কত নরাধম জলে ফেলে দিচ্ছে, আবার কেউ কেউ সেই কুলদেবতার দেবোত্তর সম্পত্তি আত্মসাৎ ক'রে কুলদেবতাকে দূরে ফেলে তাঁরই অর্থে সুরাপান আর গাণকার সেবায় অপব্যয় ক'চ্ছে ।

শান্তশীল । বারা তাদের সেই কুলদেবতাকে ওরূপ ক'রছে, তুমি আমায় একটীবার সেই নরাধম পণ্ডদের দেখিয়ে দিতে পার উত্ক ? আমি ছ'গাতে তাদের গলাটা টিপে ধ'রে চীৎকার ক'রে বলবে—ওরে পাষণ্ড—ওরে অধার্মিক—ওরে গর্দভ ! এই কি তোমার কর্তব্য—এই কি তাদের বংশমর্যাদারক্ষা—এই কি তাদের ধর্ম ?

উত্ক । প্রকৃতিস্থ হও দেব ! এস ।

শান্তশীল । চল, দেখি মদনমোহন আবার কোন্ পথে টেনে নিয়ে যায়
[প্রস্থানোত্ত]

গীতকণ্ঠে সিদ্ধেশ্বরীর প্রবেশ ।

গীত ।

সিদ্ধেশ্বরী ।—

ওগো প্রাণ কেমন করে আমার

বুড়ো বরের তরে ।

জানি না সে আছে কেমন

আমায় ওগো ছেড়ে ॥

সে গাঁজা খেয়ে সিদ্ধি খেয়ে,

শ্মশানেতে বেড়ায় ধেয়ে,

মাথায় আবার সতীন আমার

কতই রক্ত করে ।

শান্তশীল । কে তুমি বালিকা ?

সিন্ধেশ্বরী । আমি রাজকুমারীর সহচরী, আমার নাম সিন্ধেশ্বরী, রাজবাড়ীতে থাকি । তুমি আমার চেন' না ? আমি আমার সহচরীর জন্ত ফুল তুলতে যাচ্ছি । আজ রাজকুমারীর মদনমোহন পূজা ।

[প্রশ্নান ।

শান্তশীল । মদনমোহন পূজা রাজকুমারীর ! সে কি উত্ক ? আমি যে কিছু বুঝে উঠতে পারছি নে ।

উত্ক । আমিও তাই ভাবছি দেব !

শান্তশীল । মদনমোহনের পূজা । কোন্ মদনমোহন ? আমার মদনমোহনের পূজা নয় তো ? নাঃ—দেখতে হ'ল উত্ক ! চল, দেখি—দীন-দরিদ্র ব্রাহ্মণের পূজা আর ভাল লাগছে না ব'লে আমার মদনমোহন বোধ হয় রাজবাড়ীতে গিয়ে রাজভোগ খাচ্ছেন ।

[উভয়ের প্রশ্নান ।

অনিমাকে বন্ধে করতঃ দ্রুত মাধবসর্দারের প্রবেশ ।

অনিমা । [জড়িত স্বরে] ওগো, কেন তুমি আমার বাঁচালে ? আমি যে চির শাস্তির সন্ধানে যাচ্ছিলুম ।

মাধব । ছো-ছো-ছো, বেটি ! এহি কাম কি কোরতে আছে ? তু পরাণটা ঝুটমুট নষ্ট করছিলি কেন ? বোল্—তুহার কি হইয়েছে বেটি ? এহি বয়েস তুহার কি দুখা আছে ? ছো-ছো-ছো ।

অনিমা । তুমি জান না সর্দার, আমার কত দুঃখ । এই বয়সে কাল-বৈশাখীর প্রবল ঝড় আমার উপর দিয়ে ব'য়ে গেছে । দুঃখের কথা বলব ? বলতে গেলে বোধ হয় সহস্র বৎসরেও শেষ হবে না ।

মাধব । বটে ! ওঃ ! আচ্ছা, এখন চল্ বেটি, তুহাকে হামার

বাড়ীতে লিয়েই যাই—তু একটু ভালা হ'লে হামি তুহার সব দুখু
শুন্বে ।

অনিমা । শুনে কি ক'র্বে সর্দার ?

মাধব । শুনিয়ে কি কোর্বে ? শুনিয়ে মাধবসর্দার তুহার দুখু
দূর কোর্বে, আর কি কোর্বে ?

অনিমা । আমার দুঃখ দূর ক'র্বে তুমি সর্দার ?

মাধব । কেন ? হামরা গরীব ছোটা জাত বোলিয়ে কি পরের
দুখু দূর কোর্তে জানে না ? জানে—জানে বেটি ! পরের দুখু দূর
কোর্তে হামরা ধন-দৌলত দিতে জানে—খুন দিতে জানে—আউর
পরাণ-ভি দিতে জানে ।

অনিমা । পার্বে—পার্বে সর্দার ?

মাধব । কেন পার্বে না বেটি ? হামরা ছোটা জাত, হামরা মুখে
যা বোলবে, কাম্মে তাই কোর্বে । হামাদের বাৎ কোভি দোঁসরা
হয় না । চলিয়ে আয় ।

[উভয়ের প্রস্থান ।

দ্বিতীয় দৃশ্য ।

উত্থান ।

নর্তকীগণ গাহিতেছিল ।

গীত ।

সোনালী আঁচলখানি

দোলায়ে বাতাসে

ওই আসে উষারাগী রঙ্গে ভঙ্গে ।

কুহু কুহু ওই বুলিছে কোয়েলা

নাচিছে ফুলসপি আধ কোটা চারু অঙ্গে ॥

প্রিয়তম যাবে ব'লে,

কুমুদিনী পড়ে চ'লে,

নীল সাগরের গহন জলে

বিদায়ের সঙ্গে ॥

মহীরথের প্রবেশ ।

মহীরথ । যাও—যাও, বুকের চিতানল তোমাদের ওই সুলভিল
সঙ্গীতে নিভবে না সুন্দরীগণ ! যাও—[নর্তকীগণের প্রস্থান] যেন সৃষ্টির
বুক জুড়ে একটা ভীষণ বিপ্লব বেধে গেছে । ওঃ ! কি আর্তনাদ ! হাহাকার !
ত্রাহি ত্রাহি শব্দ—না, কই তোরা চ'লে গেলি ? যাস্নে, গান আরম্ভ
কর—গান আরম্ভ কর ।

নর্তকীগণের পুনঃ প্রবেশ ।

গীত ।

যামিনী পোহায়ে যায় কাঁদিয়া কাঁদিয়া ।
নয়ন জলিয়া যায় মরি হে দহিয়া ॥
কেন সে এল না দানিতে মধু তার,
পিয়াসে মরি গো, প্রাণ যে রাখা ভার,
আসিবে ব'লে সে, গিয়াছে বিদেশে,
এখনো কেন সে এল না আবেশে,
এস হে এস বঁধু হিয়ার আসনে
রেখেছি যতনে আমরা পাতিয়া ॥

[প্রস্থান ।

মণীরথ ।

কোন্ পথে চালাইব কক্ষ-রথ মোর ?
দিবানিশি এক চিন্তা
দন্ধ করে নিরন্তর অন্তর আমার ।
ক্ষণে ক্ষণে জাগে উন্মাদনা
রাক্ষসী কামনা উদ্বেলিত ক'রে
টানায় বিবেক—মহত্বে বিনাশ
করিতে সে চায় ।
কিন্তু হায় পরক্ষণেই
দেখি শুধু ধু-ধু মরুভূমি ।
ঘন অন্ধকার—স্পষ্টাক্ষরে পরিণামে ।
সভয়ে ফিরাই আঁখি
মনে হয় আমি যে মানুষ ।

সুনন্দার প্রবেশ ।

সুনন্দা । কি ভাবছ মহীরথ ?

মহীরথ । ভাবছি—বজ্রপাতের বিলম্ব কত ?

সুনন্দা । বজ্রপাত তো বহুদিন হ'য়ে গেছে মতি !

মহীরথ । কৈ, তার তো কোন শব্দ শুন্তে পাইনি ?

সুনন্দা । তুমি যে বধির ; কি ক'রে শুন্তে পাবে ?

মহীরথ । কিন্তু বজ্রপাতের সে ধ্বংসও যে দেখতে পাইনি মা !

সুনন্দা । তুমি যে অন্ধ, কি ক'রে দেখবে ?

মহীরথ । পুত্র তাহ'লে অন্ধ—বধির ?

সুনন্দা । আবার জড় ও নিস্প্রাণ ।

মহীরথ । কিসে বুঝলে মা ?

সুনন্দা । কর্তব্যে—ধর্ম্মে—কর্ম্মে—

মহীরথ । তাহ'লে মহীরথ কিছুই নয় ?

সুনন্দা । আমার মনে তাহাই হয় । আমার মনে হয়, মহীরথ
মানুষ নয় ।

মহীরথ । মানুষ নয় ?

সুনন্দা । না—

মহীরথ । তবে কি ?

সুনন্দা । কাষ্ঠপুত্তলিকা । একজনের অশুগ্রহদস্ত দাস—মাতৃঘাতী ।

মহীরথ । মা !

সুনন্দা । পার্শ্বি না—পার্শ্বি না ? বল—বল মতি ! আমি কি
তোর মা নই ? আমি কি তোর জন্ম অসহ্য যন্ত্রণা সহ্য করিনি ?
আমি কি তোর মুখে একটা দিনও বুকের সুধা নিংড়ে দিইনি ?
তোর জন্ম কি আমার বিনিত্র রজনী পোহাই নি ? বল অকৃতজ্ঞ পুত্র !

মহীরথ ।

হায় নারী ! তুমি যে মা !
 অপূর্ব যে তোমার মহিমা ।
 শাস্ত্র—বেদ—পুরাণের
 পৃষ্ঠায় পৃষ্ঠায়
 স্বর্ণাক্ষরে তোমার গরিমা-গাঁথা
 থরে থরে রয়েছে সজ্জিত ।
 দেবী হাতে মহাদেবী তুমি,
 স্থান তব হিমাদ্রি শিখরে ।
 তোমারি মহিমা-রাশি
 পঞ্চানন পঞ্চমুখে বর্ণিতে অক্ষম,
 তুমি যে গো মর্ত্যের সাকারা দেবী,
 স্বরগের পুণ্য প্রবাহিনী
 মন্দাকিনী ধারা । যে চরণে
 নতশির বিশাল ব্রহ্মাণ্ড,
 আজ জীবনদায়িনী দেবী
 জননী আমার !
 স্বার্থের সে কুহেলী আবেশে
 গোরবের নেকড়গু কেন চূর্ণ
 করিছ জননি ?

সুনন্দা ।

এখনো মায়ের আঞ্জা
 বিদলিতে সাধ ?
 যে পুত্রের জীবনের শত আকিঞ্চনে
 কত অশ্রুপাতে কত কামনায়
 বিশ্বের আঙ্গিনা মাঝে

জ্ঞান-শক্তি-শৌর্য্য-বীৰ্য্যে
 হ'ল জীবন প্রতিষ্ঠা মায়ের দানেতে,
 আজ সেই পুত্র চাহে কিনা
 কাঁদাতে তাহারে ।

মহীরথ । অনন্ত তোমার স্নেহ,
 অনন্ত তোমার দান,
 তব পাশে সন্তান যে
 চিরদিন ঋণী !
 কোনদিন কোন কালে
 কোন পুত্র পারে নাই মাতৃ-ঋণ
 করিতে পূরণ ।

টে চলে
 ম কিন্তু মাগো, সে ঋণের কি বিনিময়
 অপরের মর্মে দিতে ব্যথা ?
 ইহাই কি জননী শিখায় সন্তানে তার—
 অজ্ঞানের পথ হ'তে জ্ঞানের আলোকে ?
 তাহ'লে আদর্শ শিক্ষার অভাবে
 দেবভূমি আর্য্যবাস বিরাট ভারত
 যুগান্তরে মহাধ্বংসে
 হবে পরিণত ।
 চূর্ণ হবে মায়ের মন্দির ।

সুনন্দা । বুঝিয়াছি মহীরথ
 চাহ সদা মায়েরে কাঁদাতে !
 না—এ জীবনে কিবা প্রয়োজন !
 দেখ মহি, এই তীব্র বিষ

করিয়া ভক্ষণ তোমার সম্মুখে
 আজি তাজিব পরাণ । [বিষ বাহির করিল]
 মহীরথ । মা ! মা ! দাঁড়াও ক্ষণেক,
 ভেবে নিই কর্তব্য আমার,
 দেখে নিই বিচার-দর্পণে
 কেবা শ্রেষ্ঠ হয় মোর পাশে—
 মাতা—না মহত্ব !
 স্বার্থ না মানবত্ব ।
 সুনন্দা । ভেবে নাও, পক্ষকাল
 দিলুম সময়, মনে রেখো
 মায়ের বেদনাদীর্ঘ এই মুখখানি
 আর কর্তব্য তোমার ।

[প্রস্থান ।

মহীরথ । ভগবান্ !

ধীরে ধীরে মদনমোহনক্রোড়ে মঞ্জুলা আসিয়া দাঁড়াইল ।

মহীরথ । একি ? মঞ্জুলা, তুমি কখন এলে, নিবিষ্ট মনে কি দেখ্ছ ?

মঞ্জুলা । দেখ্ছি আমার নিম্প্রাণ মদনমোহন সুন্দর—না আমার সজীব মদনমোহন সুন্দর !

মহীরথ । চির সুন্দর তোমার ওই মদনমোহন ! ওকে প্রাণ ভ'রে দেখ, দেখ্বে কত তৃপ্তি—কত শান্তি—কত আনন্দ ! এ মদনমোহন যে উদ্ধাপিণ্ড—মরুক্ষেত্র ; কাছে এস না—কাঁদবে মঞ্জুলা ।

মঞ্জুলা । মহি—মহি—

মহীরথ । বন্বার কিছু নেই মঞ্জুলা—আমি তো বহুদিন পূর্বে তোমায় ব'লেছি । এখনো জীবনের শ্রোত ফিরিয়ে নাও বালা ! চির জীবন নয়ন জলে স্নেহের পথ সিক্ত ক'রে কেঁদ না মঞ্জুলা ! তুমি যাকে নিয়ে হাসবে, সে যে আজ কাঁদছে ।

মঞ্জুলা । আমিও কাঁদব—সেই আমার সর্বস্বথ—

মহীরথ । না—না, মঞ্জুলা, আমি তোমায় কাঁদতে দেবো না । তুমি জান না বালা, কত মর্মান্বিত বস্ত্রণা আমি বুকে সহ্য করছি ।

মঞ্জুলা । না—না, তুমি একটিবার বল কুমার, তুমি আমার ! এ জীবনের শ্রোত আর ফিরবে না । শত বাধা-বিপত্তি দলিত ক'রে সে শ্রোত যে ছুটে চলেছে কুমার ! বল—বল একটিবার বল—

মহীরথ ! না মঞ্জুলা ! আমি নিজেই নিজের ভার বহনে অক্ষম—তখন আর একজনের ভার কেমন ক'রে বহন ক'রবো মঞ্জুলা ? আমার স্বপ্ন—আমার স্মৃতি মুছে ফেলে ঐ মদনমোহনের ত্রীপাদ-পদে তোমার কামনার অর্ঘ্য নিবেদন কর, দেখবে—কত শান্তি—কত তৃপ্তি—কত আনন্দ । [প্রস্থান ।

মঞ্জুলা । কুমার—কুমার ! উঃ—কি নিষ্ঠুর তুমি কুমার ! যাও কুমার—শত উপেক্ষার পদ-দলনে আমায় দলিত করলেও আমি কিন্তু ছায়ার মত তোমার কাষার সঙ্গে সঙ্গে ঘুরে বেড়াব । দেখবো কতদিনে তুমি আমার চণ্ড ! মদনমোহন—মদনমোহন ! বল—বল দেব, তুমি আমার আশা পূর্ণ ক'রবে কি না ?

অনিলাক্ষ্যের প্রবেশ ।

অনিলাক্ষ্য । এই পাষণ দেবতার কি ক্ষমতা আছে, তোমার আশা পূর্ণ ক'রবে মঞ্জুলা ! তোমার সে আশা পূর্ণ ক'রবে অনিলাক্ষ্য—

মঞ্জুলা । রসনা সংযত ক'রে কথা কও অনিল ! দেখছি ক্রমশই তুমি ক্ষমার বাইরে গিয়ে দাঁড়াচ্ছ ! যাও—যাও, একি ! দাঁড়িয়ে রইলে যে ? যাবে না ?

অনিলাক্ষ্য । না—না ! আজ বহুদিনের সঞ্চিত আশার পূর্ণ ক'রবো । দেখবো কেমন ক'রে আজ তুমি অনিলের দুর্জয় কবল হ'তে পরিত্রাণ পাও ।

মঞ্জুলা । কি বলি নারকি ? জানিস্, এখনি তো'র স্বেচ্ছাচারের কণ্ঠরোধ হ'য়ে যাবে । এই দেখ পাপি—আমার কাছে কি মহাঅস্ত্র রয়েছে ।

অনিলাক্ষ্য । হাঃ-হাঃ-হাঃ ! ওতো একটা খেলার পুতুল ।

মঞ্জুলা । না—না মুখ ! এ যে অনন্ত শক্তিমান ভগবান্ ! পুতুল হ'লেও এর এই ক্ষুদ্র হৃদয়ে তোমার মত শত শত দানব দলনের শক্তি বিরাজিত ।

অনিলাক্ষ্য । বটে ! আচ্ছা, তবে তোমার পুতুলের শক্তির পরীক্ষা হোক । এস পাষণ দেবতা—দেখি তোমার শক্তি কতখানি ?

[মদনমোহনকে ধরিল]

মঞ্জুলা । ছেড়ে দাও—ছেড়ে দাও অনিল—করুছো কি ? এ যে দেবতার মূর্তি—পূজার সামগ্রী !

অনিলাক্ষ্য । পূজার সামগ্রী কি পদাঘাতের সামগ্রী অনিল তা ভাল-রকম ক'রে দেখবে । আজ তোমার মদনমোহনের মৃত্যু ।

মঞ্জুলা । ওগো মদনমোহন—ওগো জগন্নাথ—ওগো শক্তিমান ! তুমি একবার জেগে ওঠ ! তোমার পুণ্য অস্ত্র দানব যে আজ স্পর্শ ক'রেছে । তবু তুমি নড়ে উঠছো না—হুকার ছাড়ছো না—দানবকে কাঁপিয়ে তুলছ না ? ওঠ—ওঠ, জেগে ওঠ । অনিল—অনিল, ছেড়ে দাও ।

[ভীষণ বিষ্ফোরণ সুদর্শন চক্রকরে মদনমোহনের
আবির্ভাব ও চক্রের দ্বারা অনিলাক্ষ্যকে বধ
করিতে উচ্চত বিষ্ফোরণের সঙ্গে সঙ্গে
অনিলাক্ষ্যের মূর্ছা]

অনিলাক্ষ্য । ওঃ ! ওঃ !

[মদনমোহনকোড়ে মঞ্জুলার ক্রত প্রস্থান ।

[মদনমোহন মূর্তির অন্তর্দ্বান]

অনিলাক্ষ্য । [মূর্ছাভঙ্গে] উঃ ! দৈবশক্তি ! অনিলের শত শক্তি
আজ ব্যর্থ ক'রে দিলে ? আচ্ছা, আবার দেখবো—কত শক্তিমান ঐ
পাষণ দেবতা ! দর্পিতা রাজনন্দিনি ! মনে রেখো—অনিলাক্ষ্য তোমায়
সহজে ভুলবে না ! তোমার জন্ম যদি জীবন দিতে হয়, তাই দেবো—তবু
তোমায় চাই ! জানি না তোমার ওই উছলিত রূপ-লাবণ্যে অমরার কি
মধু সঞ্চিত আছে ।

[প্রস্থানোচ্চত]

সুনন্দার প্রবেশ ।

সুনন্দা । ব্যর্থ হ'ল অনিল !

অনিলাক্ষ্য । হ্যাঁ দেবি—অদ্ভুত দৈবশক্তি !

সুনন্দা । আচ্ছা, এখন যাও ! হ্যাঁ—কারণার হ'তে গোপনে
অগ্নিমিত্রকে মুক্ত ক'রে দাওগে ।

অনিলাক্ষ্য । সে কি ! সে যে আমাদের শত্রু !

সুনন্দা । প্রয়োজন হ'লে শত্রুকে আপনার ক'রে নিতে হয় ।
পাখী ধ'রতে হ'লে পাখীরই সাহায্য চাই । বিষে—বিষক্ষয় । এ মহাজন
বাক্য । সেই শত্রুর সাহায্যে শত্রু নাশ করতে হবে । কাঁটা দিয়ে

কাঁটা তুলতে ইবে । এ যে জগতের সত্য সিদ্ধান্ত । আর ঐ মেয়েটাকেও রাজপুরী হ'তে সরাতে হবে, কারণ ঐ মেয়েটাই মহীরথের মস্তিষ্ক বিকৃত ক'রে দিয়েছে । এখন যাও—

অনিলাক্ষ্য । যথা আজ্ঞা !

[প্রস্থান ।

সুনন্দা । জগতে চতুর্দিক হ'তে সুনন্দার কলঙ্কের ডঙ্কা বেজে উঠছে । কণ্ঠে কণ্ঠে অবিরাম কলঙ্কের কথা, বাতাস—সেও ছড়িয়ে দিচ্ছে—অথচ আমার সে দিকে ক্রক্ষেপ নাই ।

রাজমুকুটহস্ত মহীরথের প্রবেশ ।

মহীরথ । মা—মা, তুমি এখানে আছ ?

সুনন্দা । কেন বাবা ! তুমি এত ব্যস্তভাবে এখানে এলে ? কেন ঘন ঘন শ্বাস—সর্বাঙ্গ কেন কেঁপে কেঁপে উঠছে ? ওরে, বল—বল মহি, কোর কি হ'ল ?

মহীরথ । কিছু হয়নি মা—কিছু হয়নি ! এই নাও মা রাজমুকুট !

[পদতলে স্থাপন]

সুনন্দা । একি । রাজমুকুট ? কোথায় পেলি মহি ?

মহীরথ । খুল্লতাতে নিকট হ'তে নিয়ে এলাম ।

সুনন্দা । সে কি ? এত সহজে মুকুট দিলে ?

মহীরথ । দিলে । এইবার তোমার আজ্ঞা আমি অক্ষরে অক্ষরে পালন ক'রেছি । তোমায় স্মৃথী ক'রেছি । এইবার হিংসার যজ্ঞানল নিভিয়ে দাও । কি ব'লবো মা ! তোমার জন্ত—তোমার গুহমুখে হাসি ফুটিয়ে তুলতে খুল্লতাতে কাছে ছুটে গিয়ে বল্লুম আমি রাজ্য চাই—এ রাজ্য আমার ।

সুনন্দা । তারপর মহি ?

মহীরথ । তারপর খুল্লতাত আনন্দে আত্মহারা হ'য়ে এই রাজমুকুট আমায় পরিয়ে দিলে । কিন্তু ওগো পাষণি ! এ রাজমুকুট পুত্র তোমার আর মাথায় পরবে না—তুমি নাও ! যে রাজ্য রাজমুকুটের জন্ম তোমার সুবিমল মাতৃহৃৎকু বিষাক্তময় ক'রে তুলেছ, সেই রাজ্য—সেই রাজসিংহাসন এখন তোমার । তুমি এখন তৃপ্তির নিশ্বাস ফেল ।

সুনন্দা । আর তুই ?

মহীরথ । আমি ? হাঃ-হাঃ-হাঃ ! আমি এখন সৃষ্টির স্বতন্ত্র । আমি পারবো না মা—ওই রাজমুকুট মাথায় নিয়ে কোলাপুরের সিংহাসনে ব'সতে । বজ্রাঘাত হবে আমার মাথায়—সিংহাসনটা কেঁপে উঠবে—রাজদণ্ড হাত হ'তে খ'সে পড়বে । আমি পাপের উৎসবে জন্মগত মর্যাদার দাবী ত্যাগ ক'রে রাজা হবে না । আমারও বিদায় !

সুনন্দা । সেকি মহি ? তুই আমার পুত্র । তুই যে এখন রাজা ।

মহীরথ । হাঁ—হাঁ ? এরূপ হীনভাবে রাজ্য লাভের ছরাকাক্ষা পুত্রের পিতৃকুলের নয় মা ! এরূপ হীনভাবে রাজ্যলাভ বোধ হয় তোমার পিতা পিতামহেরই জন্মগত নীতি ।

[প্রস্থানোত্তত]

সুনন্দা । মহি—মহি ! কোথা যাস্ আমায় কাঁদিয়ে ?

মহীরথ । পরকে কাঁদাচ্ছে, আর নিজে কাঁদবে না ।

[প্রস্থান ।

সুনন্দা । মহি—মহি ! ওরে কে আছিস মহীকে আমার ফেরা—ওষে আমার বুকখানা ভেঙ্গে দিয়ে যায় ।

[প্রস্থান ।

তৃতীয় দৃশ্য ।

গিরিধারীর বহির্বাটী ।

প্রদীপের হাত ধরিয়া গিরিধারীর প্রবেশ ।

গিরিধারী । বেশ ভদ্রলোকের মত কথা কইবে বাপধন ! যা যা জিজ্ঞেস ক'রবে, বেশ কোকিলের মত মিষ্টি স্বরে উত্তর দেবে । এখনি তারা দেখতে আসবে ।

প্রদীপ । সত্যি বাবা, তাহ'লে আমার বিয়ে হবে ?

গিরিধারী । নিশ্চয়ই হবে । আর তোমার বিয়ে না হ'লে রক্ষা আছে ? কোন্‌দিন আফিং খেয়ে ব'সবে—না হয় গলায় দড়ি দেবে—আর না হয় বিবাগী হ'য়ে চ'লে যাবে ।

প্রদীপ । মাইরি ! তাই নাকি বাবা ? ভেলা মোর কুঁজোরাম বাবারে—বেড়ে তোমার সৌখীন কুঁজ ! আরও গোটা পাঁচ ছয় কুঁজ তোমার যেখানে সেখানে হোক ।

গিরিধারী । তাহ'লে তুমিও মনের আনন্দে গদাগম—গদাগম ক'রে ধুন্তে আরম্ভ ক'রে দাও ।

প্রদীপ । দেখ বাবা ! মাইরি আমি তোমার সঙ্গে ইয়ারকি করিনি । দেখ, বিয়ে হ'য়ে গেলে গিনি সোনা দিয়ে তোমার কুঁজটা বাধিয়ে দেবো ।

গিরিধারী । আহা-হা সাধ ক'রে কি আর তোমায় ভালবাসি বাপধন ! আ-হা-হা ! আমার মা যষ্টীর টাটকা নমুনা ! দেখ ধন ! এখন তোমার ওই সখের গৌফ জোড়াটি খুলে ফেল । মেয়ের বাপ দেখলে ব'লবে কি ?

প্রদীপ । চোপরাও কুঁজোরাম ! গৌফ আমি কিছুতেই খুলবো না !

গিরিধারী । আরে তারা ব'লবে কি ?

প্রদীপ । কি ব'ললে ? ব'লবে মাঝবো ঘুসি ।

গিরিধারী । তাহ'লে বিয়েও তোমার শিকেয় উঠবে । তাইতো, ব্যাটার ছেলের গৌফ নিয়েও ত মুন্সিলে পড়লাম । হায়-হায়-হায় ! ভদ্রলোকেরা মনে ক'রবে কি ?

প্রদীপ । গৌফ নেহি খোলেছে ।

গিরিধারী । যাক্—যা হয় ক'রে সেরে নিতে হবে । দেখ বাপধন ! তোমায় তারা ডাক ধ'রে হাতের লেখা দেখতে চাইবে—সাবধান ! বেশ বুঝে স্নেহে উত্তর দেবে—লেখবার সময় বেশ ধ'রে ধ'রে লিখবে । কাকের ছাঁ—বকের ছাঁ যেন লিখে ব'সো না ।

প্রদীপ । হাঁ বাবা ! কি ডাক ধ'বে ? ডাক ধ'লেইতো হয়েছে । লেখাটা না হয় কোন রকমে হবে ।

গিরিধারী । সচরাচর যে ডাকগুলো ধরে, সে গুলো গোটাকতক শিখে রাখ বাপধন ! নইলে সব মাটি হ'য়ে যাবে । ছ'সিয়ার, যেন ভুলে যেও না ।

প্রদীপ । না—না, বল শিখে রাখি ।

গিরিধারী । ধর, যদি বলে জলধর মানে কি ?

প্রদীপ । ছ'—জলধর মানে ভারি শক্ত ! জলধর মানে ঘড়া ঘটা গাডু ।

গিরিধারী । চমৎকার মাথা ! ওরে আহান্নক—জলধর মানে—দূর ছাই আমিও যে ভুলে যাচ্ছি—জলধর মানে—ডাব তরমুজ ।

প্রদীপ । আচ্ছা, আর একটা শিখিয়ে দাও ।

গিরিধারী । যদি জিজ্ঞাসা করে চতুষ্পদ মানে কি বাপধন ! কি ব'লবে ?

প্রদীপ । কেন—চতুষ্পদ মানে চৌকী ।

গিরিধারী । দূর মুখা ! চতুষ্পদ মানে হ'চ্ছে—ধরনা কেন—
তক্তাপোষ ! যাক্, আর শেখাবার সময় নেই । যাও, তুমি একটু
ফিটফাট হওগে ।

প্রদীপ । বহুত আচ্ছা ! বেঁচে থাক বাবা কুঁজোরাম ! কুঁজ তোমার
সোনা না হ'য়ে যায় না ।

[প্রস্থান ।

গিরিধারী । ছেলে আমার খাঁটি ইম্পাত—খুন-খারাপি রং ! বলি
ও গিন্নি—বলি ও ষণ্ডেশ্বরী

ষণ্ডেশ্বরীর প্রবেশ ।

ষণ্ডেশ্বরী । কেন গা ? ষাঁড়ের মত অত না চেঁচালে কি হয় না ?
বল আমি শুনে কৃতার্থ হই ।

গিরিধারী । দেখ, প্রদীপকে তো আজ দেখতে আসবে—পাঁচ
রকম রান্না-বার্না যেন হয় । ভদ্রলোকেরা যেন নিন্দে ক'রে যায় না ।

ষণ্ডেশ্বরী । নিন্দে ক'রে বাবে কেন ? আমার হাতের রান্না খেলে
কি তারা ভুলবে ? আহা—আমার প্রদীপের বিয়ে হবে । হ্যাঁগা, খুব
ঘটা ক'রবে ত ?

গিরিধারী । নিশ্চয় । সবে ধন নীলমাণ ! তার বিয়েতে ঘটা
হবে না ? দেখবে দেখবে গিন্নি—কত কাণ্ড হবে । তবে কি—দেখ,
আহাম্মক ব্যাটা গৌফ জোড়াটা যে ফেলতে চায় না । তার কি
উপায় করছে ?

ষণ্ডেশ্বরী । তাহতো গা । ছেলের কি বিদ্যুটে সখ । বয়স হ'লেই
আপনিই তো গৌফ উঠবে । ছেলেমানুষি বুদ্ধি কিনা ?

তৃতীয় দৃশ্য ।]

দশভূজা

গিরিধারী । না নয় গিন্নি—তা নয় ! সেদিন তো চোখের সামনে দেখলে মালিনী বেটি কি ব'লে গেল ! তোমার হার ছড়াটা চুরির মতলবে ছিল ।

ষণ্মুখরী । যাক, শত্রুর মুখে ছাই দিয়ে এখন ভালয় ভালয় বিয়েটা হ'য়ে গেলেই হ'ল । যাই এখন রান্না-বারান্না যোগাড় যস্তর করিগে ।

[প্রস্থান ।

গিরিধারী । ছেলের বিয়েতো হবে । কিন্তু এত দিনের পর রাজ-বাড়ীর চাকরীটা যায় দেখছি । অনেক দিন রাজ-বাড়ীর ভাণ্ডারীর কাজে নিযুক্ত ছিলাম । হায়-হায়-হায়—সেই চামড়াইনী বড় রানী মাগী বে রকম কড়া নজর দিতে ব'সেছে, তাতে আর কাজ থাকে না ব'লেই হ'ল । আর বাড়ীতে যে রকম কাণ্ড উপস্থিত হ'য়েছে—তাতে একটা কিছু না হ'য়ে আর যায় না । ফাটুক না ফাটুক তাতে কিছু এসে যায় না ; কিন্তু শেষকালে যেন আমার কুঁজটি না ফাটে । দেখি, একটু রান্না পানে গিয়ে, ভদ্রলোকেরা এখনো আসছে না কেন ?

বেশভূষা করিয়া প্রদীপের প্রবেশ ।

প্রদীপ । বাবা ! বাবা ! এই দেখ বাবা ! কেমন সেজেছি । মানিয়েছে তো ?

গিরিধারী । বাঃ-বাঃ-বাঃ ! বেশ সেজেছ—চমৎকার মানিয়েছে—আহা-হা, ঠিক যেন কার্তিক—তবে কি, ময়ূর নেই এই যা ।

প্রদীপ । তবে তুমি ময়ূর হও বাবা ! আমি তোমার উপর চড়ি ।

গিরিধারী । গে কি ! আমি ময়ূর হব কি ? আমার উপর চড়বি কি ?

প্রদীপ । আলবৎ তোমার পিঠে চড়বো । হও বলছি তুমি ময়ূর ।

দশভূজা

[তৃতীয় অঙ্ক ।

গিরিধারী । ওরে বাবারে, ময়ূর হবো কি রে ? ময়ূরের কথা
ব'লে কি সর্বনাশ ক'রলাম বাবা ।

প্রদীপ । চোপরাও, শিগগীর ময়ূর হও—নইলে তোমার কুঁজ
ফাটাবো । মাইরী কাটাবো—ফাটালাম—ফাটালাম—জলদি ময়ূর হও ।

গিরিধারী । ওরে বাবারে, একি ছেলে হয়েছে বাবা ! একে পিঠ
ভক্তি বুদ্ধির ফোড় ।

প্রদীপ । কি ময়ূর হবে না ।

[গিরিধারীর পিঠে উঠিল]

গিরিধারী । উ-ছ-ছ—কুঁজে লাগুছেরে ব্যাটা ! কুঁজে বেজায়
লেগেছে । কক্—কক্—ক্যাক্ ।

[প্রদীপকে পিঠে করতঃ প্রস্থান ।

চতুর্থ দৃশ্য ।

কক্ষ ।

সুরথের হাত ধরিয়া গাহিতে গাহিতে

সিন্ধেশ্বরীর প্রবেশ ।

গীত ।

সিন্ধেশ্বরী ।—

কেন কাঁদিয়া কাঁদাও আমারে,

ওরে আমার অবোধ ছেলে ।

মায়ের পরাণ কেমন করে,

মা যে ভাসে নয়ন জলে ॥

মায়ের কাছে আসিস্ যখন,

ভয় কিরে তোরা আছে তখন,

ধরায় যদি প্রলয় ঘটে,

আকাশ হ'তে অনল ছোটে,

মনের স্থখে থাক্বে ছেলে

ওরে মায়ের অভয় কোলে ॥

সুরথ । অশ্রু যে আর রাখতে পারি না মা ! বলতো বলতো বেটা আমার কি হ'ল ? আমার চাঁদের হাট যে ভেঙ্গে গেল ! ওঃ ! বুকে যে আর যন্ত্রণা সহ ক'রতে পার্ছিনে সিন্ধেশ্বরী ! [উপবেশন] দে—দে তো মা, আমার বুকটায় একটু হাত বুলিয়ে ।

সিন্ধেশ্বরী । দিই বাবা । [হাত বুলাইতে লাগিল]

সুরথ । আঃ ! আঃ ! কিন্তু আবার যে জ্বলে উঠছে । ওই ! ওই ! কোলাপুরের চতুর্দিকে আকাশে বাতাসে ধ্বংসের ভেরী বাজছে ।

গেল—গেল আমার সব গেল ! মহীরথ আমার চ'লে গেছে । ওরে কার উপর অভিমান ক'রে তুই চ'লে গেলি বাবা ! আমার সংসারের কুসুমিত কাননের মুক্ত আনন্দ ! ওরে আমার স্নেহের জীবন্ত প্রতিচ্ছবি—ওরে আমার বংশের ছলল—জ্যেষ্ঠের স্মৃতি ! আয়—আয়, ফিরে আয়—
সিদ্ধেশ্বরী । তুমি কেঁদো না বাবা !

সুরথ । তুই যে আমায় কাঁদাচ্ছিস্ মা, আর আমি কাঁদবো না ?

গীতকণ্ঠে উমানন্দের প্রবেশ ।

গীত ।

উমানন্দ ।—

ও যে কাঁদাতে বড় ভালবাসে ।
কাঁদাবার ছলে কত বেশে আসে ॥
দূরে বা অদূরে থাকিয়া,
কত যে মুরতি ধরিয়া,
ছলনার জালে জড়িত করিয়া
হাসে ও পাষণী—হাসে ॥
তবু যে বিশ্ব ওরি তরে হার,
হইয়া পাগল ঘুরিয়া বেড়ায়,
মা—মা—মা ডাকে অবিরাম,
যোত ও মায়েরি পাশে ॥

[প্রঃ ন ।

সুরথ । সত্যই কি মা তুই আমায় কাঁদাতে এসেছিস্ ? সত্যই তোমার পুত্রকে কাঁদাবার এত সাধ ? তবে কাঁদা আমায় ! আমি কেবল কাঁদি—
আর তুই হাস ।

সিদ্ধেশ্বরী । কি ব'ল্ছো তুমি বাবা ?

স্বরথ । হ্যাঁ হ্যাঁ, ভুলে যাচ্ছি! উঃ! একি ক'ম্লে ভগবান্ ।
 স্বরথ তো একটা দিনও তোমার কাছে কোন অপরাধ করেনি, তার
 আজীবনের সমস্ত কামনার পুষ্পাঞ্জলি তোমারি শ্রীচরণে অর্পণ ক'রে
 এসেছে । তবে আজ কেন তাকে মহাপরীক্ষার—ঘূর্ণিপাকে ফেলে
 কাঁদাচ্ছে? চল্ চল্ মা—আমরা এখান হ'তে এখনি পালিয়ে যাই
 চল্ । দেখিস্না এখানকার বাতাস বিষাক্ত হ'য়ে উঠেছে? পিশাচী তাণ্ডব
 নৃত্য জুড়ে দিয়েছে । অনাচার সে এখানকার রাজা । চল্—চল্, আমার
 শ্বাস যে রোধ হ'য়ে আসছে । ওঃ—ওঃ—স্বরথের অদৃষ্টের কি পরিণতি ।
 ওই আমার রাজ্যবাসী প্রকৃতিপুঞ্জ কাঁদছে—আমিও কাঁদছি—আর
 কাঁদছে—

মাধবিকার প্রবেশ ।

মাধবিকা । আমি ! আমি ! আমিও কাঁদছি মহারাজ ।

স্বরথ । কে রাণী? রাণী? কি জন্তু তুমি আবার পিত্রালয় হ'তে
 ধূ-ধুময় শ্মশানের বুক ফিরে এলে রাণি? যাও—যাও, আর এক
 মুহূর্ত এখানে থেকে না । ওই যেন আমার সোনার রাজ্য দাউ দাউ
 ক'রে জ্বলে যাচ্ছে—ঐ দেখ চতুর্দিকে পিশাচগুলো তাণ্ডব নৃত্য
 জুড়ে দিয়েছে—আর এই দেখ রাণি, পাহাড়ের মত আমার বুকখানা
 আজ ওঃ—রাণি মহীরথ আমার চ'লে গেছে ।

মাধবিকা । সবই শুনেছি রাজা! শুনে অশ্রু যে আর রাখতে
 পারছি নে । উঃ! রাজা! মহী যে আমার বুকের রক্ত ছিল । আমি
 যে তাকে শৈশব হ'তে কত স্নেহ দিয়ে মানুষ ক'রেছিলুম ।

স্বরথ । না—না, আমরা তার কেউ নয় রাণি! কেউ হ'লে
 সে কি এতখানি নির্মম হ'য়ে আমাদের ছেড়ে চ'লে যেত?

মাধবিকা । চল রাজা, তবে আমরাও এখান হ'তে চ'লে যাই চল । এই মরু বৃকে আর থাকতে পারবো না । যাক্ রাজ্য ঐশ্বর্য সম্পদ, আমরা সেই বনের মাঝে মহীরথকে বৃকে ক'রে স্বর্গের আনন্দ উপভোগ ক'রবো ।

সুরথ । কিন্তু রাজ্যভার কাকে দিয়ে যাব ? বড় আশা ছিল রাণি, বার্কিকোর প্রথম সোপানে উপস্থিত হ'য়েছি—এইবার মহীরথের হাতে রাজ্যভার তুলে দিয়ে বানপ্রস্থ অবলম্বন ক'রবো । কিন্তু ভগবানের ইচ্ছা তো তা নয়, তিনি চান সুরথকে কাঁদাতে ।

মাধবিকা । আমি যাই রাজা ! দিদির পা-দুটো জড়িয়ে ধ'রে বুঝিয়ে বলিগে ।

সুরথ । না যেও না রাণি, কোন ফল হবে না । তোমার ওই অনুযোগের অশ্রুজল ব্যর্থ হ'য়ে যাবে । সে টলবে না—তার হৃদয়ে মায়া-মমতা নেই । সে এখন স্বার্থের মদিরা পান ক'রে রক্ত লালায়িতা উন্মত্তা রাক্ষসী ।

সুনন্দার প্রবেশ ।

সুনন্দা । সত্যই তাই ! সত্যই আমি রক্ত লালায়িতা উন্মত্তা রাক্ষসী । কিন্তু এমন ছিলাম না রাজা । হ'য়েছি মাত্র তোমারি জন্ত ।

সুরথ । আমারি জন্ত ।

সুনন্দা । হ্যাঁ তোমার জন্ত ! তুমিই পক্ষপাতের সৃষ্টি ক'রলে—একটা অপরিচিতা মেয়েকে কণ্ঠানির্বিশেষে লালন পালন ক'রে । তোমার ইচ্ছা সেই কণ্ঠার বিবাহ দিয়ে জামাতাকে ভবিষ্যতে সিংহাসন প্রদান ক'রবে । কিন্তু—

সুরথ । না দেবি, তা নয়, মঞ্জুলা অজ্ঞাতকুলশাল নয় । সে যে

ভূতপূর্ব কোলাপুরের মন্ত্রিকণা—মন্ত্রী মৃত্যুকালে সেই পঞ্চম বর্ষীয়া বালিকাকে আমার হাতে তুলে দিয়ে যায়। আমিও তাঁর অস্তিত্বের শেষ অনুরোধ এড়াতে না পেরে তার লালনপালনের ভার নিয়েছি। মঞ্জুলা এখন বয়স্কা—ইচ্ছা ছিল তার সঙ্গে মহীরথের বিবাহ দিয়ে—

সুনন্দা । না—না, সব মিথ্যা—সব মিথ্যা । আমি তোমার ওই মিথ্যা প্ররোচনায় আর ভুলবো না । উঃ ! তুমি কি কুটিল রাজা ! মহীরথকে রাজমুকুট দিয়ে কোণলে তাকে রাজ্য হ'তে বিতাড়িত করলে ?

সুরথ । ওঃ—ওঃ—বজ্রপাত ! বজ্রপাত ! ওরে—ওরে কে আছিস—কে আছিস, একখানা অস্ত্র আমায় এনে দে । আমার যত পাপ হয় হোক—তবু আমি নারীহত্যা ক'রবো ! রাক্ষসীর নিশ্চয়মতার বক্ষখানা কুচি কুচি ক'রে ফেলবো । ওঃ—রাণি ! [অবসন্নভাবে উপবেশন]

মাধবিকা । প্রকৃতিস্থ হও রাজা ! দিদি ! দিদি ! তুমি কি বলছ দিদি ? তুমি কি জান না মহীরথ আমাদের কে ? আমাদের সমস্ত আশা-ভরসা যে একমাত্র সেই মহীরথ । ওগো দেবি ! তুমি আমাদের আর কাঁদাইও না । সব নাও—তুমি আমাদের সব নাও ; কিন্তু মহীকে আমাদের বুক ছাড়া ক'রো না ।

সুনন্দা । যাও—যাও রাজরাণি ! আর মায়ায় অভিনয় দেখাতে হবে না । এই নাও রাজা রাজমুকুট । [ভূমিতে স্থাপন] নেবো—নেবো একদিন ঐ রাজমুকুট—দেখবো তোমার স্বার্থপরতা কতখানি ।

সুরথ । বটে—বটে ! এতখানি তুমি অকরণ ? তোমার কঠোরতার পদতলে সহস্র ব্যথার অশ্রুধারা চলে দিচ্ছি ; তবু তুমি একটীবারও ফিরে চাইবে না ? উঃ ! তোমার কি প্রতিহিংসার উদ্ভাসনা । শোন—শোন রাক্ষসি ! তুমি যতখানি পার, তোমার স্বেচ্ছাচারিতা দেখাও—মনে রেখো, সুরথ রাজা—তারও শক্তি আছে—সামর্থ্য আছে । এবার

সে স্নেহরেখা অন্তর হ'তে মুছে দিয়ে কঠোর—কঠোর হবে । তার গায়দণ্ড তুলে ধরবে । এই, কে আছি? যেখানে পাস্, মহীরথকে বন্দী ক'রে নিয়ে আয় । আমি তাকে এই রাক্ষসীর সম্মুখে কঠোর দণ্ডে দণ্ডিত ক'রবো ; দেখি—এই মায়াহীন রাক্ষসীর উৎকট আকাজক্ষা চূর্ণ-বিচূর্ণ হয় কি না । বন্দী ক'রে আন্—বন্দী ক'রে আন্ মহীরথকে ।

[উন্মত্তবৎ প্রস্থান ।

মাধবিকা । রাজা! রাজা! একি, উন্মত্তের মত কোথা যাও ?
দাঁড়াও—প্রকৃতিস্থ হও ।

[প্রস্থান ।

সিন্ধেশ্বরী । মা! মা!

[প্রস্থান ।

সুনন্দা । কি! কি! আমার পুত্রকে তুমি দণ্ড দেবে রাজা? এতখানি তোমার সাহস? দাঁড়াও—দাঁড়াও, স্বার্থপর নিষ্ঠুর রাজা! আবার মহাপ্রলয়ের বিভীষিকা নিয়ে সুনন্দা জেগে উঠবে । ধবংস—ধবংস—কোলাপুরের ধবংস । অনিলাক্ষ্য! অনিলাক্ষ্য!

অনিলাক্ষ্য । কি আদেশ মহারাজি ?

অনিলাক্ষ্যের প্রবেশ ।

সুনন্দা । শুনেছ অনিল! মহারাজের কি আদেশ? মহীরথকে বন্দী ক'রবার আদেশ দিয়েছে । আমার সম্মুখে তাকে কঠোর দণ্ডে দণ্ডিত ক'রবে । না—না, আমি তা সহ করতে পারবো না । তুমি অবিলম্বে হৈহয়-সেনাপতি অগ্নিমিত্রকে সহায় ক'রে সুরথের সঙ্গে যুদ্ধ ঘোষণা কর, কিম্বা কৌশলে তাকে বন্দী কর । উঃ, কি সাহস! আমার পুত্রকে চায় দণ্ড দিতে ?

অনিলাক্ষ্য । যথাদেশ । অগ্নিমিত্রকে কৌশলে কারাগার হ'তে মুক্তি দিয়েছি, সে এখন আমার বিলাস-কুঞ্জে অবস্থান ক'রছে । আর তার ভাই উতক, সেও বন্দী ।

সুনন্দা । সে কি অনিল ?

অনিলাক্ষ্য । আমি যখন হৈহয়-সেনাপতিকে কারাগার হ'তে মুক্ত ক'রে দিতে যাই, সেই সময় তার ভাই উতকও সেখানে তার জ্যেষ্ঠ ভ্রাতাকে মুক্তি দেবার জন্য উপস্থিত হয় ; হৈহয়-সেনাপতির অনুরোধে উতককে বন্দী ক'রলুম ।

সুনন্দা । যাক্ । এখন রাজ-অনুচরেরা মহীরথকে যাতে বন্দী করতে না পারে, তার জন্য বিশেষভাবে চেষ্টা ক'রবে । আর রাজকুমারী যাতে শীঘ্র শীঘ্র এখান হ'তে অপহৃত হয়, তারও প্রতি দৃষ্টিপাত ক'রবে । মনে রেখো—তোমার উজ্জল ভবিষ্যৎ ।

[প্রস্থান ।

অনিলাক্ষ্য । আমার উজ্জল ভবিষ্যৎ ! হাঃ-হাঃ-হাঃ ! দাঁড়াও রাক্ষসি ! আমিও তোমার জন্য মৃত্যুবাণ প্রস্তুত করছি ।

[প্রস্থান ।

পঞ্চম দৃশ্য ।

পুষ্পোত্তান ।

মদনমোহনহস্তে গীতকণ্ঠে মঞ্জুলার প্রবেশ

গীত ।

মঞ্জুলা—

তুমি পাবাণ হ'য়েছ কেন গো,

কেন কাঁদাও আমারে অনিবার ।

আমি কতকাল আর নিরালার পথে

কাঁদিয়া ঢালিব অশ্রুধার ॥

যার তরে আমি কত মালা গাঁধি,

সে যে হয় মোর পরাণের সাধা,

কেন সে কাঁদায়ে চ'লে গেল ওগো

কি দোষ করিছু চরণে তাঁর ॥

মঞ্জুলা । মহীরথ চ'লে গেছে ! কোথায় গেছে ? মদনমোহন !
তুমি একি ক'রলে ? না—না, আর তোমায় রাখবো না । চল, যেখান
হ'তে তোমায় এনেছি, সেইখানে তোমায় রেখে আসিগে । তুমি
বড় নিষ্ঠুর ! এত ক'রে তোমায় পূজা ক'রলুম, তবু তুমি আমার কামনা
পূর্ণ করলে না ?

সিন্ধেশ্বরীর প্রবেশ ।

সিন্ধেশ্বরী । দিদিমণি ! দিদিমণি ! বলি শুন্ছ গা ?

মঞ্জুলা । কি ভাই সিন্ধি ?

সিদ্ধেশ্বরী । এই মদনমোহন ঠাকুরটা কার জান ? এটা হচ্ছে সেই শান্তশীল ঠাকুরের কুলদেবতা । ঠাকুর একদিন রাগ ক'রে এই মদনমোহন প্রভুকে নদীর ধারে ফেলে দিয়ে এসেছিল, আবার এখন রাগ ঠাণ্ডা হ'য়ে গেছে, ঠাকুর এখন মদনমোহনের জন্তু পাগল হ'য়ে পড়েছে । একদিন ফুল তুলতে গিয়ে তাকে আমি ব'লে এসেছি যে, আমার দিদিমণির কাছে একটা মদনমোহন ঠাকুর আছে ।

মঞ্জুলা । কেন বললি ?

সিদ্ধেশ্বরী । ওমা ! ও কথা পেটে কি ক'রে চেপে রাখবো গা ? দেখ, শান্তঠাকুরের মদনমোহন—চল, শান্তঠাকুরকে দিয়ে আসিগে । আহা, বেচারী ঠাকুরের জন্তু পাগল হ'য়ে উঠেছে ।

মঞ্জুলা । কিন্তু সিদ্ধি ! তুই জানিস্ নে, আমি যে একে কত ভালবেসে ফেলেছি । কি ক'রে এঁকে আর বুক হ'তে নামাব ?

সিদ্ধেশ্বরী । ওমা—দিদিমণি ! তুমি ব'ল্ছো কি ? পরের ঠাকুর চুরি ক'রে রাখবে ? দাঁড়াও, সবাইকে ব'লে দিচ্ছি । ভাল চাও ত চল ঠাকুরটাকে দিয়ে আসিগে ।

মঞ্জুলা । তাই চল্ সিদ্ধি ! আর এ মদনমোহনের সেবার কাজ নেই । এত যত্ন—এত সেবাতেও যখন পাষণ গলে না, তখন আর এ পাষণ বুকে রেখে লাভ কি ? চল ।

সিদ্ধেশ্বরী । এস ।

[উভয়ের প্রস্থান ।

শান্তশীলের প্রবেশ ।

শান্তশীল । ওই না—ওই না আমার মদনমোহনের বাঁশ্চি বাজছে ? ওই না তার চরণের নূপুর নিকণ ? কই—কই, আমার মদনমোহন

কই ? বালিকা তো ব'লেছিল, রাজকুমারী আমাদের মদনমোহনের পূজা করে । কিন্তু কাকে জিজ্ঞাসা করি—কে সন্ধান দেয়—রাজকুমারীই বা কোথায় থাকে ? তাই তো মদনমোহন ! মদনমোহন ! তুমি যেখানেই থাক, আমায় সাড়া দাও প্রভু ! আমি যে তোমার জন্ম ব্যাকুল হ'য়ে পড়েছি । উতক্লও তার দাদাকে মুক্ত ক'রে ফিরলো না । সে থাকলে না হয় অনেকটা কিনারা হ'ত । উঃ—মদনমোহন ! তোমার জন্ম আমি কত কষ্ট পাচ্ছি, তুমি তা দেখতে পাচ্ছ না ? এতই বা রাগ কিসের ? এস—এস, কাছে এস । বটে, রাজভোগ খাওয়ার জন্ম এত তোমার লোভ ? উঃ ! আর দাঁড়াতে পারছিনে, তিনদিন জল স্পর্শ করনি, প্রতিজ্ঞা ক'রেছি—মদনমোহনকে না পেলে আর জলগ্রহণ করছি না ; উঃ আর যে চ'লতে পারছিনে এইখানে একটু বসি, কাউকে যদি দেখতে পাই—না হয় জিজ্ঞাসা ক'রবো আমার মদনমোহনের কথা । [উপবেশন]

সহসা নৃত্যগীতসহকারে মদনমোহনের প্রবেশ

গীত ।

মদনমোহন—

বাঁশীতে দিই ফুঁ বাঁশী কেন বাজে না ?
 বাজে না বাজে না কেন বাঁশী বাজে না ?
 কত যে সাধা বাঁশী, কেন গো বাজে না,
 বাজ তো বাজ বাঁশী,
 কেন হে উদাসি,
 বাজাতে ভালবাসি তোমারে ওরে বাঁশি,
 বাজ না বাজ না কেন হে বাজ না ?

মদনমোহন । কে মশাই আপনি এখানে ঘাপ্টি মেয়ে ব'সে আছেন ?

শাস্ত্রশীল । ওহে ছোকরা বলতে পার—

মদনমোহন । চট ক'রে ব'লে ফেলুন মশাই, আমার দাঁড়াবার সময় নেই, বলুন ।

শাস্ত্রশীল । আচ্ছা, তুমি কি রাজবাড়ীর কোন খবর ব'লতে পার ?

মদনমোহন । আমি কি মশাই রাজবাড়ীর গোয়েন্দা, যে খবর ব'লবো ? কেন, রাজবাড়ীর খবরে আপনার কি দরকার মশাই ?

শাস্ত্রশীল । দেখ ছোকরা, শুনলাম—

মদনমোহন । চট ক'রে ব'লে ফেলুন—

শাস্ত্রশীল । একটু দাঁড়াও । মর্মের কথা ব'লতে একটু সময় নেবে । দেখ, রাজবাড়ীতে মদনমোহন ব'লে কোন ঠাকুর আছে ? শুনলাম, রাজকুমারী মদনমোহন ঠাকুরের পূজা করে,—আমি একবার সেই মদনমোহন ঠাকুরটিকে দেখবো !

মদনমোহন । কেন মশাই ?

শাস্ত্রশীল । দেখ, আমার এক মদনমোহন ছিল, কিন্তু কি ব'লবো ছোকরা—আমি তাকে তেলায় হারিয়েছি ।

মদনমোহন । এখন বোধ হয় তেলায় পড়েছেন ?

শাস্ত্রশীল । হ্যাঁ—তাই । এখন তার জন্ম আহাৰ নিজা ত্যাগ ক'রেছি । দিবারাত্র তারই জন্ম কত কাঁদছি—কত কাতরকণ্ঠে তাকে ডাকছি—ওঃ ! সে যে আমার কত প্রিয় ছিল ! বালক ! তুমি জান না, আমি তাকে কত ভালবাসতুম । যদি তুমি কিছু জান, আমায় বল, আমি তোমায় আশীর্বাদ ক'রবো ।

মদনমোহন । শুনেছিলাম বটে, রাজকুমারীর একটা মদনমোহন না বংশীবদন ঠাকুর ছিল ; কিন্তু ক'দিনে হ'ল মদনমোহন রাজপুরী

দশভূজা

[তৃতীয় অঙ্ক ।

হ'তে পালিয়ে গেছে, এখন আমিই রাজকুমারীর মদনমোহন হ'য়ে আছি ।

শান্তশীল । সে কি ? তুমিই তার মদনমোহন ? না—আমার সঙ্গে তুমি উপহাস করছ ।

মদনমোহন । সে কি মশাই ! আমার কথায় আপনার বিশ্বাস হ'চ্ছে না ? কেন, আমি কি মদনমোহন হ'তে পারিনি ? আমায় কি দেখতে খুব খারাপ ?

শান্তশীল । তা নয়. তবে কি জান ছোকরা—সে যে ভগবান মদনমোহন ।

মদনমোহন । ইস্—ভগবান মদনমোহন ! রাখুন মশাই আপনার ভগবান মদনমোহন । আমি চল্লুম ।

[প্রশ্নানোত্ত ।

শান্তশীল । একটু দাঁড়িয়ে যাও—

মদনমোহন । বলুন ।

শান্তশীল । তুমিই রাজকুমারীর মদনমোহন ?

মদনমোহন । যদি আপনার বিশ্বাস না হয়, কি ক'রবো বলুন ?

শান্তশীল । আমার মদনমোহন কোথায় গেছে ?

মদনমোহন । বোধ হয় উড়ে টুরে গেছে ।

শান্তশীল । তাহঁতো ছোকরা, তুমি যে আমায় বড় ভাবিয়ে তুললে ।

মদনমোহন । আপনি এখন ভাবতে থাকুন, আমি চল্লুম ।

[প্রশ্নান ।

শান্তশীল । ওহে ছোকরা, শুনে যাও—শুনে যাও ; চ'লে গেলে ? তাহঁত আর কাকে জিজ্ঞাসা করিও মদনমোহন—মদনমোহন, ওঃ ! তুমি বড় নিষ্ঠুর ।

দ্রুত মঞ্জুলা ও সিদ্ধেশ্বরীর প্রবেশ।

মঞ্জুলা। সিদ্ধি—সিদ্ধি! মদনমোহন যে আমার কোথা হ'তে সহসা কোথায় চ'লে গেল। মনে হ'ল যেন এই দিকেই উড়ে এল। একি তাঁর লীলা!

সিদ্ধেশ্বরী। তাই তো দিদিমণি মাটির পুতুল কোথা হ'তে উড়ে গেল।

মঞ্জুলা। তুই তো প্রত্যক্ষ দেখিস্নি তাই? বল সিদ্ধি, এখন আমি কি করব? একি—কে তুমি?

সিদ্ধেশ্বরী। ওমা, এ তো সেই শাস্ত ঠাকুর গো! ওগো ঠাকুর! তোমার মদনমোহন উড়ে গেছে।

শাস্তশীল। সে কি! সে কি!

মঞ্জুলা। জানি না ব্রাহ্মণ সত্য কি মিথ্যা—আমি একদিন নদীর ধারে একটি মদনমোহন কুড়িয়ে পাই। তারপর তাকে বাড়ীতে এনে কত যত্ন ক'রে পূজা করছিলাম; কিন্তু কি ব'লবো ব্রাহ্মণ! এই সিদ্ধি আমায় ব'ললে এই মদনমোহন শাস্ত ঠাকুরের তাই তোমার ঠাকুরকে বুক ক'রে তোমার বাড়ীতে দিতে যাচ্ছিলুম। কিন্তু হার—খানিক দূরে গিয়েই মদনমোহন আমার বুক হ'তে কোথায় উড়ে গেল। মনে হ'ল যেন, এই পথেই চ'লে এসেছে। ওগো ঠাকুর, তুমি মদনমোহনকে দেখেছ?

শাস্তশীল। আমিও তো তাকেই খুঁজছি মা! সেই নিষ্ঠুর মদনমোহনের সংবাদ এই বালিকার মুখে জানতে পেরে এখানে এসেছি।

মঞ্জুলা। কিন্তু মদনমোহন যে চ'লে গেল।

শাস্তশীল। না রাজকন্যা! নিশ্চয়ই তুমি আমার মদনমোহনকে লুকিয়ে রেখেছ। শীঘ্র তাকে দাও নতুবা—

মঞ্জুলা । না—না ঠাকুর, আমি তাকে লুকিয়ে রাখিনি । আমার কথা বিশ্বাস কর ঠাকুর !

শান্তশীল । তবে কি সত্য সত্যই সে উড়ে গেল রাজনন্দিনি ? তাইতো—তোমার কথা তো অবিশ্বাস করতে পারি না । হ্যাঁ—দেখ, একটু পূর্বে একটা বালক এসে আমায় ব'লে গেল, যে, সে রাজকুমারীর মদনমোহন । সত্যই তাকে মদনমোহনের মত দেখতে কিন্তু ।

মঞ্জুলা । তাইতো—আমিও যে কিছু বুঝে উঠতে পারছিনে ঠাকুর ! কে সে বালক ?

সিন্ধেশ্বরী । এস দিদি—তার জন্তে আর ভাবতে হবে না । এস—ঠাকুর এখন মদনমোহনের জন্ত কেঁদে মরুক ।

[মঞ্জুলা ও সিন্ধেশ্বরীর প্রস্থান

শান্তশীল । মদনমোহন—মদনমোহন, একি তোমার ছলনার অভিনয় ? সত্যই কি এতদিন পরে আমায় ত্যাগ ক'রলে ? এস—এস, ফিরে এস দয়াল ! তোমার সেই শ্রামায়িত মূর্তিখানি যে আমার অন্তরে অন্তরে গাঁথা রয়েছে । আমি যে তোমার অদর্শন জালা ভুলতে পারবো না । এস—এস, আর—আর আমায় কাঁদিও না প্রভু !

প্রহরীসহ অনিলাক্ষ্যের প্রবেশ ।

অনিলাক্ষ্য । প্রহরি, বন্দী কর ওই ব্রাহ্মণকে । ওই ব্রাহ্মণ হ'তেই সেদিন উত্কের জীবন রক্ষা হ'য়েছিল ।

[প্রহরী শান্তশীলকে বন্দী করিতে উদ্যত]

সহসা অনুচরগণসহ মাধবসর্দারের প্রবেশ ।

মাধব । হুঁসিয়ার রে বেইমান ! ঠাকুর বাবার গায়ে হাত দিবিতো একেবারে যমের বাড়ী চলিয়ে যাবি ।

অনিলাক্ষ্য । কি—কি, এতদূর তোমার স্বেচ্ছাচারিতা মাধবসর্দার ?
প্রহরি ! প্রহরি ! বন্দী কর—

মাধব । সাবধান ! পরাণটা কেন দিবিরে শয়তান ! যা—যা,
চলিয়ে যা, নেহিতো মাধবসর্দারের লাঠি তুহার মাথায় জরুর পড়বে ।

অনিলাক্ষ্য । মর তবে পতঙ্গের দল ।

মাধব । চালাও লাঠি ।

[যুদ্ধ ; অনিলাক্ষ্য ও প্রহরীর পলায়ন]

শান্তশীল । বাঃ—বাঃ ! প্রকৃতির বুকে একি সুন্দর অভিনয় । মাধব !
মাধব ! কেন তুমি একজন দীন দরিদ্র ব্রাহ্মণের জন্ত দুর্ভাগোর
সাগরে ঝাঁপিয়ে পড়ছো ।

মাধব । ঠাকুর বাবা ! তুহার কাছে যে আমি ঋণী হইয়েছে ।
তামি সেদিন আঙুনে পুড়িয়ে গেলো—তুহার আশিসে আমি সারিয়ে
গেছে । তুহার পাশে আমি জনমভোর বাক্সা থাকবে, জান দিয়ে তুহার
ভালা ক'রবে, তুহি যে দেওতার দেওতা আছিস্ ঠাকুর বাবা ! এখনি
চলিয়ে আয়, হুমমনটা ফিন্ এখানে আসতে পারে ।

শান্তশীল । চল—চল উদার—চল মহান্ ! তোমার সেই নিঃস্বার্থ-
ঘেরা জীর্ণ কুটার আজ হ'তে আমার মদনমোহনের পূজার মন্দির
হোক । আমি যেন দেখতে পাই তোমার সেই ঘৃণ্য পরিত্যক্ত অস্পৃশ্য
আঙিনায় আমার চিরবাহিত বিশ্বমোহন—বিশ্ব নিয়ন্তা ভগবান
মদনমোহনের প্রতিচ্ছবি ।

[সকলের প্রস্থান ।

ষষ্ঠ দৃশ্য ।

বিলাসকুঞ্জ

অনিলাক্ষ্য ও অগ্নিমিত্র উপবিষ্ট ; নর্তকীগণ গাহিতেছিল ।

গীত ।

নর্তকীগণ ।—

আজকে লো সহ চাঁদনী রাতে

গাইবো মোর গান ।

গোপন মধু ছাঁড়িয়ে দেবো

হানবো শুধু বাণ ॥

প্রিয়তমে করবো পাগল, রাগবো লেঁধে গো,

মিলন-বাসর করবো মোরা কতই রঙ্গে গো,

মুচ্‌কি হেসে পড়বো ঢলে,

(বঁধু) করে যদি অভিমান ॥

[নর্তকীগণের প্রস্থান ।

অগ্নিমিত্র । চমৎকার—চমৎকার ! সেনাপতি ! তোমার সৌজন্তে
আমি মুগ্ধ—তৃপ্ত । আমার সমস্ত ক্লেশ আজ বিদূরিত ।

অনিলাক্ষ্য । সেটা আমার পরম সৌভাগ্য যে, তোমার মত একজন
মহতের সঙ্গলাভ ক'রেছি । আমার ইচ্ছা, চিরদিন তোমার সঙ্গে যেন
মৈত্রতা-সূত্রে আবদ্ধ থাকি ।

অগ্নিমিত্র । আমারও ইচ্ছাও তাই । এখন ভগবানের ইচ্ছা কি
চম্ব ব'লতে পারি না ।

অনিলাক্ষ্য। ষাক্! এখন আমার এবং মহারাণীর বক্তব্য এই যে, যত শীঘ্র কোলাপুরপতিকে বিধস্ত ক'রে পুরুষকারের প্রতিষ্ঠা করা। তোমার সাহায্যে যদি আমরা জয়ী হ'তে পারি, তাহ'লে ভবিষ্যতে কোলাপুর রাজ্য হৈহয়রাজের নিকট চিরদিন পদানত হ'য়ে থাকবে, সে বিষয়ে কোন সন্দেহ নাই।

অগ্নিমিত্র। নিশ্চিত হও সেনাপতি! অবিলম্বে কোলাপুরপতিকে দেখিয়ে দেবো, হৈহয়-সেনাপতি অগ্নিমিত্র কতখানি শক্তিসম্পন্ন! ওঃ! আমার কি অপমান—আমার হাতে শৃঙ্খল দিলে! কি স্পর্ধা! প্রতিশোধ—প্রতিশোধ নেবো—আবার প্রচণ্ড মূর্তিতে কোলাপুরপতির ভাগ্যাকাশে উদয় হবো। মনে রেখো অনিলাক্ষ্য! হৈহয়-সেনাপতি অগ্নিমিত্রের বীরত্ব অদ্ভুত।

অনিলাক্ষ্য। তা জানি ব'লেই তো তোমার মত বীরের সাহায্য গ্রহণ ক'রতে চাই।

অগ্নিমিত্র। কোথায় সে ভ্রাতৃদ্রোহী উত্ক? আজ তার শেষ ক'রে ফেলবো। আর সেই শাস্ত ঠাকুরকেও দেখবো—দেখবো তার কতখানি কর্তব্যনিষ্ঠা। নিয়ে এস ভ্রাতৃদ্রোহীকে! হাঃ-হাঃ-হাঃ! আজ—আজ—উঃ! ক্রোধে আমার সর্বাজ জ'লে উঠছে।

অনিলাক্ষ্য। একটু স্থির হও বন্ধু! প্রহরী এখনি তাকে এখানে নিয়ে আসবে। হ্যাঁ—আরও শুনেছি যে, তোমার ভগ্নি অনিমা এখানে পালিয়ে এসেছে। আছে সে মাধব সর্দারের আশ্রয়ে।

অগ্নিমিত্র। পাপিনী পালিয়ে এসেছে? না--না, আর যে সহ্য হয় না। চল—চল এখনি তাকে ধ'রে নিয়ে আসি। অপুত্রক হৈহয়-রাজের সঙ্গে তার বিবাহ • দিয়ে ভবিষ্যতে যে হৈহয়রাজ্য—ওঃ—নাগিনী আমার সব আশা ব্যর্থ করলে।

অনিলাক্ষ্য । কিন্তু জেনে রেখো অগ্নিমিত্র, সেই মাধব সর্দারও কম নয় । তার জন্ম আজ পুরোছান-পথে শান্তশীল ঠাকুরকে বন্দী করতে পারলুম না । নইলে আজ উত্কের প্রাণে আরও আতঙ্ক জাগিয়ে তুলতুম ।

অগ্নিমিত্র । অগ্নিমিত্র এইবার অগ্নিবৃষ্টি বর্ষণ ক'র্বে—অপমানের প্রতিশোধ গ্রহণ ক'র্বে—আর আনন্দে কোলাপুরের বৃকের উপর তার স্বাধীনতার রথ চালিয়ে দেবে । রক্তে রক্তে পৃথিবীর বুকখানা লাল ক'রে দেবে ।

গীতকণ্ঠে উমানন্দের প্রবেশ ।

গীত ।

উমানন্দ ।—

হবে সব ভস্মে তোদের ঘী ঢালা ।

মনের আশা রইবে মনে,

বাড়াবে শুধু প্রাণের ছালা ॥

আধার যে ওই ঘনিয়ে আসে,

মরণ যে ওই অট্ট হাসে,

তবু কেন নেশার ঘোরে যাচ্ছ ছুটে

পুলক ভরে ?

ওই ঝড় উঠেছে ঈশানেতে

পালারে ভাই পাল ॥

[প্রস্থান ।

অগ্নিমিত্র কে—কে ওই উন্মাদ ?

অনিলাক্ষ্য । আমাদেরই একজন আত্মীয় । কয়েক বৎসর গুড হ'তে চ'ল্লো, ওর মস্তিষ্ক কিছু বিকৃত হ'য়েছে ।

অগ্নিমিত্র । কিন্তু সেনাপতি, ও তো বিকৃতের প্রলাপ উচ্ছ্বাস নয় !
ওর সঙ্গীতের ভাবার্থ বড় জটিল !

অনিলাক্ষ্য । যাক্—ওটার জন্ত আর বিশেষ ভাবতে হবে না ।
প্রহরি ! বন্দী উত্ককে এখানে নিয়ে আয় ।

অগ্নিমিত্র । হত্যা—হত্যা, আজ তাকে নিশ্চয়ই হত্যা ক'রবো ।

প্রহরীসহ উত্কের প্রবেশ ।

উত্ক । সেও আজ নিশ্চয়ই প্রাণ দেবে দাদা !

অগ্নিমিত্র । উত্ক—উত্ক !

উত্ক । উত্কের আজ স্বর্গের আনন্দ দাদা ! আজ তার ম'রুতে
একটু ভয় নেই । সে তার ভ্রাতাকে জীবিত দেখে যাচ্ছে । তোমার
প্রাণদণ্ডের আদেশ শুনে আমি কর্তব্য হারিয়ে ফেল্ছিলুম । প্রতিজ্ঞা
ক'রেছিলুম যদি কোলাপুরপতির বিরুদ্ধে অস্ত্র ধ'রতে হয়, তাই ধ'রবো ।
তবু তোমার জীবন আমি বিনষ্ট হ'তে দেবো না ।

অগ্নিমিত্র । হাঃ-হাঃ-হাঃ ! সব কথা তোর মিথ্যা ! তুই কারাগারে
প্রবেশ ক'রতে এসেছিলি গোপনে আমার হত্যা ক'রতে । আরে আরে
ভ্রাতৃদ্রোহি ! জানিস্ এখন তোর কি পরিণাম ?

উত্ক । বাঃ দাদা ! স্বার্থ তোমার সব কেড়ে নিয়েছে ? ভবিষ্যতের
সুখ-স্বপ্ন কি তোমার মানবত্বটুকু গ্রাস ক'রেছে—প্রতিভিংসা কি তোমায়
ক্ষিপ্ত ক'রে তুলেছে ? আমি তোমায় হত্যা ক'রবো ? না—না, সে
স্বপ্ন ভুলে যাও দাদা ! কল্পনার পট হ'তে সে কথা মুছে ফেল !
তোমার নির্মমতা এসে আমার লক্ষ্যের পথে সহস্র বিপর্যয়ের সৃষ্টি
ক'রলেও—উত্কের ভক্তি-দুর্গ চিরদিনই সুরক্ষিত থাকবে । উত্কের
প্রাণে একটা দিনও যদি সে দুর্জয় আকাঙ্ক্ষা জেগে উঠতো, সে

পায়তো অবহেলায় একটা ফুৎকারে তোমার মত নির্মম স্নেহহীন একটা পিশাচের হৃদপিণ্ডটা তুলে ফেলতে ।

অগ্নিমিত্র । আরে—আরে দান্তিক !

উতক । না—না দাদা, উতকের সে প্রকৃতি নেই । সে এই পুণ্য ভারতের বুকে পুণ্যের বাতাসে মানুষ হ'য়েছে—সে লালসার উন্মাদনায় বিশ্বের বুকে অনাচারের সৃষ্টি ক'রবে না । নাও—বিলম্ব কেন ? কার্য শেষ ক'রে ফেল !

অগ্নিমিত্র । তবে অগ্নিমিত্র আজ নিষ্কণ্টক হোক । আয়—আয় ভ্রাতৃদ্রোহি ! তোর হৃদপিণ্ডটা উপড়ে ফেলি ।

[উতককে ভূতলে ফেলিয়া বক্ষ বিদীর্ণ করিতে উগ্ৰত]

উতক । তবুও তুমি আমার দাদা ।

অগ্নিমিত্র । এইবার শেষ হ'য়ে যাক ।

দ্রুত অনিমা আসিয়া হাত ধরিল ।

অনিমা । দাদা !

অগ্নিমিত্র । একি ! কে—কে তুই ? অনিমা—অনিমা ! তুই তুই ? দূর হ—দূর হ—পাপিনি !

অনিমা । এ কি ক'রছো দাদা ? স্নেহের ভাইকে তুমি হত্যা ক'রতে যাচ্ছ ? কিন্তু ওর ত অপরাধ নেই ।

অগ্নিমিত্র । স'রে যা—স'রে যা অনিমা ! স'রে যা হতভাগিনি, অগ্নিমিত্র আজ কালের চেয়েও কঠোর—স'রে যা ; আজ আর কোন কথা শুন্বো না । উতকের বুকের রক্ত পান করে তার প্রতিহিংসা নির্বাণ ক'রবে ! হাঃ-হাঃ-হাঃ !

অনিমা । না—না দাদা, এষে ভগবানের পুণ্য প্রতিষ্ঠান ! এখানে

ষষ্ঠ দৃশ্য ।]

দশভূজা

অত অত্যাচার—অত পাপ যে সহ্য হয় না। জানতে পারবে না—
কল্পনায় আনতে পারবে না কোন অজানা মুহূর্তে তোমার ওই লালসা
উন্নত দেহের উপর বজ্রঘাত হবে।

অগ্নিমিত্র । আরে—আরে দুশ্চারিণি ! আমি বেশ বুঝতে পেরেছি,
তোমার জন্মই আমার পিতৃকুলে কলঙ্ক পড়বে।

অনিমা । কি—কি ব'লে নিশ্চয়—কি ব'লে নিষ্ঠুর ! যা ব'লেছ
—আর ব'লো না—এখনি তোমার রসনা খ'সে পড়বে !

উতক । অনিমা—অনিমা, চ'লে যা দুখিনি ! কি করবি বোন্—
এযে ভগবানের দান ! চ'লে যা—চ'লে যা, হতভাগ্য দাদার জন্ম তোমার
ওই অমূল্য জীবনটাকে মরুময় করিস্নি বোন্ !

অগ্নিমিত্র । স'রে যা—একি ! যাবিনে ? আরে—আরে ভ্রাতৃদ্রাহিণি
স্বৈচ্ছাচারিণি ! এই নে তোমার যোগ্য পুরস্কার । [পদাঘাত]

অনিমা । উঃ ভগবান্ !

অগ্নিমিত্র । আয় উতক, ইষ্টনাম স্মরণ কর ।

[অস্ত্রাঘাতে উত্তত]

অনিমা । মেরো না—মেরো না দাদা ! জ্যেষ্ঠ তুমি কনিষ্ঠভ্রাতাকে
মেরে ফেলো না । [পদাধারণ]

অগ্নিমিত্র । দূর হ—দূর হ ! [পদাঘাত] অনিলাক্ষ্য—অনিলাক্ষ্য !
হতভাগিনীকে এখান হ'তে চুলের মুঠি ধ'রে টেনে নিয়ে যাও ।
একি, ইতস্ততঃ করছ কেন ? নিয়ে যাও—নিয়ে যাও ! দেখি ওর
ভ্রাতৃ-অনুরাগ কতখানি ?

অনিলাক্ষ্য । এস অনিমা !

[হস্তাধারণ]

অনিমা । ছাড়—ছাড়, পাপিষ্ঠ—ছেড়ে দে ! আমার দাদাকে
আমি মারতে দেবো না ।

অগ্নিমিত্র । কি, আবার ? আচ্ছা অনিলাক্ষ্য ! তুমি উত্ককে হত্যা
ক'রে ফেল—আমি এই দুষ্টাকে এখান হ'তে বিতাড়িত ক'রে দিচ্ছি ।

[অনিলাক্ষ্য উত্কের বক্ষ বিদীর্ণ করিতে উত্তত হইল ও

অগ্নিমিত্র অনিমার কেশাকর্ষণ করিল]

অগ্নিমিত্র । আয়—আয় পাপিষ্ঠা !

অনিমা । উঃ—উঃ, দাদা—দাদা ! ওগো—ওগো ! ওষে তোমার
সহোদর ভাই ! ওরে—ওরে মারিস্নে—মারিস্নে—

[ব্যাকুল হইয়া উত্কের দিকে চাহিতেছিল, কিন্তু অগ্নিমিত্র

তাচার কেশাকর্ষণ করিতেছিল]

অনিমা । ওহো-হো, ভগবান্ ! তোমার কি কোন শক্তি নেই ?
কি করি—কি করি ? কি ক'রে আমার দাদাকে বাঁচাই ? ওরে—কে
আছিস্, আয়—আয়—ছুটে আয় !

অনুচরগণসহ দ্রুত মাধবসর্দারের প্রবেশ ।

মাধব । ভয় নেই—ভয় নেই বেটি ! হামিলোক আসিয়ে পড়িয়েছে ।
মার্স—মার্স দুঃমনদের মার্স ।

অনিলাক্ষ্য ও অগ্নিমিত্র । আরে—আরে বগ্নপণ্ডর দল !

[অস্ত্র উত্তোলন]

দ্রুত শাস্ত্রশীলের প্রবেশ ।

শাস্ত্রশীল । সাবধান রে পাপীর দল ! এই দেখ্ তোদের সম্মুখে
মূর্ত্তিমান ব্রহ্মশাপ ! [যজ্ঞোপবীত তুলিল]

সুনন্দার প্রবেশ ।

সুনন্দা । ব্রহ্মশাপের শত শক্তি আজ আমার এই শাণিত ছুরিকাই
ব্যর্থ ক'রবে । [শাস্ত্রশীলকে মারিতে উত্তত]

সুরথের প্রবেশ ।

সুরথ । সুরথের কঠোর রাজনীতি আজ রাজ্যের সমস্ত অনাচার
দূর ক'মবে । আরে—আরে—প্রতিহিংসাময়ি নারি !

[অস্ত্রের দ্বারা বাধাদান]

সুনন্দা । হত্যা কর—হত্যা কর বিদ্রোহীদের ।

[উভয় পক্ষের যুদ্ধারম্ভ]

শান্তশীল । মদনমোহন ! মদনমোহন !

সুরথ । কই—কই—কোথায় মা অভয়া ?

[সহসা প্রলয় ডঙ্কানাদ—মুহমুহঃ বিস্ফোরণ ; চক্রকরে
মদনমোহন ও চামুণ্ডার আবির্ভাব]

[চক্র ও খড়্গের দ্বারা অনিলাক্ষ্য ও আগ্নেয়ত্রকে বাধা দান
ও সুনন্দাকে বধিতে উগ্ৰত, ভয়ে উগাদের আর্তনাদ করতঃ পলায়ন,
চামুণ্ডা ও মদনমোহনের অন্তর্দ্বান]

শান্তশীল । বাঃ-বাঃ ! সমস্ত নীরব—নিস্তব্ধ ! উতক ! উতক !
[উতককে মুক্ত করিল] আর তুইও ওঠ্ অভাগিনি ! [অনিমােকে
উঠাইল] রাজা ! রাজা ! সত্যই আমার মদনমোহন এখন আছে—
সত্যই তোমার অভয়া মা'ও আছে ! তবে আর ভয় কি ? আশীর্বাদ
করি রাজা ! তোমার কর্তব্যের গায়দণ্ড যেন চিরদিন অটুট থাকে ।
এস মাধবসর্দার ।

মাধব । চল্ ঠাকুরবাবা ! বেলা বহুত হোইয়েছে ।

সুরথ । মাধব ! মাধব ! ভেবেছিগু, তুমি নীচ শবর ! জান্তুম,
তোমার মনুষ্যত্ব নেই—কিন্তু এখন দেখছি তুমি দেবতা হ'তেও শ্রেষ্ঠ,
তোমার ওই ক্ষুদ্রতার মাঝখানে বিরাতের আবির্ভাব ।

দশভূজ।

[তৃতীয় অঙ্ক।

মাধব। রেজা! রেজা! হামি তো ছোট্টা জাত। [নতজাহু]

সুরথ। না—না, আজ হ'তে তোমার স্থান আর পদতলে নয়।
[আলিঙ্গন] উতক! উতক! ভ্রাতৃভক্ত বীর! আমি তোমার
অপূর্ব ভ্রাতৃপ্রেমে মুগ্ধ। আমি একটা ভুলের বশে সেদিন তোমায়
দণ্ড দিতে উদ্যত হ'য়েছিলুম, আমার সে অপরাধ মার্জনা কর। শোন
শান্তশীল! এমন অমূল্য রত্নকে আমি বিশ্বের অন্ধকারে দেখতে চাই
না; চাই শত সূর্যের কিরণমালায় উদ্ভাসিত হ'য়ে বিশ্বের দিবালোকে।
আজ আমি উতককে সৈন্যপত্য-পদে বরণ ক'রলুম। ধর বীর! কোলাপুর-
পতির ক্ষুদ্র দান। [অস্ত্র প্রদান]

উতক। রাজার দান আমি সাদরে মাথায় তুলে নিলুম। [নতজাহু]

শান্তশীল। হাঃ-হাঃ-হাঃ! মদনমোহন! আমি এখনও তোমায়
চিন্তে পারলুম না। এস মাধব। ভয় নেই—ভীতা ত্রাস্তা প্রকৃতি
আজ নির্ভয়া।

সুরথ। মা! মা! কৈ—কৈ—কোথায় তুই? তোর সেই দম্ভ-
দলনী মূর্তি দেখা, আমি এই অসার বৈভব সম্পদ ফেলে রেখে তোর
ওই রক্তকমল চরণে আত্মহারা হ'য়ে লুটিয়ে পড়ি।

[সহসা শব্দঘণ্টা ধ্বনি, উর্দ্ধে দশভূজা মূর্তির আবির্ভাব]

সুরথ। ওকি—ওকি। ওই—ওই যে বিশ্বজননী—দম্ভদলনী।
মা! মা! মা! তোমার শতবাহিত চরণে কোটা কোটা প্রণাম।

“সর্বমঙ্গল মঙ্গলো শিবে সর্বার্থ সাধিকে।

শরণ্যে ত্র্যম্বকে গৌরি নারায়ণি নমোহস্ততে ॥”

[সকলের প্রণাম ও দেবীর অন্তর্দান]

[সকলের প্রস্থান।

চতুর্থ অঙ্ক ।

প্রথম দৃশ্য ।

শিবির ।

অগ্নিমিত্র উপবিষ্ট ; নর্তকীগণ গাহিতেছিল ।

গীত ।

নর্তকীগণ ।—

সখা ! বিরস বদনে কেন আছ বসিয়া ।
জ্যোছনা হাসিত নিশি ওই যে পোহায়ে যায়,
দেখ হে দেখ প্রিয় চাহিয়া চাহিয়া ॥
পাপিয়া কেঁদে মরে,
মলয়ে মধু ঝরে,
অবশ বিবশ তনু যায় দহিয়া—
হাস হে হাস সখা, কও কথা চাহিয়া ॥

[গীতান্তে প্রস্থান ।

অগ্নিমিত্র ।

আনন্দেতে নিরানন্দ ।
সব তিক্ত আজি মোর পাশে ।
অপমান—অপমান ! তীব্র অপমান !
ধক্ধক জ্বলিছে অন্তরে ।
বিলাসে নিরাশা এসে
ভেঙ্গে দেয় সুখের স্বপন

অমনি জাগিয়া ওঠে
 সেই অপমান !
 কোলাপুর-অধীশ্বর ! দর্পিত ভুজঙ্গ !
 পরিত্রাণ নাহিক তোমার ।
 জাগিয়েছ ক্ষুধিত শাদ্দুলে,
 অগ্নিস্তূপে ক'রেছ আঘাত—
 নিয়তিরে আবাহন ক'রেছ সাদরে ।
 এইবার—এইবার অগ্নিমিত্র
 প্রলয় দাহন নিয়ে দক্ষীভূত করিবে রাজত্ব ।
 দেখিব দর্পিত ! কত শক্তি ক'রেছ সঞ্চয় ।
 আর সেই ভ্রাতৃদ্রোহী—দেশদ্রোহী
 কুকুর উতক্ষে দিব শিক্ষা ভালমতে ।
 হৈহয়-রাজের অপমান হেতু
 কি ভয়ঙ্কর পরিণাম করিব তাহার ।

হাঁপাইতে হাঁপাইতে দ্রুত গিরিধারীর প্রবেশ ।

গিরিধারী । দোহাই বাবা—দোহাই বাবা ! আমি গুপ্তচর নই—
 আমি সাধারণের বিজ্ঞাপন পত্র । রক্ষ কর বাবা—আমায় রক্ষ কর ।

অগ্নিমিত্র । একি ! কে—কে তুমি ?

গিরিধারী । আজ্ঞে—আজ্ঞে—সেনাপতি মশাই ! ওরে বাপরে,
 একটু দাঁড়ান—হাঁপটা ছেড়ে নিই । আঃ । বাপ, যেমনি আপনার
 শিবিরে ঢুকেছি, অমনি চারিদিক হ'তে প্রহরীগুলো চোঁচাতে আরম্ভ
 ক'রে দিলে । কে—কে ? তারপর পেছু পেছু তাড়া । একেবারে
 কুকুর তাড়ানো গোছের । খুব কষ্টে আপনার কাছে এসে প'ড়েছি ।

ধ'রে ফেললে আর কি আশু রাখতো ! আমার এই সখের কুঁজ—
খুড়ি খুড়ি—বুদ্ধির ফোঁড় একেবাবে ফাটিয়ে মাঠময় ক'রে দিত ।

অগ্নিমিত্র । তুমি কি চাও ? কোথা হ'তে আসছ ?

গিরিধারী । আজ্ঞে, আমার চিন্তে পারছেন না ? কতবার যে
আমাদের রাজবাড়ীতে দেখেছেন, আমিও কতবার আপনাকে দেখেছি ।
আর আমাকে না চেনবার কোন কারণ নেই ; আমার কাছে এমন
জলজ্যাস্ত চেনা দেবার নমুনা রয়েছে । যাক্—এই নিন্ আমাদের বড়
রাণীমার পত্র ।

অগ্নিমিত্র । পত্র ! [গ্রহণ ও মনে মনে পাঠ] আচ্ছা, তুমি যাও
ব্রাহ্মণ ! তাঁকে বলবে যে তাঁর পত্রানুযায়ী কাজ হবে ।

গিরিধারী । যে আজ্ঞে, তবে শিবির হ'তে বেরুব কি করে ?
প্রহরীগুলো আমার গুপ্তচর ভেবে যদি আবার কুকুর খেদানো ক'রে ?

অগ্নিমিত্র । না, আর ক'মবে না—আমি ব'লে দিচ্ছি । এই—কে
আছিস্ ?

প্রহরীর প্রবেশ ।

এই ব্রাহ্মণকে নিরাপদে পৌঁছে দে । যাও ব্রাহ্মণ প্রহরীর সঙ্গে ।

গিরিধারী । আজ্ঞে, তবে চললাম । [স্বগত] বাপ ! আমার
কি তাড়া না ক'রেছিল । হোঁচট খেয়ে প'ড়ে গেলেই হ'ত আর কি !
একে প্রদীপচন্দ্রকে কাল দেখতে আসবে । কি হ'ত ! আহা ষণ্ডেশ্বরীর
বড়ই কষ্ট হ'ত ? [প্রকাশ্যে] চল বাবা !

[প্রহরীসহ প্রস্থান ।

অগ্নিমিত্র । সুনন্দাদেবী পত্র লিখেছেন যে মহীরথ যাতে বন্দী
না হয়, তার জন্য বিশেষভাবে লক্ষ রাখতে হবে ? কারণ মহারাজ

সুরথ মহীরথকে বন্দী ক'রবার জন্য পুরস্কার ঘোষণা ক'রেছেন । সত্যই যদি মহীরথ বন্দী হ'য়ে রাজদণ্ডে দণ্ডিত হয়, তাতে আমার বাধা দেবার কি আবশ্যক ? যাক্ শত্রু পরে পরে । ভবিষ্যতের একটা অন্তরায়ও দূর হবে । হতভাগিনী অনিমা নাকি চণ্ডাল আলয়ে বাস করছে ! পাপিষ্ঠাকে কোন রকমে হৈহয়রাজের নিকট পূঠাতে না পারলে আমি নিশ্চিত হ'তে পারছিনে ! উঃ । কি বল্বে । আমার ভবিষ্যতের সব আশা দুশ্চারিণী ব্যর্থ ক'রে দিলে । আচ্ছা । এইবার দেখ্বে কে আমার গতিরোধ করে ? দশ সহস্র সৈন্য নিয়ে শিবির স্থাপন ক'রেছি । প্রয়োজন হ'লে আরও সৈন্য আস্বে । তখন আর ভয় কি ? কে ?

[প্রশ্নানোত্তর]

উত্কের প্রবেশ ।

উত্ক । আমি উত্ক ।

অগ্নিমিত্র । ভ্রাতৃদ্রোহী ?

উত্ক । না দাদা ভ্রাতৃদ্রোহী উত্ক নয়—সে ভ্রাতৃসেবক ।

অগ্নিমিত্র । ভ্রাতৃদ্রোহী কে ?

উত্ক । তুমি ?

অগ্নিমিত্র । আমি ?

উত্ক । হ্যাঁ তুমি ।

অগ্নিমিত্র । জানিস্ তুই কোথায় এসেছিস্ ?

উত্ক । জানি । আমি এসেছি একটা স্বার্থপর নির্দম পাষাণের রক্তালয়ে । জানি আমি এসেছি একটা আত্মমর্যাদাহীন অবিবেকীর বিলাসকক্ষে ।

অগ্নিমিত্র । বটে ! জানিস্ তার পরিণাম ?

উত্তর । পরিণাম ! এ পরিণাম জানবার আবশ্যক হয় না ! তবে তোমার পরিণাম যে কি হবে সেটা তুমি ভেবেছ দাদা ?

অগ্নিমিত্র । এখন কি চাও ?

উত্তর । চাই তোমার মঙ্গল ।

অগ্নিমিত্র । হাঃ-হাঃ-হাঃ ! আমার মঙ্গল ! আরে আরে দেশদ্রোহি পরদাস ! আমার মঙ্গল আর তোকে চাইতে হবে না । তোর নিজের মঙ্গল তুই চেয়ে নে । এত, হীন তুই ? স্বজাতির উজ্জ্বল মুখে কলঙ্কের ছাপ দিয়ে দিলি ! হৈহয়রাজের গোরবের জয়টীকা মুছে দিলি ! আত্মমর্যাদা নষ্ট করলি ! কোলাপুরের তুই সেনাপতি ! মরণে—মরণে—আত্মহত্যা করগে । তোর মুখ দর্শনে মহাপাপ ।

উত্তর । আর—যে তার সতীসাক্ষী ভগ্নীকে নিজের ভবিষ্যতের সুখের জন্য একটা লম্পট মণ্ডপায়ী চরিত্রব্রষ্ট রাজার হাতে তুলে দিতে চায়—নিজের সহোদর ভ্রাতাকে পর্য্যন্ত হত্যা ক'রতে কুণ্ঠিত হয় না, সে কি হীন নয়—সে কি অপদার্থ নয়—সে কি পশু নয় ?

অগ্নিমিত্র । . স্তব্ধ হ—স্তব্ধ হ ! আরে আরে নির্ভীক ! সিংহের বিবরে প্রবেশ ক'রে আবার তাকে যজ্ঞচক্ষু দেখাচ্ছ ? এত সাহস ?

উত্তর । সুদক্ষ শিকারীর সে সাহস দিরদিনের ।

অগ্নিমিত্র । করীন্দ্র দুর্বল নয় !

উত্তর । শিকারীর সন্ধান অব্যর্থ ।

অগ্নিমিত্র । এই, কে আছিন্ বন্দী কর দুরাচারকে ।

উত্তর । সে ক্ষমতা আজ কারও হবে না । শোন দাদা ! আমি তোমায় মহারাজের আদেশ জানাতে এসেছি । তুমি শীঘ্র সীমান্ত প্রদেশ হ'তে শিবির তুলে নিয়ে স্বরাজ্যে ফিরে যাও !

অগ্নিমিত্র । নতুবা—

উতক । কর্তব্যের অনুরোধে আমাকেই ভ্রাতৃহত্যা ক'রতে হবে ।

অগ্নিমিত্র । এখনো অনিমাতে এনে দে !

উতক । বামন কখন আকাশের চাঁদ ধ'রতে পারে না ।

অগ্নিমিত্র । সেই বামনই আবার অমর বিজয়ী বলিরাজকে কে দমন ক'রেছিল ।

উতক । সে বামন স্বয়ং ভগবান্ !

অগ্নিমিত্র । আমি ?

উতক । তুমি মূর্তিনান পাপ ।

অগ্নিমিত্র । উতক ! [দৃঢ়স্বরে]

উতক । আর লাল চোখ চ'লবেনা । অনেক স'য়েছি দাদা ! কি ব'লবো—তোমার জন্ম আমার কি মর্শ্ববেদনা ! তোমার জালায় তোমার নির্দয়তায়—তোমার স্বার্থপরতায়—আমার সেই শৈশবের কত সোহাগ জড়িত জন্মভূমিকে ত্যাগ ক'রেছি । এক একবার তার কথা মনে প'ড়ে যায়—প্রাণ কেঁদে ওঠে ; মনে হয় ছুটে যাই—আবার তখনই দেখতে পাই রাক্ষসের রক্তখণ্ডা—নির্যাতনের উদ্ভত বেত্র—নির্ম্মমতার বিভীষিকাময়ী মূর্তি ! ভয়ে প্রাণ কেঁপে উঠে ! শেষ অনুরোধ—ফিরে যাও । বছদিন পূর্বে পারতুম, এখনো এই মুহূর্তে পারি তোমার উন্মত্ত লালসার টুঁটিটা চেপে ধ'রতে ; কিন্তু পারিনি—এখনো পারছিনে মাত্র তুমি আমার জ্যেষ্ঠ ভ্রাতা পূজনীয় ব'লে । [প্রস্থানোত্ত]

অগ্নিমিত্র । বন্দী কর—বন্দী কর শত্রুকে !

উতক । বৃথা চীৎকার । ভাই শত্রু হ'লেও—তার মত বান্ধব এ জগতে আর দ্বিতীয় কেউ নেই ।

[প্রস্থান ।

দ্বিতীয় দৃশ্য ।]

দশভূজা

অগ্নিমিত্র । বন্দী কর—বন্দী কর—মৃত্যু অভিলাষী পতঙ্গকে ।
আমার অপমান ক'রে যায়—এত সাহস । দাঁড়া—দাঁড়া, এইবার
দেখবো উত্ক কেমন ক'রে তুই অনিমাতে রক্ষা করিস । দেবো—
দেবো আমি প্রতিহিংসার মহাপূজার সর্বস্ব বলিদান ।

[প্রস্থান ।

দ্বিতীয় দৃশ্য ।

প্রাস্তর ।

জনৈক পর্যটক গাহিতেছিল ।

গীত ।

পর্যটক—

(ওমা) আমার কাটিয়ে দে মা চোপের আধার

আমি ঘুরব কত অঙ্গ হ'য়ে ।

আর ছালা মা সইব কত

জীবন গেল স'য়ে ॥

অঙ্গ আমার আধির তারা,

ঝরে শুধু নরনধারা,

আমার ছিল যারা গেল তারা,

আমি যে মা সকল হারা,

আয় মা তারা দুঃখহরা

সময় আমার যার গো ব'লে ॥

[প্রস্থান

চিন্তামগ্ন মহীরথের প্রবেশ ।

মহীরথ ।

মা ! মা ! মা !
 যে নামে মোহিত বিশ্ব
 আঅহারা বিশাল ব্রহ্মাণ্ড ;
 সে নামে স্মরণে কেন
 কাঁপিছে পরাণ ? ভগবান্ !
 তোমার এ পূণ্য প্রতিষ্ঠান
 কি উপাদানে করিলে গঠিত ?
 চিন্তায় না গাই কুল !
 জানি না কি রহস্য তব এই সৃষ্টির নিয়মে !
 ওই যে অদূরে দেখা যায়
 উদার অনন্ত নীল আকাশের তলে
 সমৃদ্ধির সাধনা মন্দির
 শান্তিময় কোলাপুর পুর ;
 কিন্তু হায় ! আজি সেই কোলাপুর
 দগ্ধ হয় দানবীর নয়ন-অনলে ।
 আর্তকণ্ঠে কাঁদে ওই—
 মনে হয় ফিরে যাই পুনঃ ।
 যুচাই বেদন তার—কিন্তু
 কি বেদনা উপশম পথে
 মা নামের বিশাল প্রাচীর ।
 লজ্জিবার নাহিক উপায় ।
 কোঁথায় যাইব এবে ?

শুনিলাম পিতৃব্য আমার
আমারে করিতে বন্দী
পুরস্কার করিল ঘোষণা ।
কেন ? কিবা হেতু ? কিবা মোর অপরাধ ?
না পাই চিন্তায়—কি উদ্দেশ্য তার ?
হয় যদি অসাধু উদ্দেশ্য,
কেন আজি সে ঘোষণা ?
বহুদিন—বহুদিন আগে তাহা হইত পূরণ ।

দূরে অনিলাক্ষ্যের প্রবেশ ।

অনিলাক্ষ্য । [দূর হইতে] ওই সেই পলায়িত মহীরথ । সুনন্দা
দেবীর আদেশ—কেউ যেন মহীরথকে বন্দী করিতে পারে না । এ
বিষয় হৈহয়-সেনাপতিকেও জানিয়েছেন । কিন্তু মহারাজ সুরথের
অস্তরের কি উদ্দেশ্য বলিতে পারি না । জানি না কি হ'তে কি হয় ।
তার চেয়ে মহীরথও আমার ভবিষ্যতের একটা সুনিশ্চিত অন্তরায় ।
অগ্রে এই নির্জন প্রান্তরে—লোক-চক্ষুর অন্তরালে ওকে পৃথিবী হ'তে
বিদায় দিই । চমৎকার আমার উপস্থিতবুদ্ধি । [মহীরথকে অলক্ষ্যে
আসিয়া অস্ত্রাঘাতে উত্তত—পশ্চাতে সৈনিকবেশী মঞ্জুলা শর দ্বারা অনিলাক্ষ্যের
পৃষ্ঠে বিদ্ধ করিল]

অনিলাক্ষ্য । ওঃ ! কে তুই ? [পতন]

মহীরথ । এঁ্যা ! একি—একি ! অনিল ! অনিল ! তুমি এখানে ?
একি ! পৃষ্ঠদেশ হ'তে রক্ত ঝ'রে পড়ছে । শরবিদ্ধ ! তাই তো—
আমি তো কিছু বুঝে উঠতে পারছি না । কি হ'ল ভাই ?

অনিলাক্ষ্য । ওঃ—কুমার ! কোন্ গুপ্তশত্রু আমায় পশ্চাৎ হ'তে

শরবিদ্ধ ক'রেছে । ওঃ—বড় যন্ত্রণা । আমি মহারাজের আদেশ মত তোমায় বন্দী করতে আস্ছিলুম—উঃ—

সৈনিকবেশী মঞ্জুলার প্রবেশ ।

মঞ্জুলা । মিথ্যা কথা—সব মিথ্যা । কুমার ! ওই পাপিষ্ঠের কথা বিশ্বাস ক'রবেন না । দুর্ভাগ্য আপনাকে বধ ক'রবার, জগু চুপিচুপি আপনার পেছতে এসে আপনাকে অস্ত্রের দ্বারা বধ ক'রতে উদ্যত হ'য়েছিল ; কিন্তু আমি দূর হ'তে দেখতে পেয়ে তীক্ষ্ণ শরের দ্বারা ওর পৃষ্ঠদেশ বিদ্ধ ক'রে আপনাকে বাঁচিয়েছি ।

মহীরথ । সেকি অনিলাক্ষ্য ! ওঃ । তোমার এখনো চৈতন্য হ'ল না ? এখনো তোমার পাপের উন্মাদনা ? হায় ! জানি না—এর চেয়ে তোমার জীবনের আরও কি ভীষণ পরিণাম হবে ।

অনিলাক্ষ্য । সৈনিকের কথায় বিশ্বাস ক'রো না মহীরথ । উঃ—বড় যন্ত্রণা ।

মঞ্জুলা । এক বিন্দু মিথ্যা নয় ।

মহীরথ । সৈনিক ! সৈনিক ! জীবনদাতা ! সত্যই এই পাপিষ্ঠ আমার জীবননাশ ক'রতে উদ্যত হ'য়েছিল । আমি এখন বেশ বুঝতে পেরেছি । কারণ, দোষী আর নির্দোষ—তাদের মুখের ভাবেই ধরা প'ড়ে যায় । প্রকৃত অপরাধী কখনো সাহস নিয়ে কারো মুখের দিকে চাইতে পারে না । সৈনিক ! বন্ধু ! প্রাণদাতা ! তোমার এ ঋণ আমি জীবনে পরিশোধ করতে পারব না । ধর আমার এই অঙ্গুরীয়—আমার জীবনদানের কথঞ্চিৎ বিনিময় । [অঙ্গুরী প্রদান] [স্বগত] কে এ সৈনিক ? যেন সেই উপেক্ষিতা—পদদলিতা মঞ্জুলা—না—না—কি বলছি—এ যে পুরুষ । উঃ—ক'দিনের দুশ্চিন্তায় মস্তিষ্কের কি বিকৃতিভাব ।

মঞ্জুলা । আপনি কি ভাবছেন কুমার ?

মহীরথ । ভাবছি, এ সংসারটা কি প্রবঞ্চনার কেন্দ্রভূমি—না সত্যের উজ্জল মন্দির ?

সৈনিক । প্রবঞ্চনায় প্রবঞ্চনা—সত্যে সত্য । এ তো জগতের নিয়ম । এখন আসুন, আপনাকে আমি মহারাজের কাছে নিয়ে যাব । কারণ, আপনাকে মহারাজের কাছে নিয়ে গেলে অনেক অর্থ পাব—আমি গরীব মানুষ ।

মহীরথ । যেমন শৃগালের মুখ হ'তে ব্যাঘ্র ছাগ-শিশু কেড়ে নিয়ে নিজেই ভক্ষণ করে । তোমাকেও তো সেই ব্যাঘ্রের মতই দেখছি । আমার প্রাণ বাঁচিয়ে আর একজনের কাছে নিয়ে যাচ্ছ মেরে ফেলবে ব'লে । থাক—আমি এর জন্ত দুঃখিত নই । হয়তো অণু কেউ হ'লে এ ক্ষেত্রে আমার যাওয়াটা সম্ভবপর হ'ত কিনা ব'লতে পারি না—তবে বর্তমানে তুমি আমার জীবনদাতা ; সেইজন্ত আমি যেতে বাধ্য । চল—ভবিষ্যতে যা হয় হবে ।

মঞ্জুলা । আসুন ।

মহীরথ । কিন্তু এ অনিলের কি উপায় হবে ? এমনভাবে কিছুক্ষণ থাকলে যে বেচারী মারা যাবে ।

মঞ্জুলা । ভগবান্ যে ওর মৃত্যুই চান্ । আসুন ।

মহীরথ । তবে চল । [স্বগত] সামান্য একটা সৈনিকের একি সাহস ! কিন্তু যেন তারই প্রতিচ্ছবি !

[মঞ্জুলা ও মহীরথের প্রস্থান ।

অনিলাক্ষ্য । উঃ—উঃ ! প্রাণ যে যায়—কে আছ—কে আছ, আমার বাঁচাও—একটু জল এনে দাও ! উঃ—বড় যন্ত্রণা ।

দ্রুত অনিমার প্রবেশ ।

অনিমা । ঘাই—ঘাই, আজ বড়দাদার কাছে গিয়ে আত্ম-সমর্পণ করিগে । তাই চুপিচুপি কাউকে না ব'লে শিবির অভিমুখে যাচ্ছি ! আমার জন্ত আজ কোলাপুরে ভীষণ আগুন জ্বলে উঠেছে । আহা, কত নিরীহ প্রাণে মরবে, না—না, আমি তা হ'তে দেব না ।

অনিলাক্ষ্য । কে—কে ? আমার বাঁচাও—একটু জল দাও ।

অনিমা । একি ! কে—কে ? তুমি—তুমি—সেনাপতি অনিলাক্ষ্য !
পিশাচ !

অনিলাক্ষ্য । আমার বাঁচাও—তারপর তিরস্কার ক'রো । এক ফোঁটা জল এনে দাও । মা ! মা ! আমি তোমায় মা ব'লে ডাকছি, আমার অপরাধ ভুলে যাও মা ! আমি গুপ্তশত্রু কর্তৃক আহত হ'য়েছি মা !

অনিমা । একি ! কঠিন পাষণ যে গলে যাচ্ছে । হৃদয়ের পুঞ্জীভূত ক্রোধানল কোথায় হারিয়ে যাচ্ছে । ওরে—ওরে, ও ডাক দিয়ে আমার কি সর্বনাশ করলি ? আমার রুদ্ধ মাতৃ-দুর্গদ্বার যে একটা কথায়—একটা সুরে উন্মুক্ত হ'য়ে গেল ! এস—এস পুত্র—বুকে এস, তুমি আজ যে ডাক দিয়েছ, সে ডাক শুনে যে আমি তোমার সব অপরাধ ভুলে গেলুম । চল, অদূরে চণ্ডাল-আলয় । [তুলিল]

অনিলাক্ষ্য । কিন্তু মা ! মাধবসর্দার যে—

অনিমা । তা জানি সেনাপতি—তুমি তার শত্রু ; কিন্তু শতসহস্র মাধবসর্দার এলেও অনিমার বুক ছিনিয়ে তোমায় কেড়ে নিতে পারবে না । তুমি যে আজ অনিমার পুত্র—অনিমা তোমার মা !

অনিলাক্ষ্য । মা । মা ।

[অনিলাক্ষ্যকে বন্ধে রাখিয়া ধীরে ধীরে প্রস্থান ।

তৃতীয় দৃশ্য ।

গিরিধারী শর্ম্মার বহির্কাটা ।

প্রদীপের প্রবেশ ।

প্রদীপ । না—না, আমি কিছুতেই গৌফ ফেলবো না । আমার এমন সখের গৌফ জোড়াটা—কুঁজোরাম বাবা বলে কি না, ফেলে দে—ফেলে দে । চোপরাও—চোপরাও ।

গিরিধারীর প্রবেশ ।

গিরিধারী । মাং ঘাব্ড়াও—মাং ঘাব্ড়ার । এই তারা দেখতে এল ব'লে । সেদিন জল ঝড়ে আসতে পারে নি ব'লে কি আজও আসতে পারবে না ? আজ নিশ্চয়ই আসবে ।

প্রদীপ । দেখো—আজ যেন আসে । নইলে—বুঝেছ—বুঝেছ—
বুঝেছ—

গিরিধারী । সা—রে—গা—

প্রদীপ । আবার আমার সঙ্গে ইয়ারকি ? মারুবো এক ঝাপট । সাবধান ! আমি এখন ফিট্ফাট হ'তে চললাম ।

গিরিধারী । সেদিনকার মত যেন ময়ূর পাওয়া রোগে না ধরে । যাও—যাও মানিক—গোপাল ! ফিট্ফাট হ'য়ে এসগে ; তারা এল ব'লে । আহা, কি চমৎকার ছেলে—কি পরিষ্কার কোষ্ঠসাক্ষ্য বুদ্ধি । দাও বাবা, আনন্দে একবার তুড়কি লাফ দাও ।

(১৪৫)

প্রদীপ । কেন বাবা ?

গিরিধারী । বিয়ের কথা শুন্লে ছেলেদের খুব আনন্দ হয়—কেউ কেউ আনন্দে লাফ মারতে থাকে—বিয়ের তারিখের দিন গুনে গুনে নাস্তানাবুদ হয় । বিয়ে না হ'লে অনেকে মাথা নেড়া ক'রে বিবাগী হ'য়ে চ'লে যায় ।

প্রদীপ । আচ্ছা বাবা, তুড়কি লাফ কেমনধারা আমায় দেখিয়ে দাও তো, শিখে রাখি ।

গিরিধারী । এই সেরেছে রে ! ব্যাটার ছেলের কাছে তো কোন কথা ব'লবার যো নেই । খই-টে'কুর উঠ'ছে—না খই খাব । তাই ত—

প্রদীপ । দেখাও—দেখাও বলছি তুড়কি লাফ ; নইলে ফাটাব—ফাটাব—মাইরি তোমার কুঁজ ফাটাব ।

ষণ্ডেশ্বরীর প্রবেশ ।

ষণ্ডেশ্বরী । একবার দেখাওই না বাপু, কি তুড়কি লাফ—কি মুড়কি লাফ । ছেলের বাপ হ'য়েছ কেন, যদি ছেলের বায়না মেটাতে না পারবে ?

প্রদীপ । দেখাও—দেখাও বলছি তুড়কি লাফ ।

গিরিধারী । ওরে বাবারে—একি জালায় পড়লাম রে ! এঁয়া, মাগীও বলে দেখাও—ছোঁড়াও বলে দেখাও । একে পিঠ ভর্তি বুদ্ধির ফোড় তুড়কি লাফ দেখাতে গিয়ে প'ড়ে ম'রবো নাকি ?

ষণ্ডেশ্বরী । একটবারও দেখাও না ।

গিরিধারী । য্যা-হ্যা-হ্যা-হ্যা ! একটবার দেখাও না । কতবার দেখাব—দেখনি ? দেখাও—দেখাও । দেখে দেখে খাঁই আর মিটছে না ।

প্রদীপ । খেলে—খেলে, এইবার ঠিক মার খেলে । [মারিতে উদ্বৃত]

তৃতীয় দৃশ্য ।]

দশভূজা

গিরিধারী । দেখাচ্ছি—দেখাচ্ছি বাবা, তুড়কি লাফ দেখাচ্ছি ।
ও ষণ্ডেশ্বরী ! ধর ধর—গোপালকে ধর ! হায়-হায়-হায় ! আজ আমার
কি সর্বনাশ হবে—সবাই মিলে আমার দফাটা সামলে দেখছি । এই
দেখ্ হারামজাদা—তুড়কি লাফ । [লাফাইল]

প্রদীপ । বাঃ—বাঃ, বেশ তো । হেঁই বাবা, আর একটবার দেখাও ।

গিরিধারী । একবারটা কোনরকমে সামলে গেছে, আবার—এই
দেখ । [লাফাইল]

ষণ্ডেশ্বরী । আ-হা-হা, কি সুন্দর তুড়কি লাফ গা !

প্রদীপ । বাবা ! আর একবার ।

গিরিধারী । মাটি করলে দেখছি । আমার দফারফা না ক'রে এরা
ছাড়বে না । এই দেখ ! [লাফাইল]

প্রদীপ । বাহবা ! বাহবা ! বাবা ! এইবারটি—এই শেষবার, আর
বলবো না ।

গিরিধারী । না—না, আর কিছুতেই হবে না । বাপ, । তিন
তিনবার ! আবার—

ষণ্ডেশ্বরী । তিন শতুর দেখাতে নেই গো—দেখাতে নেই । এক
ছেলে নিয়ে ধর করছি, তিন শতুর কি দেখাতে আছে ?

প্রদীপ । বাবার আমার মোটেই বুদ্ধি নেই—মায়ের কেমন বুদ্ধি ।
কই বাবা—

গিরিধারী । না, এরা আমায় না ফেলে ছাড়বে না । এই দেখ ।
[লাফাইতে গিয়া সহসা ষণ্ডেশ্বরীর ঘাড়ে উল্টাইয়া পড়িল, গিরিধারী ও
ষণ্ডেশ্বরী পড়িয়া গেল] উ-হ-হ !

ষণ্ডেশ্বরী । উ-হ-হ—হ-হ ! গেছি রে মুখপোড়া—গেছি, রে ! কানা
—অন্ধ মিলে দেখতে পাও না ? রেতের পেরাতো বাক্যে তোমার

দশভুজা

[চতুর্থ অঙ্ক ।

চোখ দুটো কি গেছে? উ-হু-হু! কি লেগেছে। ঝাঁটা—ঝাঁটা—
সাত ঝাঁটা তোমার তুড়কি লাফে। উ-হু-হু!

[প্রস্থান ।

প্রদীপ । চললাম বাবা ফিটফাট হ'তে ।

[প্রস্থান ।

গিরিধারী । বাপ্! কি দায়ে পড়েছিলাম বাবা! গেছে—গেছে,
বুদ্ধির ফোঁড় বোধ হয় ফেটে গেছে। [হাত দিয়া দেখিল] সেই
দিনই ফাটতো—খুব দৌড়ে হৈহয়-সেনাপতির কাছে পৌঁছে গিয়ে
পড়েছিলুম। প্রহরীগুলো আমার কুকুর-তাড়ানো গোছের করেছিল।
যাই হোক, সেদিন বড়রাণী-বেটীর কাজটা ক'রে কিছু ট্যাংকস্ব করা
গেছে। ছেলের বিয়ের জন্ত আর ভাব তে হবে না।

নেপথ্যে । গিরিধারী মশাই, বাড়ী আছেন?

গিরিধারী । ক্যাও?

নেপথ্যে । আমরা মশাই! আপনার পুত্রকে দেখতে এসেছি।

গিরিধারী । আসুন—আসুন! আসতে আজ্ঞা হয়।

কন্টার পিতা ও একজন প্রতিবেশীর প্রবেশ ।

গিরিধারী । আসুন—আসুন! উপবেশন করুন! ওরে নিখে,
তামাক নিয়ে আয়—জল নিয়ে আয়—দূর ছাই, সে ব্যাটা আজ কামাই
ক'রেছে।

কন্টার পিতা । যাক্—অত আর ব্যস্ত হ'তে হবে না। আমরা
কেউ তামাক খাই না। বড় তাড়াতাড়ি—এখনি ফিন্নতে হবে। আপনার
ছেলেটি চট ক'রে দেখিয়ে দিন।

গিরিধারী । হ্যাঁ—দিই। কই—কই বাবা প্রদীপচন্দ্র! ভদ্রলোকেরা
এসেছেন, একবার এইদিকে এস তো বাবা!

সুসজ্জিত প্রদীপের প্রবেশ ।

কন্ঠার পিতা । [স্বগত] এঁয়া—একি ! ছেলে মানুষের গৌফ !
 গিরিধারী । এঁদের প্রণাম কর । [প্রদীপ প্রণাম করিল]
 কন্ঠার পিতা । আজ্ঞে—একটা কথা জিজ্ঞাসা করি—আপনার
 ছেলের গৌফ—

গিরিধারী । হে-হে-হে—আর বলবেন না মশাই ! গৃহিণীদেবীর
 বায়না—বুঝছেন তো ! গৌফ পন্নলে ছেলেকে কেমন মানায়—তাই—
 দেখবার জন্য সখ্ করে গৌফ পরিয়ে দিয়েছেন ।

প্রদীপ । দিয়েছে বইকি ; আমিই নিজেই—

গিরিধারী । [জনাস্তিকে] থাম্ বলছি ।

প্রদীপ । চোপরাও কুঁজোরাম !

কন্ঠার পিতা । [স্বগত] বাপ্, কি ছেলে ।

গিরিধারী । [স্বগত] ব্যাটা সব মাটি ক'ন্নলে দেখছি ।

কন্ঠার পিতা । তোমার নাম কি বাবা ?

প্রদীপ । শর্মা চন্দ্র প্রদীপ ।

কন্ঠার পিতা । সে কি ?

গিরিধারী । আজ্ঞে—আজকাল পদবীটা আগে দিয়েই নাম করার
 চলন হ'য়েছে ।

কন্ঠার পিতা । বটে ! তোমার পিতার নাম কি ?

প্রদীপ । ঈশ্বর কুঁজোরাম শর্মা !

কন্ঠার পিতা । এঁয়া ! আকাট মুখ দেখছি ।

গিরিধারী । [স্বগত] ইস্ ! ব্যাট্যা কি গর্তস্রাব ! জলজ্যাস্ত
 আমাকে মেরে ফেললে । সব মাটি হ'ল দেখছি ।

কন্টার পিতা । আচ্ছা, তোমরা কয় সহোদর ?

প্রদীপ । তিন সহোদর । আমি, বাবা আর মা ।

গিরিধারী । [স্বগত] এ-হে হে-হে ! হরি—হরি । ব্যাটা এত-
ক্ষণে তবলা ফাঁসালে ।

কন্টার পিতা । বল তো বাবা ! শশধর মানে কি ?

প্রদীপ । ঘড়া—ঘটী—গাড়ু !

কন্টার পিতা । সে কি !

প্রদীপ । কেন, সেদিন বাবা আমায় শিখিয়ে দিয়েছিল ।

গিরিধারী । [স্বগত] আহাম্মক কোথাকার ।

কন্টার পিতা । বেশ ছেলে । চমৎকার ছেলে । তাহ'লে আমরা
এখন আসি ।

গিরিধারী । আজে—তাহ'লে আর বিবাহের তো কোন অমত
নেই ? ছেলে আমার দেখতে হবে না—ছেলের মত ছেলে । দিনটা
স্থির ক'রে যান্ ।

কন্টার পিতা । আজে, আপনার ওই গো-মুখ' বিশ্বকাটে ছেলের
সঙ্গে মেয়ের বিয়ে দেওয়ার চেয়ে মেয়ের গলা টিপে মেরে ফেলবো ।

[কন্ঠাষাত্রীধয়ের প্রস্থান ।

গিরিধারী । হারামজাদা, সব মাটি করলি ?

প্রদীপ । চোপরাও ।

গিরিধারী । আমি এমন টাটকা বেঁচে থাকতে বলে কি না—
ঈশ্বর । হ্যাঁরে ব্যাটা অকালকুস্মাণ্ড ! আমি ম'রে গেছি ?

প্রদীপ । আলবৎ ম'রে গেছ । মর—মর বলছি—শিগ'গীর মর ;
তোমার জন্ম আমাব বিয়ে ফস্কে গেল । মর বলছি ।

গিরিধারী । এঁা—মরব কি রে ব্যাটা ?

তৃতীয় দৃশ্য ।]

দশভুজা

প্রদীপ । নিশ্চয় মরতে হবে । অন্ততঃ মিছিমিছি ক'রেও মরতে হবে । মর বলছি—নইলে—

গিরিধারী । মরছি বাবা মরছি—আর ঘুসি তুলো না । ম'লে এখন তোমার মন্ত গুণবান্ ছেলের খপ্পর হ'তে বাঁচি ।

প্রদীপ । মর বলছি ।

গিরিধারী । এই ম'লাম বাবা ! তুমি শ্রাদ্ধটা ঘটা ক'রে ক'রে ফেল ।

[চক্ষু মুদিয়া শয়ন]

প্রদীপ । ওমা—ওমা ! দেখে যা—দেখে যা । বাবা হঠাৎ পড়ে গিয়ে ম'রে গেছে ।

[প্রহান ।

দ্রুত ষণ্ডেশ্বরীর প্রবেশ ।

ষণ্ডেশ্বরী । এঁ্যা, বলিস্ কিরে ! কর্তা ম'রে গেছে ? ওগো মাগো—আমার কি হ'লো গো—ওগো কর্তা গো—ওগো আমার করমাসি কর্তা গো ! [ক্রন্দন]

গিরিধারী । আ-হা-হা-হা—চূপ কর—চূপ কর ষণ্ডেশ্বরী ! আমি মরিনি ; মিছিমিছি গোপালকে মরা দেখাচ্ছিলাম ।

ষণ্ডেশ্বরী । ও বাবারে ! কর্তা দানা পেয়েছে রে ।

[পলায়ন ।

গিরিধারী । এঁ্যা—একি বিপদ হ'ল গা ! সত্যি সত্যি এরা আমার মেরে ফেললে গা ! নাঃ—তবে সত্যিই আমি মরিগে । দুস্তোর ছেলে-বৌ ।

[প্রহান ।

চতুর্থ দৃশ্য ।

রাজসভা

সুরথের প্রবেশ ।

সুরথ । কৈ—কৈ উত্ক ! বন্দী মহীরথ কৈ ? নিয়ে এস—আজ আমি তাকে কঠোর দণ্ডে দণ্ডিত ক'রবো ।

সুনন্দার প্রবেশ ।

সুনন্দা । আমি জীবিত থাকতে মহীরথকে কঠোর দণ্ডে দণ্ডিত করে, সে ক্ষমতা আছে কার ?

সুরথ । আমার ।

সুনন্দা । তোমার ?

সুরথ । হ্যাঁ দেবি ! আমার ! আমি রাজা ।

সুনন্দা । তুমি রাজা ? না—না, তুমি রাজা নও—তুমি একটা স্বার্থপর পিশাচ ! নিজ স্বার্থ-সিদ্ধির জন্য ভবিষ্যতের অন্তরায় দূর করতে আজ আমার পুত্রকে দণ্ডিত করতে চাও ? কিন্তু তুমি জান না রাজা ! তোমার সে স্বাধীনতার পথে অশান্তির আগুন জ্বালবে এই সুনন্দা ।

সুরথ । আমার এই কোলাপুরের শান্তিবক্ষে অশান্তির আগুন তুমি তো বহুদিন পূর্বে জ্বলেছ দেবি ! আর কি নূতন ক'রে জ্বালবে ?

দেখ্‌ছো না—তোমার সেই প্রজ্বলিত হতাশনে কোলাপুর আজ ধ্বংসের পথে যেতে চলেছে, তবে আর কি আগুন জ্বালাবে দেবি? আলো—আলো, তুমি আগুন জ্বালাও; কিন্তু আমি তোমায় আর নূতন ক'রে আগুন জ্বালতে দেবো না—আজই সে আগুন চিরতরে নির্বাণ ক'রবো।

সুনন্দা। বোধ হয় আমার পুত্রকে হত্যা ক'রবে? নিষ্ঠুর জল্লাদ!

সুরথ। হ্যাঁ—হ্যাঁ, আমি নিষ্ঠুর জল্লাদ—নির্মম রাক্ষস! কিন্তু আমি এমন ছিলাম না দেবি! তুমিই আমায় নিষ্ঠুর জল্লাদ সাজিয়েছ। আজ দেখতে পাবে এই নিষ্ঠুর জল্লাদের নির্মমতার পৈশাচিক অভিনয়। আজ আমি মহীরথকে কঠোর দণ্ডে দণ্ডিত ক'রে আমার ভবিষ্যতের পথ নিষ্কটক ক'রবো।

সুনন্দা। [উত্ত্বিজিতভাবে] রাজা!

সুরথ। আমি রাজা; রাজার মতই বিচার ক'রবো। স্থির নেত্রে অবিচলিত প্রাণে তুমি দেখ দেবি! সুরথ কি ভাবে আজ তার রাজা নামের পরিচয় দেয়। আমি বেশ বুঝতে পেরেছি—তুমিই আমার শাস্তির রাজ্যে অশাস্তির আগুন জ্বলেছ—তুমিই আমার সর্বস্ব গ্রাস ক'রতে উগ্ৰ হ'য়েছ। এখন আমি তোমায় অগ্নে ছাড়বো না দেবি! আমি দেখবো আজ মহীরথকে দণ্ডিত ক'রে তোমার প্রতিহিংসানল কতখানি জ্বলে ওঠে—কোলাপুরের সর্বনাশ সাধন করতে।

সুনন্দা। পারবে না—পারবে না স্বার্থপর রাজা! আমিও সিংহিনী। কি স্পর্ধা তোমার, আজ আমার সম্মুখে আমারই পুত্রকে দণ্ড দিতে চাও? হাঃ-হাঃ-হাঃ! এখনো পরিণাম ভাব রাজা! সুনন্দার রোষানলে তোমার সর্বস্ব পুড়ে ছারখার হ'য়ে যাবে।

সুরথ। যাক্—যাক্; তবু চাই তোমার পুত্রকে দণ্ডিত ক'রতে। কৈ উতক! বন্দী মহীরথ কৈ?

বন্দী মহীরথকে লইয়া উত্ক ও তৎপশ্চাৎ সৈনিক-
বেশী মঞ্জুলার প্রবেশ ।

উত্ক । এই যে, বন্দী মহীরথকে নিয়ে এসেছি মহারাজ !

সুরথ । মহীরথ !

মহীরথ । খুল্লতাত !

সুরথ । তুমি অপরাধী ।

মহীরথ । আমার তো মনে হয় না খুল্লতাত !

সুরথ । কিন্তু আমি দেখছি তুমি অপরাধী । তুমি রাজবন্দী উত্ককে
সেদিন আমার সম্মুখ হ'তে বলপূর্বক নিয়ে গেলে । পদে পদে তুমি
আমার বিরুদ্ধাচরণ করছো । সেইজন্য আমি তোমায় কঠোর দণ্ডে দণ্ডিত
ক'র্বো ।

মহীরথ । আমি মহারাজের সে দণ্ড অবনত মস্তকে গ্রহণ ক'র্বো ।
কিন্তু পিতৃব্য ! আমার কার্য রাজনৈতিক ক্ষেত্রে অপরাধের হ'লেও ধর্মের
রাজ্যে তা সম্পূর্ণ নিরপরাধ ।

সুনন্দা । মহীরথ ! মহীরথ ! একি তোর নিজীবিতা পুত্র ? জেগে
'ওঠ—জ'লে ওঠ—অস্ত্র ধর ! ওই স্বার্থপর রাজার মাথাটা কেটে ফেল !
এখনো তুই চুপ ক'রে আছিস্ ? এই কি তোর মানব জীবনের
সার্থকতা ?

মহীরথ । এইই আমার মানব জীবনের সার্থকতা ! যে হস্তে মহীরথ
একদিন পুষ্পাঞ্জলি দিয়েছে, সেই হস্তে আজ অস্ত্র ধরতে পারবে না । দাঁও
পিতৃব্য ! আমার কি দণ্ড দেবে—দাঁও ।

সুনন্দা । সে কি মহীরথ ? উঃ—ভগবান্ । কেন আমায় অপূত্রক
কর নি ?

মহীরথ । মা ! মা ! কি ক'রছো মা ? এখনো কি তোমার চৈতন্য হ'চ্ছে না ? যে হিংসার পূজার জন্ত এতখানি নিশ্চিতার অভিনয় ক'রছো, সে হিংসার পূজায় দৈব এসে প্রতি পদে তোমায় বাধা দিচ্ছে—তবু তোমার জ্ঞান ফিরে আসছে না ?

সুরথ । মহীরথ ! আমি তোমায় মুক্তি দিতে পারি—বদি আমার আদেশ পালন কর ।

মহীরথ । কি আদেশ পিতৃব্য ?

সুরথ । মায়ের আদেশ প্রতিপালন কর, নতুবা তোমার মুক্তি নেই ।

মহীরথ । সে মুক্তি মহীরথ ভুলেও চাইবে না খুল্লতাত ! কঠোর দণ্ড আজ সাদরে মাথায় তুলে নেবো—চিরজীবন দুভাগ্যকে সহচর ক'রে রাখবো—তবু ওই ঘৃণ্য মুক্তির আশায় মহীরথ তার জীবনের শ্রেষ্ঠ বৃত্তি জারা ত পারবে না ।

সুরথ । কি, আমার আদেশ পালন ক'রতে পারবে না মহীরথ ?

মহীরথ । না—না, কখনই না—জীবনেও না ! তুচ্ছ রাজ্যের জন্ত মহীরথ কখনো মনুষ্যত্ব বিসর্জন দেবে না । দাও—দাও পিতৃব্য, আমার কি দণ্ড দেবে—দাও ।

সুনন্দা । না—না, মহীরথ, রাজদণ্ড কিছুতেই গ্রহণ করিস্ নে ।

মহীরথ । মহীরথ তোমার গর্ভে স্থানলাভ ক'রলেও জন্ম যে তার মহিমার চিরশুভ্র আলোক হ'তে ।

সুরথ । মহীরথ ! তোমার দণ্ড কঠোর—অতি কঠোর । তোমার দণ্ড—আজ হ'তে এই সৈনিকের চিরজীবনের ভার গ্রহণ, আর—কোলাপুরের সিংহাসনে উপবেশন ক'রে প্রজা শাসন ! [শৃঙ্খল মুক্ত করত রাজমুকুট প্রদান ও সৈনিকবেশী মঞ্জুলাকে তাহার হস্তে অর্পণ]

মহীরথ । একি ! একি পিতৃব্য ! [মঞ্জুলার নিজ বেশ প্রকাশ]
এঁা—একি ! মঞ্জুলা ! মঞ্জুলা ! খুল্লতাত ! খুল্লতাত !

সুরথ । রাজদণ্ড !

মহীরথ । না—না পিতৃব্য ! আমি এ দণ্ড কখনই গ্রহণ করবো না ।
মা ! মা !

সুরথ । চুপ্ কর মহীরথ ! তুমি জান না পুত্র, আমার এ দণ্ডদানের
কি উদ্দেশ্য । দেবি ! দেবি ! হয়েছে ? এতদিনে কি ঝড় ধাম্বে ?
সুরথ কখনো স্বার্থের জন্ত ভবিষ্যৎ নিষ্কটক কর্তে তোমার পুত্রকে আদেশ
দেয় নি । মহীরথ ! এইবার তুমি কোলাপুরের অধীশ্বর হ'য়ে রাজ্যপালন
কর—আমরা চললাম এখান হ'তে চিরজন্মের মত ।

মহীরথ । হবে না—হ'তে পারে না । বিসর্জিত দেবতা নিরানন্দময়
মন্দিরে মহীরথ একদণ্ডও থাকতে পারবে না । এই নাও রাজমুকুট—আমি
পারবো না পিতৃব্য ! আমি দুর্বল—আমি শক্তিহীন । মা ! মা ! এখনো
তুমি নিশ্চল হ'য়ে র'য়েছ ? এখনো কি তোমার দুর্জয় প্রতিহিংসা অনন্ত
ত্যাগের পদতলে লুটিয়ে পড়ছে না ?

সুরথ । স্থির হও পুত্র ! পিতৃব্যের আদেশ পালন কর । মায়ের
প্রাণে ব্যথা দিও না । মঞ্জুলা !

মঞ্জুলা । বাবা !

সুরথ । মনে রাখিস্ মা ! নারীর একমাত্র দেবতা স্বামী । যেন
ভুলেও কোনদিন স্বামীর চরণ-সেবায় ক্রটি করিস্ নে মা ! মহীরথ !
আমি তোমার হাতে আমার মঞ্জুলাকে সঁপে দিয়ে যাচ্ছি ; যেন তাকে
কোনদিন অযত্ন ক'রো না । রাগি ! রাগি !

শিশুপুত্রসহ মাধবিকার প্রবেশ ।

মাধবিকা । আমিও প্রস্তুত হ'য়ে এসেছি রাজা !

সুরথ । তবে চল রাণি বানপ্রস্থের নন্দন-কাননে । শুভযাত্রার
শুভ সন্ধিক্ষণ উপস্থিত ।

মহীরথ । তবে সত্য সত্যই কি আজ তোমরা চ'লে তাবে কোলাপুরের
জীবন্ত দেবদেবী কোলাপুরকে কাঁদিয়ে ? উঃ ! একি অবিচার—একি
নির্দয়তা ? না—না, আমি রাজা হবো না পিতৃব্য ! আমি চিরজীবন
যেন আনন্দের সাগরে ডুবে থাকতে পারি । আমি এ গুরুভার বহন
ক'রতে পারবো না ।

সুরথ । তা আর হয় না মহীরথ ! পিতৃব্যের আদেশ পালন কর ।

মাধবিকা । বাবা মহীরথ ! আমাদের জন্ম দুঃখিত হ'য়ে না ।
আমরা যেখানেই থাকি না কেন, তোমায় প্রাণ খুলে আশীর্বাদ ক'রবো ।
চল রাজা !

সুরথ । চল রাণি ! বিলম্ব ক'রলে মায়ায় ক্রমশই অস্তিত্ব হ'য়ে
প'ড়বো ।

মহীরথ । মা ! মা !

সুনন্দা । আমি কোন কথা শুনবো বা মহি ! আমার এ উদ্দাম
বাসনার কেউ গতিরোধ ক'রতে পারবে না । নীরবে রাজ্যভার গ্রহণ
কর ।

সুরথ । এস রাণি ! মা ! মা ! মহামায়া ! তোমার চরণে
আমাদের মহীরথকে সঁপে দিয়ে যাচ্ছি ; সে যেন কখনো তোমার
স্নেহ হ'তে বঞ্চিত না হয় ।

মহীরথ । খুল্লতাত ! খুল্লতাত ! কাকী-মা ! কাকী-মা ! [বাধাদান]

সুরথ । বাধা দিওনা মহি ! তুমি জান না পুত্র । আমাদের এ
অভিধানে কোলাপুরের চিরশাস্তির উদ্দেশ্য হবে ! এস রাণি !

[ঐহানোগত]

গীতকণ্ঠে সিদ্ধেশ্বরীর প্রবেশ ।

গীত ।

সিদ্ধেশ্বরী ।—

ওগো আমিও যাব তোমার সাথে

আধার পথে আলোক ধ'রে ।

মুছিয়ে দেবো আশিধারা

আমার অভয় বিমল করে ॥

ফুটবে নাকো কাঁটা পায়ে,

রাখবো বুকে ব্যথা স'য়ে,

হুথের হুথী আমিই আছি—

নাওনা আমায় সাথে ক'রে ॥

সুরথ । কে ? কে ? সিদ্ধি ? সিদ্ধিসাফল্যদায়িনী—বরাভয়প্রদায়িনী
মা এসেছিস্ ? তবে চল্ মা সিদ্ধি ! অনন্তের আলোক ধ'রে ঘোর
অন্ধকার পথে । সুরথ ভুলে যাক—সুরথ ভুলে যাক এই পার্থিব মায়া,
স্বার্থ-জড়িত সংসারের সমস্ত হুঃখ-যন্ত্রণা ; তার লক্ষ্যের পথে যেন ফুটে
ওঠে রক্তজ্বার মত বিশ্বমাতার চরণ হু'থানি ।

| মহীরথ, সুনন্দা ও মঞ্জুলা ব্যতীত সকলের ধীরে ধীরে প্রস্থান ।

মহীরথ । পিতৃবা ! পিতৃবা ! ওঃ—চ'লে গেল ? মঞ্জুলা ! মঞ্জুলা !
[পতনোচ্চত, মঞ্জুলা ধরিয়া ফেলিল ও বক্ষ মস্তক রাখিয়া] অন্ধকার—
অন্ধকার—সব অন্ধকার ! কোলাপুর চির-অন্ধকার ক'রে কোলাপুরের
জাগ্রত দেব-দেবী আজ চ'লে গেল ! উঃ ! ক'রুলে কি পাষাণি !

সুনন্দা । প্রতিশোধ—প্রতিশোধ মহীরথ ! সুনন্দার এ প্রতিশোধ ।
মৃত স্বামীর মুক্তি-যজ্ঞ । [প্রস্থান ।

মহীরথ । তোমার এ মহাযজ্ঞ কোনদিন পূর্ণ হবে না মা । আর
তোমার স্বামীরও মুক্তি অসম্ভব । [মঞ্জুলাসহ ধীরে ধীরে প্রস্থান ।

পঞ্চম দৃশ্য ।

রাজপথ ।

গীতকণ্ঠে মালিনীর প্রবেশ

গীত ।

মালিনী ।—

আমার এ টাটকা মালা শুকিয়ে গেল,

মনের মানুষ পেলাম না ।

মনের আশা রইলো মনে,

কোন কালেই মিটলো না ॥

মালী ।—

কেন তোর দুখ্য এত,

ধাক্তে মানুষ আমার মত,

(তবে) কেন তোর মনের আশা মিটছে না ॥

মালিনী ।—

নাইকো রে তোর গায়ে জোর,

খাটতে ভেমন দিবস তোর

মালী ।—

খেটে খেটে ঘাল হ'য়েছি

জ্যাস্তে মরা হ'য়ে আছি,

তবু তোমার আশা মিটে না

আর যে আমি পারছি না ॥

উভয়ে ।—

চল্ তবে চল্ ঘরে ফিরে

মনের মিল আর যাবে না ॥

[উভয়ের প্রস্থান]

ষষ্ঠ দৃশ্য ।

মাধবসর্দারের বাটা ।

অণিমা ও মাধবসর্দারের প্রবেশ ।

অণিমা । না বাবা ! তোমার এ অনুরোধ আমি রাখতে পারবো না । যদিও তুমি একজন নিরাশ্রয়কে আশ্রয় দিয়েছে—যদিও তুমি তোমার স্নেহের দ্বারে তাকে বন্দী ক'রে রেখেছ—যদিও তোমার প্রাণ খোলা মর্শ্বল্লী ভালবাসায় আমি আজ সকল যন্ত্রণা ভুলে গেছি ; তবু সে যে আমার মা ব'লে ডেকেছে—আমার সর্বস্ব সেই ডাকের সঙ্গে সঙ্গে কেড়ে নিয়েছে ।

মাধব । তু কি বাত বোল্ছিস রে বেটি ! হামি তুহার বাত শুনিয়ে অবাক বনিয়ে যাচ্ছি । সেই সেনাপতি যে শয়তান আছে ! তু আজ তাহারে ভালবাসিয়েছিস ? তু কি সব ভুলিয়ে গেছিস ?

অণিমা । না বাবা ! আমি কিছুই ভুলি নি । তার দুর্ব্যবহার—তার পৈশাচিক অভিনয়—তার সেই নির্মমতার রুদ্রমূর্তি আমি এখনও পর্যন্ত ভুলতে পারিনি ! কিন্তু—ওগো আমার স্নেহময় প্রতিপালক ! তুমি জান না সেই বিখ-গলানো—প্রাণ-মাতানো মা ডাক কত সুন্দর—কত প্রাণারাম—কত মধুর । আমি সেই মা ডাক শুনে আত্মহারা ! অভিশাপের উগত রক্ত আশীর্বাদে সিক্ত হ'য়ে উঠেছে ! সঙ্কুচিত বক্ষ আপনিই আজ প্রসারিত হ'য়ে গেছে । আমি যে আজ তার মা সেজেছি ; তখন কেমন ক'রে আমার পুত্রকে—

মাধব । কি ! তু হামার বাত্ শুন্বি না ? দে—দে, জলদি তাহারে হামার হাতে সঁপিয়ে দে । হামি তাহারে হামার কালী মায়ির পাশে বলি দিইয়ে ছুনিয়ায় দুষমনকে ছুনিয়া হ'তে সরিয়ে দিবে ।

অনিমা । হ'তে পারে সে পৃথিবীর শত্রু—হ'তে পারে তার কর্ম জগতের চক্ষে হয়, ঘৃণ্য—হ'তে পারে সে সৃষ্টির বিভীষিকা—কিন্তু আমি যে তাকে পুত্র ব'লে বুকে স্থান দিয়েছি—হ'হাতে আমার নেহ ভালবাসা তা'কে বিলিয়ে দিয়েছি । না বাবা ! আমি অতটা নিশ্চয়মা রক্ষণী হ'তে পারবো না ।

মাধব । তবে তু কি হামার বাত্ শুন্বি না ? হামি তুহাকে এত্তা ভালবাসিয়েছে—আশ্রয় দিইয়েছে—আউর তু হামার বাত্ শুন্বি নে ? ছো-ছো-ছো, এহি কি তুহার ধর্ম ?

অনিমা । ধর্ম ! আশ্রিতকে রক্ষা করা যে ধর্ম বাবা ! তুমিও তো সেই আশ্রিতকে রক্ষা ক'রতে কত না যত্নগা সহ ক'রেছ । কৈ—কোনদিনও তো তোমার সে ধর্ম প্রতিপালনে বীতরাগ নেই । অম্মান-বদনে আজীবন কত যত্নগা সহ ক'রছ ।

মাধব । তু কি জানিস্ নে বেটি ! ওহি সেনাপতি হামায় কেত্তো জালিয়েছে । সারা রাজ্যিটা জালিয়ে মারলে ! উহারে আজ ছোড়িয়ে দিলে ছুনিয়ার বহুত দুষমন মাথা খাড়া কোরিয়ে দাঁড়াবে । তু হামার বাত্ শোন্ অনিমা !

অনিমা । আমি তোমার ও কথা কিছুতেই শুন্তে পারবো না বাবা !

মাধব । বটে ! তুহার এত্তা সাহস, হামার বাত্ তু শুন্বি না ? হামি আজ তুহার কোন বাত্ শুন্বে না, আজ দুষমনকে জরুর বলি দিইয়ে ছোড়বে । হামি দেখবে তুহার কেত্তা ক্ষেমতা । মাধবসর্দারের বাত্ শুন্বে না, ছুনিয়ায় তো কৈ কো দেখিনি । [প্রস্থান ।

দশভুজা

[চতুর্থ অঙ্ক ।

অনিমা । একি ! চ'লে গেলে বাবা ! আচ্ছা যাও, কিন্তু তুমি
আমায় যে ধর্ম শিখিয়েছ, আমিও আজ সেই ধর্মের প্রাণ-প্রতিষ্ঠা
ক'রতে কৃতজ্ঞতার বিসর্জন দেবো ।

[প্রস্থান ।

দ্রুত অগ্নিমিত্রের প্রবেশ ।

অগ্নিমিত্র । স্পর্ধা—স্পর্ধা ! কুলটা অনিমার কি স্পর্ধা ! কোলাপুর-
সেনাপতি অনিলাক্ষ্যকে কোশলে এখানে বন্দী ক'রে এনেছে । আজ
আর কারো রক্ষা নেই । মাধবসর্দারকেও আজ দেখিয়ে যাব, হৈহয়-
সেনাপতির কতখানি ভীষণতা ! অনিমা ! অনিমা ! তোরও অব্যাহতি
নেই, আজ তোকে নিশ্চয়ই হৈহয়-রাজের নিকট নিয়ে যাবোই যাবো ।
চাই—হৈহয়-রাজ্য ।

গীতকণ্ঠে উমানন্দের প্রবেশ ।

গীত ।

উমানন্দ ।—

বুদ্ধি তোমার চমৎকার ।

নিজের কুলে কালি দিয়ে

লবে সুখে রাজ্যভার ॥

কাঁদিয়ে ভায়ে, কাঁদিয়ে বোনে,

সুখী হবে ভাব্ছ মনে,

হয় কি তাহা ওরে খেপা

কাঁদিয়ে হাসা অনিবার ॥

[প্রস্থান ।

যষ্ঠ দৃশ্য ।]

দশভূজা

অগ্নিমিত্র । দূর হও—দূর হও উন্মাদ ! তোমার শত উপদেশ
আমার এ অভিযানের পথ রুদ্ধ করতে পারবে না । কই—কই—
কোথায় অনিমা—কোথায় মাধবসর্দার ? আচ্ছা, দেখি কোথায় তারা ।

[দ্রুত প্রস্থান ।

অনিলাক্ষ্যকে লইয়া খড়্গহস্তে মাধবসর্দারের প্রবেশ ।

অনিলাক্ষ্য । ক্ষমা কর—ক্ষমা কর সর্দার !

মাধব . ক্ষমা ? নেহি—নেহি ! আমি তুহায়ে ক্ষমা কোরতে
পারবে না । আমি তুহাকে আজ বলি দিইয়ে ছোড়বে । ভাবিয়ে
দেখ সেনাপতি, তু কেত্তো পাপ কোরিয়েছিস্ । তুহার আশ্তে হামাদের
রেজা চলিয়ে গেলো—হামাদের রাজিটা শোশান হইয়ে যাচ্ছে ! কেত্তো
আদমি কাঁদছে ! আমি তুহায়ে কুছুতেই ছোড়বে না ।

অনিলাক্ষ্য । ছেড়ে দাও সর্দার ! আমি ভগবানের নামে শপথ
ক'রে বলছি, আর কখনো পাপ-কার্য্য ক'রবো না । আমার স্বার্থময়
অস্তুরের অন্ধকার সেই মহিমময়ী দেবীর মতিমার পুণ্য আলোকে আলো-
কিত হ'য়ে উঠেছে ! আমার উন্মত্ত লালসার পথে মানবত্ব এসে আমার
পশুত্বকে দূর ক'রে দিবেছে । এই দেখ সর্দার ! আমার অনুতাপের
অশ্রুজলে বুকখানা ভেসে যাচ্ছে ।

মাধব । শয়তান—শয়তান তুহারা ! তুহাদের আধমে পানি গিললেও
তুহাদের কলিজার ভিতর হ'তে শয়তান উঁকি মারে । তুহাদের
বিশোয়াস্ নেই, তুহারা সব কাম কোরতে পারিস্ । আমি আজ কোন
বাত্ শুনবে না ।

অনিলাক্ষ্য । মা ! মা ! কোথায় তুই ! আশ্রিত পুত্রকে আজ
রক্ষা কর মা !

অনিমার প্রবেশ ।

অনিমা । ভয় কি পুত্র ! সৃষ্টির শত শক্তি আজ তোমার সামনে
দাঁড়ালেও তুমি নিরাপদেই থাকবে মায়ের এই অভয় বক্ষে যুগ-
যুগান্ত কাল । [অনিলাক্ষ্যকে বক্ষে ধারণ]

অনিলাক্ষ্য । মা ! মা !

অনিমা । তোমার ওই ডাকই যে আজ আমার সর্বস্ব কেড়ে নিয়েছে
পুত্র ! ভয় নেই । পুত্রের ভক্তির অন্তরালে ব্যথার শানিত ছুরিকা
লুকিয়ে থাকলেও মায়ের সেই অনন্ত স্নেহের অন্তরালে চিরদিন চির-
যুগই লুকিয়ে আছে অভয় অনুরাগ আকর্ষণ ।

মাধব । অনিমা ! অনিমা ! তু সরিয়ে যা বেটি ! কেনো হামায়
রাগাচ্ছসু ? আজ কেউ হামায় রুখতে পারবে না । যা—যা—সরিয়ে
যা—সরিয়ে যা !

অনিমা । হবে না বাবা ! তুমি আমার যে ধর্মের দীক্ষায় দীক্ষিত
ক'রেছ, আমি সে ধর্ম কিছুতেই ভুলবো না । আজ যদি অনিলাক্ষ্যকে
না ছেড়ে দাও, তাহ'লে জেনো বাবা ! কণ্ঠা তোমার পিতৃদ্রোহিণী
হবে । ভুলে যাবে তোমার সেই অফুরন্ত স্নেহের দাবী, তোমার সেই
মুক্তিদানের কথা—তোমার সেই নিঃস্বার্থ ভালবাসায় ।

মাধব । ওঃ ! হামি কি কোরিয়াছে ! কালসাপিনীকে দুধ কল
থাইয়ে পুষিয়েছে । ওঃ ! বেইমান—বেইমান ! ছনিয়াটা বেইমান ।
সরিয়ে যা—সরিয়ে যা বেটি !

অনিমা । কেন বাবা হিংসার বশবর্তী হ'য়ে তোমার ধর্মকর্ম হারিয়ে
ফেল্ছো ? কাঁদিয়ে কি কার্নার প্রতিশোধ নেওয়া যায় ? প্রতিশোধ
নিতে হয় বুকের ভালবাসা দিয়ে । দেখবে তখন সেই আততায়ীর

ষষ্ঠ দৃশ্য ।]

দশভূজা

অমৃতাপ-দক্ষ চোখের জল অঝোরে ঝরে প'ড়বে । যে প্রাণ বিধাতার সৃষ্ট রাজ্যের এক গরিষ্ঠ সম্পদ, শত চেষ্টায় যা দিতে পারে না, সেই প্রাণ তুমি নষ্ট ক'রতে চাও ? সেনাপতি যতই অপরাধ করুক না কেন, তবু ওকে ক্ষমা ক'রতে হবে, ম'রে গেলে পাপের প্রায়শ্চিত্ত হয় না বাবা ! বেঁচে থেকে অমৃতাপই হ'চ্ছে পাপের যোগ্য দণ্ড । ম'লেই তো সব ফুরিয়ে গেল ।

মাধব । বটে ! আচ্ছা দেখ, তু কেমন কোরিয়ে উহা'রে রাখতে পারিস্ ? আয়—আয় রে ছবমন ! [অনিলাক্ষ্যকে খড়্গাঘাতে উত্তত]

অনিলাক্ষ্য । [সভয়ে] মা ! মা !

অনিমা । সাবধান ! সাবধান বাবা ! আর একপদ অগ্রসর হ'লে [ছুরিকা বাহির করতঃ] এই শাণিত ছুরিকা আশ্রিত-রক্ষা মহাধর্মের প্রাণ-প্রতিষ্ঠা ক'রতে মাধবসর্দারের বক্ষ-রক্ত পান ক'রতেও কুণ্ঠিত হবে না । তোল—তোল তুমি তোমার সিংসার রক্ত-খড়্গ—আমি তুলে ধরি ধর্ম-দণ্ড—বাধুক পিতা-পুত্রীর মহাসমর ; দেখি, জয়ী হয় কে—প্রতিহিংসা—না ধর্ম ?

দ্রুত অগ্নিমিত্রের প্রবেশ ।

অগ্নিমিত্র । কই—কই কোথায় সেই কলঙ্কিনী অনিমা—কোথায় সেই বন্যপশু মাধব সর্দার ? আজ আর কারো রক্ষা নাই ! এই যে! হাঃ-হাঃ-হাঃ ! শিকার সম্মুখে ।

মাধব । কে—কে তুই ?

অগ্নিমিত্র । তোমার মৃত্যু ।

মাধব । ও, তুই সেই হৈহয়-সেনাপতি ? যা—যা, তুরন্ত চলিয়ে যা । নহিলে আজ এই সেনাপতির মাফিক তুহা'রেও কাটিয়ে ফেলবে ।

অগ্নিমিত্র । দাও—দাও সর্দার ! শীঘ্র অনিমােকে আমার করে অর্পণ কর—নতুবা তোমার নিস্তার নেই ! জানো না হৈহয়রাজের কতখানি বীরত্ব ?

মাধব । যা—যা, হামি কোভি অনিমােরে দিতে পারবে না—হামি উগারে আশ্রয় দিইয়েছে ।

অনিমা । আর আমিও বে অনিলাক্ষ্যাকে আশ্রয় দিইয়েছি বাবা ! বল—বল, কি ব'লবে এখন বল ? তুমি যদি আজ আমার আশ্রয়চ্যুত ক'রতে পার—তাহ'লে আমিও সেনাপাতকে আশ্রয়চ্যুত ক'রবো ।

মাধব । তাইতো, হামি একি বিপদে পড়লাম ! দুনিয়ার মালিক । তু হামার ধরম্ রক্ষা কর ।

অগ্নিমিত্র । তাহ'লে দেবে না অনিমােকে ? আরে—আরে অহঙ্কারী ইতর ! [অস্ত্রাঘাতে উগত]

অনিলাক্ষ্য । সাবধান পরস্বাপহারী দস্যু ! [অস্ত্র নিক্ষেপন]

অগ্নিমিত্র । একি ! সেনাপতি ! তুমি আজ আমার বিরুদ্ধে অস্ত্র ধ'রতে চাও ?

অনিলাক্ষ্য । হ্যাঁ, চাই ! এতদিন যে চাইনি—সেই হ'চ্ছে আমার অকৃতজ্ঞতা মহাপাপ ! একটা ভুলের বশে—স্বার্থের সুমোহন স্বপ্নে আমি আত্মহারা হ'য়ে ভুলে গিয়েছিলুম—ভাই-ভগ্নী—স্বদেশ-প্রীতি, স্নেহ-অনুরাগ ! উন্মত্ত পিশাচ সেজে সৃষ্টির অভিশাপই কুড়িয়ে নিয়েছি । কিন্তু আর নেবো না হৈহয়-সেনাপতি ! আমার চোখের ধাঁধা কেটে গেছে ! আমি ভাই চিনেছি—বান চিনেছি—দেশ চিনেছি !

অগ্নিমিত্র । সেনাপতি ! বিশ্বাসঘাতক !

অনিলাক্ষ্য । যাও—যাও, অবিলম্বে শিবির নিয়ে স্বদেশ ফিরে যাও ! যার জন্ম কোলাপুর আজ কাঁদছে—যার জন্ম তুমি কোলাপুরের

বুকের উপর দাঁড়িয়ে অহঙ্কারের রুদ্র মূর্তি দেখাচ্ছ—সেইই আজ তোমার বিরুদ্ধে দাঁড়িয়েছে । বাও—বাও, কে তুমি—কোথাকার তুমি—তোমার সঙ্গে আমার কি সম্বন্ধ—তুমি আমার কে ? মাধব ! মাধব ! এস এস ভাই—এস বন্ধু—এস দেবতা ! দুজনে এক হ'য়ে দাঁড়াই এস । কোলাপুরের বিধবস্ত বুকে আবার ঐক্যের ঐক্যতান বাণ বেজে উঠুক !

অগ্নিমিত্র । কি—কি, হৈহয়-সেনাপতির অপমান ! ময় তবে অহঙ্কারীর দল !

[যুদ্ধ ও অনিলাক্ষ্যের পতন]

অনিলাক্ষ্য । ওঃ—ওঃ মাধব ! আর পারলুম না ভাই, মাকে আমার রক্ষা ক'রতে !

অনিমা । পুত্র ! পুত্র ! ওরে পুত্র আমার !

[অনিলাক্ষ্যকে ধরিল]

মাধব । ওঃ ! দুনিয়ার মালিক ! একি করলি ? [মুচ্ছিত]

অগ্নিমিত্র । আয়—আয় ব্যভিচারিণি !

[অনিমার হস্ত ধারণ]

অনিমা । ছেড়ে দাও—ছেড়ে দাও দাদা ! ভগ্নীকে আজ একজন লম্পটের হাতে তুলে দিয়ে কি পৌরুষ অর্জন ক'রবে ?

অগ্নিমিত্র । শুদ্ধ হ' কলঙ্কিনি ! আয়—আজ আর তোর নিস্তার নেই ! আমার সুখের স্বপ্ন যে তুই ভেঙ্গে দিয়েছিস্ !

অনিমা । তোমার পায়ে ধ'রে বলছি দাদা ! একি তোমার স্বার্থপূজার বিরাট আয়োজন ! পবিত্র বংশে কলঙ্ক-কালিমা লেপন ক'রতে—আত্মসুখ চরিতার্থ ক'রতে—ভাই হ'য়ে ভগ্নীর ইহ-পরকাল নষ্ট ক'রবে ? উঃ ! ভগবান্ ! তোমার পুণ্যরাজ্যে এত অনাচার—এত অত্যাচার—এত ব্যভিচার ! তবুও তুমি নীরব নিশ্চল হ'য়ে ব'সে

‘আছ ণায়বান স্তম্ভবিচারক হ’য়ে। এস—এস আর্জহারি—এস বিপদ-
বান্ধব—এস দুর্জনদলিত শক্তিমান্! বিপন্ন সতীর ‘ধন মান রক্ষা
কর দয়াময়!

অগ্নিমিত্র। আয়—আজ আর তোর পরিত্রাণ নেই! শত চেষ্টায়
আমার এ আকাঙ্ক্ষাকে দমন ক’রতে পারবিনে।

অনিমা। উঃ! ভগবান! কি করি—কি করি! সতীর মান
মর্যাদা আজ চ’লে যাবে? না—না, তা হবে না—অমূল্য রত্নহারী
হ’য়ে আমি চিরদিন ভিখারিণীর সাজে থাকতে পারবো না। তার
চেয়ে আমার চিরশাস্তির পথ এই—[নিজ বক্ষে ছুরিকাঘাত] উঃ! উঃ!
[পতন]

মাধব। [মূচ্ছাভঙ্গে] মায়ি! মায়ি! করলি কি? ও হো-হো-হো!
হুনিয়ার মালিক! তুহার একি বিচার!

অগ্নিমিত্র। য্যা একি! একি! একি! অনিমা! অনিমা!

অনিমা। আমি তোমার সব আশা ব্যর্থ ক’রে দিলাম দাদা!
কি ক’রবো উপায় নেই! আমি তোমার নেহের ভগ্নী হ’লেও—
প্রণাম ক’রবার পাত্রী হ’লেও—আমি তোমার মর্যাদা রক্ষা করতে
পারলাম না। সতী জগতের সর্বস্ব ত্যাগ ক’রতে পারে; কিন্তু কখনো
সে পারে না তার সতীধর্ম ত্যাগ ক’রে অতুল ঐশ্বর্যের অধিকারিণী হ’তে।

অগ্নিমিত্র। ওঃ! এতদিনে আমার সব আশা নিরাশার সাগরে
ডুবে গেল।

দ্রুত মঞ্জুলা ও সিদ্ধেশ্বরীর প্রবেশ।

শাস্ত্রনীল। তবুও তুমি মানুষ হ’তে পারলে না? তোমার দুর্জয়
স্বার্থের পথে পদে পদে ধর্ম এসে বাধা দিলেও তবু তোমার

ষষ্ঠ দৃশ্য।]

দশভূজ।

লালসার উন্মাদনা দূর হ'চ্ছে না, তবু তুমি বিশ্বকে ভালবাসতে শিখলে না ? ছিঃ-ছিঃ-ছিঃ ! তবু তুমি নিজেকে মানুষ ব'লে পরিচয় দিতে চাও ?

অগ্নিমিত্র। যাও—যাও, সরে যাও—নতুবা আজ ব্রাহ্মণ ব'লে পরিচয় পাবে না।

শান্তশীল। কি বললি নারকি ! ব্রাহ্মণ দুর্বল ব'লে তাকে উপহাস ? কিন্তু মুখ, জানিসনে এই ব্রাহ্মণের জরাজীর্ণ গুহ বন্ধে কতখানি প্রলয়ের বাড়বানল পুঞ্জীভূত হ'য়ে আছে ? ব্রাহ্মণ ইচ্ছা ক'রলে একটি কটাক্ষে—একটি আঙ্গুলি হেলনে—একটি নিঃশ্বাসে স্রষ্টার সৃষ্টি ধ্বংস ক'রে আবার নূতন সৃজন ক'রতে পারে।

অগ্নিমিত্র। ব্রাহ্মণের সে ক্ষমতা এখন নেই।

শান্তশীল। আছে—আছে ! দুর্গন্ধ নরককুণ্ডে চিরদিন পড়ে থাকলেও স্বর্গ—স্বর্গ। বিশ্বের নিকট তার চির-সমাদর ! নীরবে চ'লে যাও ! যা ক'রেছ—তা আর ফিরবে না ! এখনো যদি পাপজীবনের অবশিষ্ট কাল সুখে কাটাতে চাও—তাহ'লে অমৃততাপের অর্ঘ্য সাজিয়ে ভগবানের পাদপদ্মে নিবেদন করগে। নতুবা তোমার আর অব্যাহতি নাই ! বিশ্বের নিকট তেমন কিছু প্রতিদান না পেলেও—তোর কাছে তোমায় দণ্ডিত হ'তেই হবে।

অগ্নিমিত্র। আচ্ছা ! আমিও একদিন এর প্রতিশোধ নেবো।

[প্রস্থান।

শান্তশীল। অনিমা ! অনিমা !

অনিমা। এসেছ বাবা ? এস—এস ! পদধূলি দাও—আমার জন্ম জীবন সার্থক কর—আমার এ মহাযাত্রার পথ আলোকিত ক'রে তোল !

শান্তশীল। করলি কি মা ! অথদে জীবন বিসর্জন দিলি ?

অনিমা। সতী নারীর এই তো চির কামনার বাবা ! উঃ !

দশভূজা

[চতুর্থ অঙ্ক ।

আর কথা কইতে পার্ছিনে ! আশীর্বাদ কর বাবা ! আমার দেশের মেয়েরাও যেন আমার মত সতীধর্ম রক্ষায় ম'রতে পারে । বিদায়—
বিদায় ! [মৃত্যু]

শান্তশীল । অনিমা ! মা আমার ! সব শেষ ! সৃষ্টির একটা গরীয়ান সস্তার অকালে নষ্ট হ'য়ে গেল ! মাধব—মাধব !

মাধব । ঠাকুর বাবা ! কি করবে ? আমি কিছুতেই ছুসমনকে পারলো না । উঃ ! আমার মায়িকে কাড়িয়ে নিলে ।

অনিলাক্ষ্য । শান্তশীল ! শান্তশীল ! আমার অপরাধ ক্ষমা কর ! আমি তোমার প্রাণে কত না যত্নগা দিয়েছি । সব ভুলে যাও ! আজ আমার মহাসক্তির সন্ধিক্ষণ উপস্থিত—আমায় আশীর্বাদ কর ব্রাহ্মণ ! মায়ের জন্ত আমিও জীবন দিয়েছি । আমাকেও আজ বিদায় দাও—ক্ষমা কর !

শান্তশীল । বাঃ, চমৎকার ! ভগবান্ ! কি সুন্দর তোমার নিয়ম শৃঙ্খলা । অনিলাক্ষ্য ! ভাই ! বন্ধু ! আজ অহঙ্কারে আমার ভাঙ্গা বুকখানা নেচে উঠলো । এতদিনের পর আমি প্রকৃত ভায়ের মত ভাই পেলাম । এস—এস ভাই, বৃকে এস । [অনিলাক্ষ্যকে বক্ষে ধারণ]
আজ তোমার এ মরণ চির গৌরবের—চির আদরের । দেশের সম্মানগণ যেন এমনিভাবে মরণ-মন্ত্রে দীক্ষিত হয় ।

অনিলাক্ষ্য । বিদায়—ব্রাহ্মণ—উঃ ! [মৃত্যু]

শান্তশীল । অনিলাক্ষ্যও চ'লে গেল । আর কি হবে মাধব ! এখন চল এদের এই মাতা পুত্রকে ওই শ্মশানের পবিত্র বক্ষে নিয়ে যাই চল । কাঁদো—কাঁদো মাধব । তুমিও কাঁদো—আর আমিও কাঁদি—
ছু'জনের সম্মিলিত বেদনার অশ্রুধারায় ধরিত্রীর বুকখানা ভেসে যাক—
আর এই শুক প্রকৃতির বিরাট অঙ্কে নিরঞ্জনের বাণ বেজে উঠুক ।

[শান্তশীল অনিমা কে বক্ষে করিল, মাধব অনিলাক্ষ্য কে বক্ষে
করিল ও ধীরে ধীরে উভয়ের প্রস্থানোত্তোগ]

নেপথ্যে জনৈক সাধক গাহিতে লাগিল ।
গীত ।

সাধক ।—

কাল-আধারের নীরে

জীবন-প্রবি ওই ডুবিয়ে যায় ।

তবু এ ভ্রান্ত চিত হয়,

মুক্ত হইয়া থাকে মদিরা-মায়ায় ॥

আমার সাধনা তরে

মরিচীকা মাঝে ঘোরে,

স্বপনে ভাবে না কভু, পেছুতে দাঁড়ায় কাল ;

বৃথা এ আমার ভেবে অপরে কাঁদায় ॥

[উৎকর্ণভাবে গান শুনিতে শুনিতে উভয়ের ধীরে ধীরে প্রস্থান]

পঞ্চম অঙ্ক ।

প্রথম দৃশ্য ।

অন্তঃপুর ।

সুনন্দা ও মহীরথের প্রবেশ ।

মহীরথ । এই নাও মা রাজমুকুট । আমায় বিদায় দাও ।

সুনন্দা । সে কি পুত্র ?

মহীরথ । অবাক হ'য়োনা রাক্ষসি ! রাজ্যে আমার প্রয়োজন নেই, আমি রাজা হ'তে চাই না, এ রাজ্যলাভে শান্তি নাই, উঃ—কি মর্মান্তক বেদনা আমার । প্রজারা যে কাঁদছে । কি ক'রলে পাষণি ? স্বার্থের জন্য রাজ্যবাসীকে কাঁদালে ? তীব্র বিষের জ্বালায় আমার সর্বাস্ত্র জলে যাচ্ছে । আমি আর এক মুহূর্তকাল এখানে থাকতে পারছি না ।

সুনন্দা । তা'হলে রাজ্য চাও না ?

মহীরথ । না—না, রাজ্য চাই না ; যে রাজ্যে সুখ নেই—শান্তি নাই—সে রাজ্যে আমার প্রয়োজন নেই মা ! এ রাজ্য তুমি যাকে হয় বিলিয়ে দাও ; প্রয়োজন নেই । উঃ—তোমার প্রাণ কি পাষণ, দেব-দেবীর বিসর্জন দিলে ! ঐ যে তারা কাঁদছে । ওই যে তাদের চোখের জল তরঙ্গে তরঙ্গে ছুটে আসছে । আমি চল্লুম তাদের ফিরিয়ে আনতে । যদি তারা না আসে—তা'হলে মহীরথেরও এ অগস্ত্য-যাত্রা । [প্রস্থানোচ্চত]

সুনন্দা । মহীরথ ! মহীরথ ! মায়ের প্রাণ ব্যথা দিয়ে চ'লে যাসনে ।

মহীরথ । পাষাণীর প্রাণ কখনও ব্যথায় আহত হয় না ।

[প্রস্থান ।

সুনন্দা । একি ? সত্যই বে মহীরথ চ'লে গেল । মায়ের কথা শুনলে না, আমার সকল আশা বার্থ ক'রে দিলে । কোলাপুর-সিংহাসন যে আমার বহুদিনের সাধনার সম্পদ । না—না, এ সিংহাসন আমি সহজে ত্যাগ ক'রতে পারবো না ।

[নেপথ্যে জয় হৈহয়-রাজের জয় !]

সুনন্দা । ওকি ? ওকি ?

অগ্নিমিত্র । [নেপথ্যে] তোরণ দ্বার চূর্ণ-বিচূর্ণ ক'রে জলশ্রোতের মত রাজপুরীতে প্রবেশ কর । কোলাপুর বিধ্বস্ত ক'রে হৈহয়রাজের জয়ভেরী বাজিয়ে দাও ।

সুনন্দা । একি দৈবের অপ্রতিহত আক্রমণ, বিশ্বাসঘাতক হৈহয়-সেনাপতি রাজপুরী আক্রমণ ক'রেছে, তাইতো এখন কি ক'রে রাজ্যরক্ষা হয় । ওরে কে আছিস্, মহীরথকে ডেকে নিয়ে আয় । [প্রস্থানোত্ত]

সনৈন্তে অগ্নিমিত্রের প্রবেশ ।

অগ্নিমিত্র । দাঁড়াও রমণি একপদ অগ্রসর হ'য়ো না আর ! সৈন্তগণ, বন্দী কর—বন্দী কর ওরে । [সুনন্দাকে দেখাইয়া দিল]

সুনন্দা । একি ! সেনাপতি ? বিশ্বাসঘাতক,
একি তব কর্মের আচার ?
কৌশলে লইতে চাও কোলাপুর-সিংহাসন ?
ভুলে গেলে পূর্ব প্রতিশ্রুতি ?

অগ্নিমিত্র । কণ্টকে কণ্টক নাশ শাস্ত্রের বচন ।

তুমি কি ভেবেছ নারি,

তোমারি আদেশতলে নতশিরে
 রব আমি । হাঃ-হাঃ-হাঃ !
 আকাশকুসুম সম কল্পনা তোমার !
 ছাড় অহঙ্কার, বন্দী হও নীরব ভাষায়
 নারী-সম্মুখের তব নাতি হবে হানি ।
 সুনন্দা । এত স্পর্ধা তব ? এতদূর উন্নত লালসা ?
 যাও—যাও, চ'লে যাও,
 যতক্ষণ সুনন্দা রহিবে জীবিত,
 ততক্ষণ পারিবে না হইতে বিজয়ী ।
 জাগায়ো না ক্ষুধিত সিংহিনীরে,
 প্রতিফল পাইবে এখনি ।
 অগ্নিমিত্র । সৈন্যগণ ! করিও না ভয়,
 বন্দী কর দপিতা নারীরে ।
 সুনন্দা । সতাই করিবে বন্দী বিশ্বাসঘাতক !
 ওরে কে আছিস, রক্ষা কর
 কোলাপুর আজ ।

উত্কের প্রবেশ ।

উত্ক । ভয় নাই—ভয় নাই দেবি,
 কোলাপুর রক্ষার কারণ
 আছে একজন,
 দিবে আজ প্রাণ বিসর্জন ।
 অগ্নিমিত্র । আরে আরে দেশজোহি
 এত শক্তি তোর ?

প্রতি পদে জ্যেষ্ঠে অপমান ?

সৈন্তগণ ! একযোগে আক্রমণ

কর ওই হৈতয়-শক্রেরে ।

উত্ক ।

আমিও প্রস্তুত দাদা !

মহাঋণ দিতে প্রতিশোধ—

[বৃদ্ধ ও উত্কের ভাব]

উঃ—উঃ, পারিনে যে আর—

চূর্ণ অস্ত্র, শিথিল অবশ অঙ্গ,

নিভে যায় জীবন-প্রদীপ ।

[পলায়ন]

অগ্নিমিত্র ।

বধ কর—বধ কর ওরে । [সৈন্তগণের পশ্চাৎদ্রাবন]

উত্ক ।

[নেপথ্যে] ওঃ—ওঃ, দাদা ! দাদা !

অগ্নিমিত্র ।

হাঃ-হাঃ-হাঃ, মরিলি উত্ক ?

সৈন্তগণ ! সৈন্তগণ !

বন্দী কর—বন্দী কর

রাক্ষসী নারীরে ।

[সৈন্তগণ আসিয়া সুনন্দাকে বন্দী করিল]

যা—যা, নিয়ে যা কারাগৃহ-মাঝে

বিচার করিয়া দণ্ড দিব রাক্ষসীরে ।

সুনন্দা ।

উঃ—উঃ ! একি পরিণাম !

আশার তরণী হায় এতদিনে

ডুবে গেল আধার সাগরে,

মহি ! মহি !

আয়—আয়—আয়,

ফিরে আয় বাবা !

দ্বিতীয় দৃশ্য ।

বনপথ ।

সিন্ধেশ্বরী , সুরথ ও মাধবিকার প্রবেশ গীত ।

সিন্ধেশ্বরী ।—

কাঁপিও না ভয়ে ওগো বীর ।
প্রলয়-তুফান আসুক ছুটে,
তুলে রাখ তব উচ্চ শির ॥
এগিয়ে চল আধার পথে,
জানিতে পাবে হাতে হাতে,
কালরাহর ঐ অটুহাসে—
চক্ষে কেন অশ্রুণীর ॥

মাধবিকা ।

মহারাজ !

সুরথ ।

কহিও না মহারাজ আর ।

আর যে সহিতে নারি

বেদনা তোমার ।

মাধবিকা ।

কোথায় যাইব আজ ?

আর যে সহিতে নারি—

বেদনা তোমার ।

সুরথ ।

না—না রাগি,—নাহি কোন ব্যথা যোর ।

শুধু মার তরে কাঁদে প্রাণ !

যে মায়ের মেহের ধারায়

(১৭৭)

এ জীবন হইল বর্ধিত—

তাহারি সেবায় আজি হইয়া বর্ধিত

পথে পথে কাঁদিয়া বেড়াই ।

সিদ্ধি ! সিদ্ধি ! কেন মাগো এলি তুই

আমাদের সাথে ?

কত কষ্ট হবে মাগো তোর,

সহিবি কেমনে বল ।

সিদ্ধেশ্বরী ।

না বাবা, কোন কষ্ট হয়নি আমার ।

মাধবিকা ।

মহারাজ ! কোথায় যাইব মোরা,

কে দেবে আশ্রয় ?

সুরথ ।

আশ্রয়ের নাইক অভাব ;

উর্দ্ধে ঐ চন্দ্রাতপ-নিম্নে শ্যামা বৃক্ষরা !

নিবিড় অরণ্যমাঝে

বৃক্ষপত্রে রাচিয়া কুটীর,

মহাস্থখে রহিব সেথায় ।

সাথী হবে কাননবিহারী

পশুপক্ষিগণ, কলস্বিনীনিরবধি

তুলিবে ঝঞ্ঝায় ।

ক্ষুধায় যোগাবে ফল তরুলতাচয় ।

সমৈন্তে অগ্নিমিত্রের প্রবেশ ।

অগ্নিমিত্র ।

সৈন্তগণ ! সৈন্তগণ !

তীক্ষ্ণ অস্ত্রে বধ কর

ওই কোলাপুরপতি সুরথকে ।

সুরথ । কে—কে তুমি ?
 অগ্নিমিত্র । সেই অপমানিত হৈহয়-সেনাপতি
 অগ্নিমিত্র তব মৃত্যুকামী ।
 সুরথ । এখানেও তুমি ?
 অগ্নিমিত্র । হাঃ-হাঃ-হাঃ, এখানেও আমি !
 মনে পড়ে কোলাপুররাজ
 অপমানের কথা ?
 এখনো ভুলিনি সেই অপমান ।
 তোমার কোলাপুররাজ্য
 এখন আমার ।
 মহীরথ পালায়িত, উত্ক ও
 শেষ,—এইবার তুমি ।

সুরথ । চমৎকার—চমৎকার তোমার কর্মের তালিকা, চমৎকার তোমার জয়ের গৌরব, চমৎকার তোমার জন্মের সার্থকতা । কিন্তু মনে য়েখো সেনাপতি, বর্তমানে তুমি সৌভাগ্যের উচ্চ শীর্ষে আরোহণ ক'রলেও একদিন আবার তোমায় দুর্ভাগ্যের অন্ধকারে এসে দাঁড়াতে হবে । যাও রাজ্য নিয়েছ ভালই ক'রেছ । আশা তো পূর্ণ হয়েছে, আর কেন ? এখনো কি আশা মেটেনি ?

অগ্নিমিত্র । না—না আশা মেটেনি, তোমায় হত্যা না ক'রতে পারলে আমি নিশ্চিত্তে রাজ্যভোগ ক'রতে পারবো না । জানি না ভবিষ্যতে যদি তুমি আমার সৌভাগ্যের অন্তরায় হ'য়ে দাঁড়াও, সৈন্যগণ !

সুরথ । নিষ্ঠুর—বিশ্বাসঘাতক ! ভেবেছ বোধ হয়, এইরূপ ভাবেই চিরজীবন অতিবাহিত ক'রবে । ভ্রম—ভ্রম মহাভ্রম, তোমারও জন্ম অদূরে কাল শানিত ধড়গ নিয়ে দাঁড়িয়ে আছে ।

দশভুজা

[পঞ্চম অঙ্ক ।

অগ্নিমিত্র । কি, আবার উপদেশ ! সৈন্তগণ বধ কর—বধ কর ।
এস কোলাপুরপতি ! আজ তোমায় শেষ ক'রে ফেলি ।

[একযোগে আক্রমণ]

মাধবিকা । ওগো কে আছ, বিপন্নদের রক্ষা কর । ভগবান্ ! ভগবান্ !
তুমি কি জগৎ হতে অন্তর্হিত হ'য়ে গেছ ?

দ্রুত মহীরথের প্রবেশ ।

মহীরথ । না—না, ভগবান্ জগৎ হ'তে অন্তর্হিত হয়নি, ভগবান্
জগত হ'তে অন্তর্হিত হ'লে সৃষ্টি ধ্বংসগতে ডুবে যেত । আরে—আরে
দুরন্ত দানবের দল !

অগ্নিমিত্র । বধ কর—বধ কর ওই হৈহয়-শত্রুকে !

[যুদ্ধ ও মহীরথের পতন ।

মহীরথ । উঃ—উঃ ! খুল্লতাত—খুল্লতাত ! আর পাম্বলুম না
তোমাদের রক্ষা করতে । [পতন]

মাধবিকা । মহি—মহি ! বাবা আমার !

[মহীকে ধরিল]

সুরথ । মহীরথ—মহীরথ !

অগ্নিমিত্র । সৈন্তগণ ! বধ কর—বধ কর এইবার ।

সুরথ । উঃ—উঃ, মা ! মা ! রক্ষা কর মা ! একটু দাঁড়াও—
একটু দাঁড়াও সেনাপতি ! একটীবার ভাল ক'রে আমার মহীরথের
বিদায়ের মুখখানা দেখে নিই ।

অগ্নিমিত্র । হবে না—হবে না ; সৈন্তগণ ! সৈন্তগণ !

[আক্রমণে উত্তত]

মেধসের প্রবেশ ।

মেধস । ব্রাহ্মণের এই মন্ত্রঃপুত বারিতে ময় তোরা দানবের দল ।

[কমণ্ডলুর জল নিক্ষেপ]

অগ্নিমিত্র । উঃ—উঃ—একি ! সর্বাঙ্গ যে জ'লে গেল—পুড়ে গেল ।

উঃ—উঃ । পালাই ।

[সৈন্তগণসহ পলায়ন ।

সুরথ । কে—কে তুমি মহাপুরুষ
বিপন্নের রক্ষিলে জীবন ?
অসংখ্য প্রণাম পদে ।
দেহ তব আত্ম পরিচয় ।

মেধস । মেধস আমার নাম,
অদূরে আশ্রম মম ;
নাহি ভয় । এস রাজা,
নিশ্চিন্তে করিবে বাস—
কোন শত্রু কোনদিন
পারিবে না সাধিতে অনিষ্ট তব ।

সুরথ । অযাচিত দয়া তব
হে মহর্ষি ! বর্ণনা অতীত ।
রাগি ! রাগি ! এস রাগি—
নির্ভয় আমরা, ভগবান্
পাঠালেন অগ্রদূতে তাঁর
ভক্তের কারণ ।

মহীরথ । খুলতাত—খুলতাত !

শেষ—মোর সব ।
 ফিরে যাও—ফিরে যাও
 ওগো স্নেহময় !
 তোমারি বিহনে কাঁদে
 রাজ্যবাসী প্রজা সব ।
 মরুভূমি—আর্তনাদ ওঠে অনিবার ।
 কাঁদ মাতা জন্মভূমি
 শত্রুর পীড়নে ।

স্বরথ ।

উঃ—উঃ—একি দৈব বিড়ম্বনা !
 ভগবান্ কি করিলে মোর ।
 অকালে নিভায়ে দিলে
 আশার প্রদীপ ।
 মহীরথ ! স্নেহের তনয় !
 কি করিলে আজ ?
 রাগি—রাগি ! ভেঙ্গে যায় নয়নের বাঁধ ।

মাধবিকা ।

মহি ! মহি ! ওরে পুত্র,
 কাঁদায় কোথায় যাস্ জনমের মত ?
 ওগো, কে আছ হেথায়—
 বাঁচাও বাঁচাও মোর
 নয়ন-আনন্দে ।

মেধস ।

জন্ম-মৃত্যু চির সত্য জানিও সংসারে ।
 অনুতাপ কি আছে তাহাতে ?
 এস রাজা, সন্ধ্যা সমাগতা—
 বিলম্বে আসিতে পারে বৈরিগণ তব ।

মহীরথ ।

প্রণাম চরণে ওগো খুল্লতাত !

ওগো দেবি ফিরে যাও

কোলাপুরে পুনঃ । মঞ্জুলা সেথায় হায় !

জানি না তাহার প্রতি—

উঃ—কহিতে পারি না আর—

বিদায়—বিদায় ।

[মৃত্যু]

স্বরথ, মাধবিকা । মহীরথ ! মহীরথ !

মেধস ।

বৃথা কার্না মহারাজ !

পুত্র তব ফিরিবে না আর ।

দাহ কার্য্য করিবারে সম্পাদন

নিয়ে এস অদূর শ্মশানে ;

গতি কর পুত্রের আত্মার ।

স্বরথ ।

চলুন মহর্ষি !

রাগি ! রাগি ! চমৎকার অদৃষ্ট মোদের ।

কাঁদ—কাঁদ রাগি,

কার্না ছাড়া আমাদের আর কিছু

নাহিক সম্বল ।

[সকলের প্রশ্নান ।

তৃতীয় দৃশ্য ।

অস্তঃপুর ।

দ্রুত মঞ্জুলার প্রবেশ ও তৎপশ্চাৎ
অগ্নিমিত্রের প্রবেশ ।

মঞ্জুলা । ওগো—কে আছ কোথায় ? দুর্দ্বর্ষ দানব-কবল হ'তে আমায়
রক্ষা কর ।

অগ্নিমিত্র । হাঃ-হাঃ-হাঃ, বৃথা চেষ্টা—বৃথা চীৎকার । কেউ তোমায়
রক্ষা ক'রতে এখানে ছুটে আসবে না । এখনো তুমি আমার
প্রস্তাবে সম্মত হও রাজনন্দিনি ! নতুবা বলপ্রয়োগ ক'রতেও কুণ্ঠিত
হবো না ।

মঞ্জুলা । ওরে দানব ! আমি যে সতী । উঃ ! ভগবান্ । সতীর
প্রতি একি নির্ঘাতন ? কৈ, কোথা তুমি সতীনাথ ! কোথায় তুমি
সতী-রাগি, এস—এস—আমার সতী-মান রক্ষা কর ।

অগ্নিমিত্র । শুন্বে না ? আমার অনুরোধ শুন্বে না ? আচ্ছা
তবে দেখ্ মঞ্জুলা আমার সে ক্ষমতা আছে কি না—তোমায় হৈহয়
রাজার কাছে নিয়ে যেতে । [মঞ্জুলার হস্তধারণ]

মঞ্জুলা । ছাড়্ ছাড়্‌রে দানব—ছেড়ে দে । উঃ—উঃ । কি করি ?
ওগো দয়াময় ! আমার যে সতীধর্ম্ম যায় । ওগো ওগো—কে আছ,
আমায় রক্ষা কর ।

অমুচরগণসহ মাধব ও শাস্ত্রশীলের প্রবেশ ।

শাস্ত্রশীল । ভয় নেই মা—ভয় নেই ! মাকে রক্ষা ক'রতে সন্তানের দল ছুটে এসেছে । মাধব ! মাধব ! বধ কর—বধ কর—ওই সতীধর্ম-নাশকারী পিশাচকে ।

মাধব । মারু—মারু, বেইমানকো মারু ।

অগ্নিমিত্র । একি—একি বিদ্রোহিতা ! শাস্ত্রশীল ! মাধব ! যাও—যাও, দূর হও—দূর হও । স্বেচ্ছায় কেন জীবন দিতে এসেছ ?

শাস্ত্রশীল । যেন এমনিভাবে চিরদিন জীবন দিতে পারি সৈন্যপতি । সতী ধর্মহারা হবে চোখের সম্মুখে, আর আমরা নীরব হ'য়ে থাকবো ? না—না, তা হবে না দস্য ! দৈবচক্রে তুমি আজ কোলাপুর-সিংহাসন গ্রহণ ক'রলেও মনে রেখো, জগতে এখনো ধর্ম আছে ।

অগ্নিমিত্র । আচ্ছা তবে দেখি—ধর্মের শক্তি কতখানি । মঞ্জুলা ! এস—এস সুন্দরি !

শাস্ত্রশীল । সাবধান নারকি !

অগ্নিমিত্র । আরে—আরে ভণ্ড ব্রাহ্মণ । [অস্ত্র উত্তোলন]

মাধব । আরে—আরে বেইমান দুঃমন ! মারু—মারু—শয়তানকো মারিয়ে ফেল । [যুদ্ধ ; মাধব পরাজিত হইয়া] ঠাকুরবাবা—ঠাকুরবাবা ! তু মারিকে লিয়ে ভাগিয়ে যা । হামি আউর পায়ছে না । হামার পরাণটা বোধ হয় এইবার ছোড়িয়ে যাবে । উঃ—ঠাকুরবাবা—ঠাকুরবাবা !

শাস্ত্রশীল । এঁ্যা, একি ! ভগবান্ । জগতে অধর্মের এতখানি শক্তি ? মদনমোহন ! মদনমোহন ! তাহ'লে সত্যই কি তুমি চ'লে গেছ ? সত্যই কি তোমার আর মহিমা নেই ?

অগ্নিমিত্র । এস—এস সুন্দরি !

মঞ্জুলা । ছাড়্—ছাড়্ দানব !
 শান্তশীল । মদনমোহন । মদনমোহন ।
 [চক্র করে মদনমোহনের আবির্ভাব]
 অগ্নিমিত্র । এঁ্যা ! একি—একি !
 আচম্বিতে বজ্রের নিনাদ ?
 ষষ্‌ষ্‌ ঘোরে ওই মহাচক্র,
 বিচ্ছুরিত কালানল ।
 গেল—গেল—সব গেল মোর ।
 উঃ—উঃ! এত শক্তি ব্রাহ্মণের ?
 ওঃ—ওঃ । ব্যর্থ হ'ল সব ।

[পলায়ন ।

শান্তশীল । কে—কে তুমি ? সত্যই তুমি আমার সেই মদনমোহন ?
 যদি এসেছ ভক্তাধীন—ভক্তের কাতর ক্রন্দনে, তবে আর তোমায়
 যেতে দেবো না । এইবার আমার এই ভাঙ্গা বুকে তোমায় চির বন্দী
 ক'রে রাখবো । [মদনমোহনকে বক্ষে করতঃ] হাঃ-হাঃ-হাঃ, আর
 কোথায় যাবে কপটি ?

[দ্রুত প্রস্থান ।

মাধব । ঠাকুরবাবা, চলিয়ে গেলি ? আয়—আয় মায়ি । তু হামার
 সাধ্‌মে চলিয়ে আয়, হামি রেজাকে খুঁজিয়ে তাহার পাশে তুহারে
 পাঠিয়ে দিবে ।

মঞ্জুলা । চল সর্দার ।

[উভয়ের প্রস্থান ।

চতুর্থ দৃশ্য ।

মেধস-আশ্রম ।

মেধস চণ্ডীপাঠ করিতেছিল ।

মেধস । দেবাসুরমভূদ বৃদ্ধং পূর্ণদক্ষতংপুরা ।
মহিষাসুরাস্তমধিপে দেবানাঞ্চ পুরন্দরে ॥
তত্রাসুরে মহাবীর্যো দেবসৈন্ত্যং পরাজিতম্ ।
জিত্বা চ সকলান্ দেবা নিদ্রোহভূন মহিষাসুর ॥

সুরথের প্রবেশ ।

সুরথ । মহর্ষি ! মহর্ষি ! আপনার মুখে চণ্ডী-মাহাত্ম্য শ্রবণ ক'রে
হুতরাজ্য উদ্ধারের জন্ত আমিও দেবীর আরাধনা ক'রতে নদীতীরে দেবীর
মৃগ্ময়ী দশভূজা মূর্তি নির্মাণ ক'রেছি । আপনি আসুন, আমার পূজায়
সাহায্য ক'রবেন ।

মেধস । মহারাজ সুরথ ! তুমি যে কৰ্ম্মে ব্রতী হয়েছ, মনে রেখো
সে কৰ্ম্ম সম্পাদন করা সহজ সাধ্য নয় । মাতৃ-পূজায় বহু বিষয়—
কঠোর নিয়ম । সাধনায় সিদ্ধিলাভ করা দুষ্কর ।

সুরথ । মাতৃ-পূজা সুসম্পন্ন ক'রতে আমি জীবন বলিদান দেবো
প্রভু ! দেবতাদের পূজায় সন্তুষ্ট হ'য়ে ছরস্ত দানবগণকে বধ ক'রে
মা যেমন দেবতাদের স্বর্গ জয় ক'রেছিলেন, আমারও পূজায় মা কি তা
ক'রবেন না ? ঋষি ! আমি যে মা ব্যতীত সংসারে কাউকে জানি

দশভুজা

[পঞ্চম অঙ্ক ।

না। কঠোর প্রতিজ্ঞা—জীবনপাত; তবু চাই মায়ের আশীর্বাদ ।
আর যে যজ্ঞগা সঙ্ঘ হয় না ঋষি !

মেধস। চল রাজা! দেখি, তোমার মৃন্ময়ী মূর্তি সজীব হ'য়ে
অভয়-বারি বর্ষণ করেন কি না? দেখি, এতদিনে সার্থক হয় কিনা
আমার চণ্ডীপাঠ ।

সুরথ। মা! মা! পূর্ণ করিস্ মা মনোবাসনা ।

মেধস। বল রাজা! বা দেবী সর্বভূতেষু দয়াক্রুপেণ সংস্থিতা ।
নমস্তস্মৈ নমস্তস্মৈ নমস্তস্মৈ নমোনমঃ ॥

[আবৃত করতঃ উভয়ের প্রস্থান ।

গীতকণ্ঠে সিদ্ধেশ্বরীর প্রবেশ ।

গীত ।

সিদ্ধেশ্বরী ।—

অবসান! অবসান! অবসান!

মুছাবো অশ্রু মুছাবো বেদনা,

কেঁদো না কেঁদো না পুরাব কামনা,

অদূরে সুখের উষা ওই আসে হাসিয়া

অবসান—অবসান, দুঃখ-নিশা অবসান ॥

[প্রস্থান ।

পঞ্চম দৃশ্য ।

নদীতীর ।

দুর্গার মূন্ময়ী দশভূজা মূর্তি, পূজার দ্রব্যাদি, খড়্গ,
যুপকাষ্ঠ স্থাপিত ছিল, মেধস ও সুরথ পূজায়
ব্রতী ; শিষ্যবালকগণ গাহিতেছিল ।

গীত ।

শিষ্যবালকগণ ।—

ওঁ জটাজুটসমায়ুক্তং অর্দ্ধেন্দু কৃতশেখরাম্ ।
লোচনত্রয়সংযুক্তাং পূর্ণেন্দু মদৃশাননাম্ ॥
অতসী পুষ্প বর্ণাভাং স্প্রতিষ্ঠাং স্ললোচনাম্ ।
নবযৌবনসম্পন্নাং সর্বাভরণ ভূষিতাম্ ॥
সুচারু দশনাং তদ্বৎ পীনোল্লত পয়োধরাম্ ।
ত্রিভঙ্গ স্থান সংস্থানাং মহিষাসুরমর্দিনীম্ ॥

মেধস । বল রাজা ! যা দেবী সর্বভূতেষু মাতৃরূপেণ সংস্থিতা ।
ননস্তস্মৈ নমস্তস্মৈ নমস্তস্মৈ নমোনমঃ ।

সুরথ । [আবৃত্তি] কই গুরু ! এখনো পর্যাস্ত তো দেবীর চেতনা-
শক্তি হ'ল না । এখনো তো তিনি এলেন না বিরাট নৈরাশ্বঘেরা
আকাজ্জার মাঝখানে বরাভয়দায়িনী মাতৃ-মূর্তিতে । আর কতদিন—
কতকাল বেদনার অশ্রুসিক্ত পুষ্পাঞ্জলি দিয়ে বিশ্বমাতার পূজা ক'রবো ?

মেধস । ধৈর্য্য ধর রাজা ! সভক্তি চন্দনচর্চিত পুষ্পাঞ্জলি কখনই ব্যর্থ হবে না । তিনি আস্বেন দিগ-দিগন্ত উষার নবীন আলোক-ছটায় উদ্ভাসিত ক'রে—অনন্ত সাস্তনার নিশান ধ'রে প্রকৃতির দুর্জয় সন্ধিক্ষণে । ওই যে তাঁর আগমনীর নহবৎ-বাণ বেজে উঠেছে । মা আসছেন রাজা—মা আসছেন ।

সুরথ । মা ! মা । আয় মা দুর্দিন-দূরিতা অভয়া—আয় মা দানব-ঘাতিনী দশভূজা—আয় মা সস্তাপ-তাপিত সস্তানের মরু আঙিনায় তোর অভয়-বারি বর্ষণ ক'রতে ।

মেধস । বলিদান দাও রাজা ! বিনা বলিদানে মাতৃ-পূজায় সিদ্ধিলাভ অসম্ভব ।

সুরথ । বলিদান দিয়েছি গুরু ! একে একে লক্ষ বলিদান দিয়ে মাতৃপূজা সুসম্পন্ন ক'রেছি, কিন্তু তবুও তো মায়ের কৃপা হ'চ্ছে না । ওগো পাষাণি ! ওগো জগন্মাতা ! আর কত বন্ত্রণা দিবি ? রাজ্যহারা সন্তানকে রক্ষা কর জননি !

মেধস । এখনো লক্ষবলি মা'কে দিতে পারনি সুরথ ! এখনো বলিদান দাও ।

সুরথ । আর কি বলিদান দেবো গুরু ?

পুত্রকোড়ে মাধবিকার প্রবেশ ।

মাধবিকা । এখনো একটি বলিদান বাকী আছে রাজা !

সুরথ । কি বলছ রাণি ?

মাধবিকা । শেষ বলি এই পুত্র । আজ মাতৃপদে এই শিশুকে বলিদান দাও রাজা ! দেখি, পাষাণী মায়ের পাষণ প্রাণ কেঁদে ওঠে কি না ?

সুরথ । সুন্দর মাতৃপূজা ! তাই দাও রাণি ! মায়ের সন্তোষ বিধানে
মায়ের সন্তানকে মায়ের সম্মুখে বলিদান দিই ।

মেধস । সুরথ ! একি মাতৃপূজা ?

সুরথ । সুরথের এ মাতৃপূজা জগতে চির অমর হ'য়ে থাকবে গুরু !
রাণি—রাণি ! দাও—দাও, [পুত্র গ্রহণ] মা—মা ! সন্তুষ্ট হও পাষাণি !
সুরথের এই মহা-বলিদান গ্রহণ ক'রে ।

[পুত্র-বলিদানে উদ্যত]

সিন্ধেশ্বরীর প্রবেশ ।

সিন্ধেশ্বরী । আমি এসেছি ভক্ত !

সুরথ । একি ! কে—কে তুই ? সিদ্ধি ? সিদ্ধি ! তুই কি
বলছিস্ মা ?

সিন্ধেশ্বরী । বলিদান বন্ধ কর ।

মেধস । একি—একি ! সহসা মেধসের আশ্রম স্বর্গীয় আলোক-
মালায় উদ্ভাসিত হ'য়ে উঠলো কেন ? কে—কে ওই জ্যোতির্ময়ী মূর্তি
অনন্ত নীলাকাশ হ'তে ধীরে ধীরে নেমে এল ? কে—কে তুই ? তুই
কি মা মেধসের লক্ষ যুগের ঈঙ্গিত কামনা ? চণ্ডী-কাব্যের অধিষ্ঠাত্রী
দেবী চণ্ডিকা ?

সুরথ ! সিদ্ধি...সিদ্ধি ! বল—বল মা, তুই কে ?

সিন্ধেশ্বরী । আমি সেই ; যার জন্ম তুমি পুত্র-বলিদানে কুণ্ঠিত নও ।
আমিই ওই মূর্তির জীবন্ত প্রতিমূর্তি ।

সকলে । মা—মা—মা !

সুরথ । না—না, মিথ্যা—মিথ্যা সিদ্ধি ! তো'র সব কথাই মিথ্যা ।
ছেড়ে দে—ছেড়ে দে, আমার মাতৃপূজায় ব্যাঘাত দিস্নে । জানিস্নে

দশভূজা

[পঞ্চম অঙ্ক ।

মা আমার কত যজ্ঞা ? সতাই যদি তুই কাম—মোক—মুক্তিদায়িনী—
দীনজন-তারিণী আত্মশক্তি মহামায়া, তবে দেখা মা তোমার সেই দশভূজা
সিংহবাহিনী-মূর্তি ।

সিদ্ধেশ্বরী । এই দেখ ভক্ত, আমার স্বরূপ মূর্তি ।

[সিদ্ধেশ্বরীর অন্তর্দান ও সিংহবাহিনী মূর্তির আবির্ভাব]

সকলে । মা—মা—মা !

দশভূজা । নির্ভয় পুত্র আমার আশীর্বাদে তোমার সমস্ত দুর্দিন
দূরীভূত হবে । এইবার স্বরাজ্যে ফিরে যাও, তোমার মাতৃপূজা পূর্ণ ।
মায়ের আশীর্বাদে তুমি শত্রুগণকে জয় ক'রে সিংহাসন লাভ কর । তোমার
এই অপূর্ব মাতৃপূজা জগতের বুকে চির অমর হ'য়ে থাকুক ।

মেধস । বল—বল রাজা ! বল মা ! যা দেবী সর্বভূতেষু শান্তিরূপেণ
সংস্থিতা । নমস্তস্মৈ নমস্তস্মৈ নমস্তস্মৈ নমোনমঃ ॥ .

[সুরথ ও মাধবিকার আবৃত্তি ও প্রণাম]

ষট্ঠিকা

প্রিন্টার—শ্রীমদেবপ্রসাদ

সরমা প্রেস ; ২৩ বাগবাজার স্ট্রিট, কলিকাতা—৩

